

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

36 pes

Namba 906

Wik i stat long Fonde Novemba 14, 1991.

40 toea

Red Cross bai bringim ol marasin na kaikai i go long Saut Bogenvil

NESENEL gavman i givim tok orait pinis long wanpela bot bilong karim ol marasin na kaikai i go long Buin. Ron bilong bot bai kamap long neks wik.

Buin i stap long Saut Bogenvil na i sot tru long ol dispela samting. Tasol i gat pret toktok i kamap pinis olsem ol paitman bilong Bogenvil Revolusineri Ami (BRA) bai stapim dispela bot long go.


Long bekim ol dispela ripot, Praim Minista Rabbie Namaliu i givim tok lukaut long BRA long no ken mekim olsem. Em i tok BRA i mas larim ol dispela wokman na meri bilong Red Cross long go stret long Buin.

Insait long wanpela ripot bilong em asde long apinun, praim minista i tok ol pipel long dispela hap i mas kisim marasin na kaikai. Bikos ol i bagarap tru. Olsem na no gat wanpela samting i mas kamap bilong stapim dispela ron bilong sip.

Namaliu i tok, "Long as bilong sevim ol pipel, gavman i larim Red Cross long go insait long Saut Bogenvil wantaim ol marasin na kaikai."

"Long dispela as, BRA i mas bihainim wanem samting gavman i mekim. Sapos BRA o husat i laik stapim bot long go, dispela i soim tasol olsem ol i no wari long laip bilong narapela man o meri na pikinini."

Praim Minista i tok long nem bilong helpim i go moa long pes 2



• Tupela soldia bilong Papua Niugini Difens Fos i kisim bagarap na slip long Nonga haus sik long Rabaul. Tupela em sampela memba bilong ol lain we ol rebel paitman bilong BRA i bin sutim long las mun tasol.

Nupela ileksen lo i tok sapos...

No gat nem, i no inap vot

NUPELA lo i tok man o meri husat i no gat nem long buk bilong Iktorel Komisn i no inap vot.

Dispela em wanpela bilong ol bikipela senis nau i kamap long lo bilong ileksen long Papua Niugini.

Na dispela i bin kamap taim nesenel palamen i oraitim tingting bilong Edministretiv Sevises long tripela seksen. Namba wan hap bilong senis i toktok long senisim olpela nominesen ileksen fi. Ol lain husat i laik resis long 1992 nesenel ileksen i mas baim K1,000 nominesen fi. Na i no K100 olsem bipo.

Namba tu hap i toktok long ol bai-ileksen. Long bipo sapos palamen i gat 6-pela mun tasol i stap bilong bung, Iktorel Komisn i ken holim bai-ileksen. Tasol nau nupela lo i senisim dispela i go long 12-pela mun. Sapos taim bilong palamen long bung i stap daunbilo long 12-pela mun, bai-ileksen bai i no inap kamap.

Namba tri hap bilong dispela nupela senis i toktok long taim bilong tokaut long wina bilong ol ileksen na makim nupela gavman. Bipo ol memba i no inap fomim gavman inap bihain long 21 de bilong ileksen. Tasol nau dispela i ken kamap insait long 7-pela de.

Minista bilong Edministretiv Sevises, William Wi i bin tokaut long ol dispela senis

YAKAM KELO i raitim

namba tri taim long palamen long Tunde moning, 12 Novemba, 1991.


Long taim bilong vot, 86 memba i orait long dispela tingting. Na no gat man i egensim.


Na tu krismas bilong husat kendidet i laik resis i mas winim 30 yia. Em i mas go long gutpela skul na i bin wok sampela yia pinis wantaim pablik sevise.

Long las kibung. Wi i tokim palamen olsem dispela ol senis bai bringim planti gutpela bekim long taim bihain.

Em i bin tok, insait long 16 krismas nau bihain long independens, i bin gat tripela jenerel ileksen na planti liklik bai-ileksen.

Dispela nupela lo bai sotim tu taim bilong holim ol ileksen. Na i no gat planti kain kain ileksen bai kamap nabaut olsem ol bai-ileksen. Na dispela tu bai sevim bikipela mani em i save lus long ol kain kain ileksen.

<p>INSAIT</p> <ul style="list-style-type: none"> • Papa givim bel long pikinini...pes 2 • Buka lida sapatim gavman...pes 3 	<p>RAGBI LIG NIUS</p>  <p>• Numapo na Matmilo joinim Kumuls</p>	<ul style="list-style-type: none"> • Rausim gret 6 eksem...pes 4 • Yonki pawa go long Hailans na Momase...pes 5 • Gavman sapatim Nesenel Sevise...pes 11 • Nupela Gavana Jenerel...pes 19
<p>NEKS WIK</p> <ul style="list-style-type: none"> • 25 yia Aniveseri bilong Mosbi Katolik Asdaiosis 		



TOYOTA

HILUX

PORT MORESBY 229400 • LAE 433655 • RABAU 921988 • MADANG 822188 • GORDKA 721844 • MT HAGEN 521888 • WEWAK 862255
POPONDETTA 297266 • KAVIENG 942132 • KIETA 956083 • KIMBE 935155 • TABUBIL 589060 • VANIMO 871254 • PORGERA 508203



**NAMBAWAN
TRU LONG
PAPUA NIUGINI**

ELA MOTORS

WIL BILONG
OLGETA HAP

Yonki pawa stesin i pinis

WOK long bikpela Yonki Haidro pawa stesin long Papua Niugini i pinis.

Wok long dispela bikpela projek i bin stat long 1988. Na i kos K118 milien olgeta.

Dispela em wanpela bikpela enjiniaring projek em PNG Ilektrisiti Komisein na nesanel gavman i kamapim.

Praim Minista Rabbie Namaliu i bin opim dispela pawa stesin long las wik Fraide. Na tenkim PNG lektrik Komisin long dispela gutpela wok.

"Dispela projek bai mekim bikpela wok long developmen bilong kantri, bikos em bai saplaim lektrik pawa i go long Hailans rijon wantaim Lae na Madang long Momase rijon," Namaliu i tok.

Namaliu i bilip olsem dispela Yonki Haidro pawa stesin bai saplaim pawa tu long planti rurel pipel insait long kantri.

Haidro dem ya i stap long Yonki insait long Isten Hailans provins. Dispela em 20 kilomita longwe long Kainantu.

Elcom helpim Arona veli

ELKOM i sapatim Arona Veli Developmen Atoriti long helpim ol pipel long Arona veli wantaim ol wok bisnis.

Elkom bai givim ol samting bilong yusim long wokim maket ol arapela wok. Kos bilong dispela i stap olsem K100,000.

Developmen Atoriti bai go pas long ol menesmen na wok bilong mani. I gat rot tu long pulim mani long wok bilong turis long dispela hap.

Taim Yonki Dem i no kamap yet, Elkom i save helpim ol pipel bilong Arona long wok egrikalsa. Em i statim kau bisnis tasol nau wara i karamapim dispela fam. Em i statim kopi plantesin we i stap nau long han bilong Developmen Atoriti.

Red Cross bai bringim kaikai i go long Buin

i kam long pes 1

bikpela lain tausen man, meri na pikinini long Bogenvil, BRA i mas wok bung wantaim Red Cross. Olsem bai ol dispela woka inap mekim stret wok bilong ol.

Em i tok edministresen bilong Not Solomons, sekyuriti fos na olgeta opisa bai wok klostu wantaim Red Cross long larim em i mekim wok bilong en. Na dispela wok i bilong helpim ol pipel.

Flek bilong kantri bai flai antap long ol bot bilong karim ol marasin na kaikai. Na husat man i laik bagarapim wok bilong Red Cross bai kisim taim.

"Planti tausen pipel i wok long kisim taim long ol kain sik olsem malaria, TB, misels, pekpek wara, strongpela kus na planti arapela kain kain sik. Na ol dokta na nes i mas sekap tu long planti tausen bebi husat em mama i bin karim insait long las 12-18 mun. Na dispela ol lain i mas kisim imunaisesen sut bilong banisim ol long misels, strongpela kus na ol arapela sik," em i tok.

Praim minista i tok laip bilong man em i bikpela samting. "Olsem na mi laikim BRA i mas wok bung wantaim Red Cross long dispela taim."

Ol marasin samting i bin stap long Rabaul long las tripela mun bai go nau long Bogenvil. Dispela bai kamap taim i gat wanpela sip i redi.


Wanpela bung ripot bilong Red Cross long Papua Niugini na Red Crescent Sosaiti i tok olsem wok bilong ol em long bringim sevis na helpim i go long ol pipel. Na ol i no wok bilong helpim wanpela sait.

"Mipela i no wok bilong helpim ol lain i pait. Mipela i go insait tasol bilong helpim ol lain husat i painim bagarap, hevi na wari long dispela pait."

Tupela wantaim i daunim ripot olsem wok bilong ol long ailan i bihainim sampela toktok bilong gavman.

Ol i tok sapos dispela sip bilong karim marasin na kago i no pasindia o kago sip, ol i laik aisim flek bilong Red Cross tu i go antap.

Long nau yet i gat sampela opisa bilong Red Cross i stap wok long Arawa.



• Praim Minista Rabbie Namaliu i opim bikpela Yonki haidro pawa projek long Isten Hailans provins. Dispela em wanpela bikpela projek we i kos K118 milien. Na bai saplaim pawa long olgeta Hailans rijon wantaim Madang na Morobe long Momase rijon.

Man Manus givim bel long pikinini meri yet

WANPELA man Manus i tanim bek na slip wantaim pikinini meri bilong em yet long Vanimo long las yia.

Dispela man em David Alu husat i gat 27 kris-mas bilong Vuvulu ailan long Manus provins.

Nesanel kot long Vanimo i harim olsem long 5 Novemba, David yet i tokim Jastis Andrew long em i bin mekim olsem long pikinini meri bilong em.

Ripot i tok pikinini meri bilong David wantaim mama bilong em i bin bringim dispela hevi i go long kot na kotim papa bilong ol.

Ripot long Vanimo plis na wanpela sista bilong Vanimo Jenerel haus sik i tok pikinini meri bilong David i gat bel na karim wanpela pikinini pinis. Tasol ol i no tokaut yet long pikinini i man o meri.

Oda bilong Nesanel Kot i tok David bai stap ausait long kalabus long wok na lukautim meri wantaim pikinini bilong em. Mak bilong dispela sas i inap long tripela yia long kalabus.

Tasol em bai i stap aninit long lukaut bilong plis taim em i stap ausait long dispela taim inap tripela krismas olgeta.

David i marit long boda bilong Wutung long Sandaun provins na i stap wantaim meri bilong em na famili long hap.

Oposisen laik stapim Madang baset

PRIMIA bilong Madang provinsal gavman i gat bilip long kilim dai paia bilong Oposisen long mun Desemba.

Primia Andrew Ariako i tok em i save bai Oposisen i traim long stapim baset gavman bilong em i laik autim. Na tu ol bai salensim em long ol samting em i laik mekim long dispela taim. Tasol em i gat bilip olsem bai tingting na wok bilong Oposisen long dispela taim bai i no inap long kamap.

Ariako i tok em i save olsem tupela mamba bilong Oposisen long dispela taim bai i kam joinim gavman long strongim namba bilong ol.

Long nau i gat 14 mamba long gavman na 10-pela long Oposisen. Primia Ariako i tok em i no wari long

wanem samting bai Oposisen i mekim bikos Oposisen i hangre tasol long kisim pawa.

Wanpela sinia opisa long provinsal helkwata i tok bai Oposisen i traim long stapim provinsal baset sapos

em i no go wansait na tu i no gutpela. Em i tok Oposisen bai i gat namba long mekim dispela.

Gavman i mas i gat moa long 16 mamba long winim vot na larim dispela baset i go.


Ol pipel i no laik long salim Madang

OL pipel bilong Madang i no laik kisim K57,000 kompensesen long baim graun insait long Madang taun.

Long las wik, ol papa graun long Madang i givim bek K57,000 em nesanel minista bilong Lens na seketeri bilong em i givim long ol. Dispela mani i bilong baim olgeta eria bilong Madang taun. Ol pipel i tok ol i no laik long salim graun bilong ol long ol ovasis manmeri.

Ripot i tok dispela i soim olsem minista bilong Lens i laik baim graun bilong ol manmeri na givim i go long ol ausait lain long kisim.

I no gat wanpela mausman bilong ol pipel bilong Madang i stap long dispela tok wan bel bilong salim graun.



LAE: Lae plis i ripot tu olsem i gat tupela birua bilong hensapim ol man na stilim samting i kamap long wiken.

Plis i tok namba bilong ol man namel long 10 na 15 i mekim ol dispela kain trabel. Long tupela trabel wantaim, ol raskel i stilim ol ka na samting bilong ol manmeri em kos iblong ol inap olsem K300.

WEWAK: Plis ripot i tok tupela pasin bilong bagarapim meri i kamap long wiken.

Ol man nogut i holim tupela meri na mekim pasin nogut long ol. Krismas bilong wanpela em 34 na narapela em 19. Plis i holim pinis wanpela long ol man i mekim dispela trabel.

Plis i ripot tu olsem ol man nogut i brukim haus na stilim ol samting em kos bilong ol inap olsem K5,000.

KEVIENG: Plis i holim na sasim pinis wanpela pablik sevan bilong Nu Ailan bihain long kukim wanpela gavman ka long las yia.

Provinsal Plis Komanda long Keviang, Siv Inspekta Titus Pamben i tok man ya i gat 39 krismas na em i bilong Madang provins.

Plis i bilip olsem man ya i kukim wanpela ka bilong Ilektoel Komisin long 19 Jun long las yia.

Dispela ka i stap aninit long wanpela gamvan haus haus bilong wanpela sinia gavman opisa.

Mista Pamben i tok ol i no painim aut yet long wanem as bilong dispela samting, tasol em i tok plis i hatwok bilong ol yet na holim dispela man.

Em i tok plis i sasim man ya pinis long kukim ka na bai kamap long kot long bihain taim.

RABAU: Plis i holim pinis 8-pela man em ol i bilip olsem i kilim tupela studen bilong Sonoma Edventis Koles klostu long Kokopo long las wik Fonde.

Plis i painim tu K600 na kisim gan em ol i bilip ol man ya i yusim long kilim dispela tupela studen.

Ol studen ya i dai bihain long ol raskel i holim ol wantaim wanpela waitman tisa bilong ol na stilim K4000.

HAGEN: Ol pait namel long wan pisin bilong Kulga na Ulka long Nebilya i wok long stapim ol savis long go long Sauten Hailans provins.

Na tu long Hailans haiwe, namel long Kundi-awa na Hagen, moa long 1000 paitman nau i mekim save pait i stap long ol maunten bilong Kujip.

Ol paitman i ranawe i go long ol maunten taim ol plisman i kamap long stapim pait. Ol pablik sevan i tok dispela pait i bikpela samting bikos em bai bagarapim ol sevis i go long Sauten Hailans.

Planti ol sevis i go long Sauten Hailans i bin bagarap taim pait i bin kamap long bipo. Ol raskel i kisim sans long holim ol rot blok na stapim ol manmeri long rot na stilim ol samting bilong ol. Ol man nogut tu i stapim ol ka bilong karim kaikai i go long Sauten Hailans na stilim ol kaikai.

Long Nebilyer stret, ol paitman i bagarapim ol haus long gavman stesin, klinik, ol skul na planti long ol dispela samting i no stret yet.

Ol pablik sevan i tingting planti olsem planti ol wan pisin bai join long pait. Na ol i wari olsem dispela pait bai inap bagarapim nesanel ileksen em bai kamap klostu nau.

LAE: Distrik kot mejistret long Lae, Richard Saranduo i salim wanpela man i go kalabus long tripela yia long giamanim ol yanpela man na meri long bihainim nupela lotu bilong em.

Kot i harim olsem man ya nem bilong em Esemema Maka bilong Kabwum long Morobe provins i giamanim ol yanpela meri na man long joinim lotu bilong em na bihain mekim pasin nogut long ol.

Ol Buka lida sapatim gavman

KONIO SENEKA i raitim

OL Buka lida i sapatim tok orait bilong nesanel gavman long tambuim ol memba bilong BRA long go long ovasis.

Edvaisa bilong Buka Kaunsil ov Sif na olupela Minista bilong Komyunikesen, Kalsa na Turisim long Not Solomon provinsal gavman, Remeo Tohiana i askim gavman long putim strongpela lukaut long dispela.

Tohiana i tenkim Australia long luksave long dispela tambu, na i no oraitim Bisop

John Zale long go insait long kantri bilong ol. Bisop Zale em Minista bilong Helt long interim gavman bilong Bogenvil. Tohiana i askim tu gavman bilong Nu Silan long luksave long dispela tambu.

"Mipela i save olsem Bisop Zale i stap long Solomon Ailan, na PNG gavman i mas holim pasim na sasim em long brukim dispela tambu. Bikos mipela i save olsem dispela tambu i bin kamap long tupela wik i go pinis," Tohiana i tok.

Ol Buka lida i askim tu PNG gavman long kisim tok orait, na ogenaisim wantaim gav-

man bilong ol kantri i stap klostu olsem Australia na Solomon Ailan long holim pasim na sasim ol BRA memba na sapota, husat i stap nau long kantri bilong ol. Na salim i kam bek long PNG bai ol i sanap long kot.

Em i tok long dispela kain we, gavman i ken lukautim na daunim wok bilong BRA long ovasis, sapos mipela i wok bung wantaim ol kantri i stap klostu long mipela long kain we olsem.

Na gavman bilong Australia i rabisim ol toktok olsem em i stap long sait bilong PNG

gavman, na i no laik larim Bisop Zale i go insait long kantri. Ol sios long Australia olsem Yunaitet Sios i bin askim Bisop Zale long go long kibung, na toktok long wanem bagarap i kamap long Bogenvil. Dispela kibung i no kamap.

Foren Afeas Minista bilong Australia, Gareth Evans i tok Bisop Zale i no inap go insait long Australia, bikos em i no gat stretpela PNG paspot.

Las mun PNG gavman i tambuim paspot bilong ol BRA lida.

Wota Bot laik tekova long wara

HEVI bilong wara long Mosbi i no inap pinis sapos Wata Bot i laik tekova long Nesanel Kapitel Distrik Komisen long stretim.

Siman bilong NCDC, Frank Igo i tok long Fraide olsem sapos Wata Bot i laik traim long stretim hevi bilong wara long Mosbi bai i hat yet. Bikos i gat ol bikhet pasin i save kamap we ol man i brukim ol paip, na tu ol i pulim wara i go long ol blok we i no gat tok orait long en.

Em i tok dispela em tupela bikpela hevi we wara i wok long sot long ol manmeri long Mosbi eria. Inap dispela hevi i pinis bai ol samting i go orait.

NCDC i gat plen long 5-pela yia long stretim ol hevi bilong wara long Mosbi sapos em i lukautim wok bilong wara yet. Wanpela plen bilong en em long pulim wanpela bikpela paip long Bomana eria i go long Gerehu eria.

Mista Igo i tok Wata Bot em wanpela bisnis grup bilong ovasis husat i wok klostu wantaim Woks na Saplai dipatmen. Tasol em i no save go pas long wara sistem long ol taun. Dispela em wok bilong taun atoriti long lukautim wara.

Wanpela pas i go long NCDC long i no mekim gut wok long lukautim hevi bilong wara i kam long minista bilong Woks, Lucas Waka.

Em i tru olsem Pora kisim dinau - Glassock

MAUSMAN bilong Komanwel Dvelopmen Kopresen (CDC) long PNG, Brain Glassock i tok em i tru olsem minista bilong Fainens na Plening, Paul Pora i kisim dinau long PNG Venja Fan Pty Ltd (PVF), wanpela brens bilong CDC.

CDC em wanpela bisnis han bilong gavman bilong Inglen na em i gat brens opis long PNG. Wok bilong CDC em long helpim ol narapela kantri long ikonomi bilong ol long kirapim projek.

Glassock i tok PNGVF i baim 25,000 sea na givim dinau long Haulways Pty Ltd, wanpela kampani bilong Pora. Tasol em i tok strong olsem i no gat wanpela samting i rong long dispela. Ol i mekim dispela i bihainim lo bilong bisnis long PNG.

Dispela ol toktok i kamap kli na i bihainim sampela ol askim em namba tu lida bilong oposisen, Sir Julius Chan i askim Pora long en long Palamen long las wik.

Sir Chan i laik save sapos wanpela kampani bilong Pora i kisim sampela dinau long PNGVF. Na tu em i laikim sapos Pora i ken soim ol tok orait i oraitim CDC long wok bisnis long PNG.

Pora i tokaut long

Palamen olsem em i tru olsem PNGVF i baim sea long kampani bilong em, Haulways Pty Ltd. Tasol em i tok PNGVF i no holim bikpela sea long kampani bilong em.

"Mi mekim dispela bihainim rot bilong bisnis bipo mi kamap minista. Tasol sapos i gat sampela samting i rong, orait, tokaut long dispela ol samting long Ombudsman Komisin,"

Pora i tok.

Tasol dispela em i no namba wan taim, Sir Chan i mekim ol dispela askim. Em i askim ol wankain askim long 19 Julai na 21 Ogas. Na long dispela ol taim, Pora i tok em bai bekim long wanpela ripot, tasol Sir Chan i no amamas yet na askim gen long 5 Novemba.


Long wanpela askim

bilong em long 21 Ogas, Sir Chan i laikim Pora long tokaut long wok bilong CDC long kantri. Dispela planti askim i mekim CDC long tok aut nau long wanem kain bisnis em i mekim long PNG.

Glassock i tok PNGVF i kamap long givim dinau long ol liklik kampani long PNG husat i no inap long painim mani long wok.



• Ol boi bilong Morata Half Way senta long Mosbi i bung long putim mak long graun em nupela haus slip bai sanap. Dispela em long Tunde Novemba 12. Ol i bungim moa long K14,000 long kirapim dispela haus, na i sot yet long K60,000.



• Ol i planim Kating diwai ya long fran bilong Boroko Is Intanesenel skul long Mosbi long Trinde Novemba 13. Dispela diwai i makim moto bilong skul long tok Motu olsem "Au maoro maoro lata" na i min "Groa olsem wanpela diwai". Foapela man long Fekelti bilong Creative Arts long UPNG i sapim dispela bikpela longpela kating diwai.

Calculators

20% OFF Some Models

ALU SIGNS PTY LTD

PO BOX 7081, BOROKO PH. 25 4800
STORE: NEAR BOROKO POLICE STATION

TOR TOO

TORO DRING WAN-TAIM OL PORO BILONG EM NA EM TOK BILAS LONG OL I STAP...

A multi-panel comic strip with the following dialogue:

Panel 1: "AAH, WANPELA KATEN INO INAP LONG MI... EM BIA BILONG OL BEBI TASOL... MI SAVE DRING LONG TENPELA KATEN IGO TULAIT IBERUK!"

Panel 2: "SIT MI, TORDU YU FIT MAN TRU, YA! TEN KATEN INO MANGI!"

Panel 3: "HEY, OL PORO! TEN KATEN I STAP... MIPELA REIDIM BLAK MAKET LONG 6-MAIL NA KARIM IKAM-PRING?"

Panel 4: "TEN KATEN? AIYO, MI PRET, YA! MI LES..."

Panel 5: "EH, YUPELA SANAP... MI GO LONG TOILET PASTAIM..."

Panel 6: "...NA HARIAP LIK-LIK! YU TOK WAN KATEN INO FIT LONG YU... YU LAIKIM TEN KATEN! NAU TENPELA KATEN I-STAP... YU PAI FLAT-AUTI-STRE... I, I, I, I!"

Panel 7: "EM LAIK RONAWE TASOL OL PORO I SAVE PINIS... OL I SANBAI NA INETIM EM..."

Panel 8: "HEY, MAI PRET! YU LAIK GO WE, AH? YU LAIK RONAWE LONG BIA NAU, AH? KAMON, YU TOK WAN KATEN EM FI LONG OL BEBI... YU LAIKIM TEN KATEN STRET, EM NA... MI MI GIA... TEN KATEN I-STAP... A WAN TASOL... BAI YU DAI NAU!"

Panel 9: "HA! HA! HA! BAI YU DAI LONG WAN KATEN STRET!"

WANTOK

NIUSPEPA BILONG OL PAPUA NIUGINI STRET

Skelim gut nupela ileksen lo

Palamen i oraitim pinis nupela ileksen lo. Na planti pipel bai tok dispela lo i gutpela. Bikos em i sotim taim, mani na ol hatwok. Na ating dispela i tru.

Long sampela rot, yumi ken glasim ol olpela ileksen lo olsem samting bilong las 14 o 16 yia bihain tasol long independens na selp gavman. Na tu dispela ol lo i save westim taim na i save kamap long laik.

Gutpela tok bokis bilong dispela i stap long ol kain kain liklik bai-ileksen nabaut. Maski ol i liklik, bikpela mani tru i save lus. Na long sampela taim, Iektorel Komisn i save gat ol dinar. Wapela gutpela piksa bilong dispela em long las provinsal ileksen bilong Morobe. Sampela mun bihain long ileksen, ol kampani na gavman bodi wantaim ol pipel i stat komplek bikos Iektorel Komisn i no baim ol.

Dispela samting kain piksa we komisn inap sevim planti mani. Na taim em i mekim olsem, gavman tu i sevim mani bilong yusim long narapela wok.

Tasol long wankain taim, yumi i mas skelim gut dispela ol senis. Em i kain rot bilong strongim gridi pasin o i bilong helpim ol liklik man na meri. Sampela senis long lo i min olsem sampela lida inap stap longpela taim tru long pawa.

Nupela lo i tok tu olsem ol lain husat i givim nem tasol long buk bilong Komisn bai vot. Dispela i no gutpela tumas.

Kibung bilong Nesanel Palamen long dispela wik

Toktok bilong rausim provinsal gavman stap yet

YAKAM KELO i raitim

OL memba i toktok strong yet long rausim ol provinsal gavman long Papua Niugini.

Long kibung bilong palamen long las wik, memba bilong Kerowagi Jim Yer Waim i autim ripot bilong Palamenteru Komiti long rausim provinsal gavman. Dispela ripot i sut tu long gavman bilong Is Sepik provins.

Ripot bilong Palamenteru Komiti i painimaut olsem gavman bilong Is Sepik i bin westim bikpela mani bilong publik. Em i no gat gutpela rekot tu long wok bilong ronim provins na ol pipel bilong en.

Olsem na ripot ya i askim ol memba long toktok na pasim tingting sapos bai Is Sepik provins bai votim ol nupela memba o skruim taim bilong vot i go moa. De bilong provins long vot i pinis long las mun.

Ripot bilong Palamenteru Komiti i tok Provinsal Aieas i rausim provinsal gavman bihainim ol tok kros bilong ol pipel yet. Olsem na long dispela as, gavman i ken pasim Is Sepik provinsal gavman i stap sampela taim moa.

Ripot i askim nesanel gavman long vot na skruim taim bilong provins long wantaim Edministreta. Em i askim ol tu long vot taim ol samting i orait gen, bai provins wan-

taim Iektorel Komisn i ken go het long holim vot bilong nupela memba. Na sapos olsem wanem, Is Sepik provins i ken holim vot bilong nupela memba bihain tasol long 1992 nesanel ileksen.

Ripot bilong memba bilong Finsafen Henu Hisingut wantaim komiti bilong em long kamapim lo bilong painim provinsal gavman sistem tu i sut long dispela.

Planti ol memba i paitim toktok i go i kam long ripot bilong Hisingut na komiti bilong em i mas karim kaikai. Ol i tok provinsal gavman i yusim bikpela mani tumas na i no mekim gutpela wok long ol pipel.

Memba bilong Morobe, Utula Samana i tok hevi

bilong provinsal gavman i save kamap bikos long pasin politiks yet. Dispela em taim kain kain politikel pati i save pait long kisim pawa insait long provins. Olsem na ol i mas traim long painim gutpela rot bilong stretim ol provinsal gavman.

Minista bilong Foren Afeas na memba bilong Is Sepik, Sir Michael Somare i tok em tu i sapotim dispela ripot bilong Palamenteru Komiti long hevi bilong Is Sepik provinsal gavman.

Sir Michael i tok wanpela bikpela hevi we i save kamap long ol provinsal gavman em, ol i save kisim ol man i no gat inap save long wok. Ol i save pinisim Yunivesiti tasol ol i no klia yet long wok wantaim ol.

I no bikpela mani, K50 tasol

HENRY MORABANG i raitim

PAUL Kim bilong Sauten Hailens i painim dispela kapul long bus bilong Koiyari taim em i go raun long abus.

Paul i tok em i no painim hat wok skulim em. Bikos planti kapul i save harim tok.

Wantok i bin painim Paul wantaim kapul bilong em long NBC trafik lait. Tupela i bin go limlimbur long Boroko maket na i laik go long haus.

Paul i tok olsem husat man i laikim kapul em K50 tasol. Em i no bikpela mani. Yupela i ken painim Paul wantaim kapul long Boroko maket o sapos nogat long Gordons.



• Paul Kim wantaim kapul bilong em i limlimbur pinis long Boroko maket na i laik go bek long haus. Foto: Henry Morabang.

Edukesen dipatmen laik rausim gret 6 eksem long ol skul

SAMPELA askim long ol tes pepa bilong ol gret 6 pikinini long dispela yia i no bin sut long ol samting bilong Papua Niugini stret.

Memba bilong Esa ala Johnson Maladina i bin painimaut na askim long dispela samting.

Em i tok ol askim long ol gret 6 eksem i toktok long samting bilong ol arapela kantri. Na dispela ol kantri i no save lainim ol pasin na samting bilong yumi.

Mista Maladina ya i tok minista bilong Edukesen i mas sekim wok bilong ol opisa husat i save redim ol eksem pepa. Ol askim i stap long ol eksem pepa i mas sut stret long save bilong ol pikinini. Na i no long ol ausait samting.

Na dispela i mekim ol papamama i wari bikos ol i ting ol pikinini i no wokim gut eksem bilong ol.

Edukesen minista Utula Samana i tok bai em i sekap long dispela ripot. Tasol i gat sampela askim long pepa we i save hat long ol pikinini long bus. Long wanem ol askim long eksem pepa i sut long ol samting i stap long taun. Na ol pikinini long taun inap bekim ol dispela askim.

Minista i tok dipatmen i laik rausim nau dispela pasin bilong ol sumatin i feil long gret 6. Olgeta sumatin bai go stret long haikul na winim sampela mak bilong skul liklik.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Stack laikim gavman sekap long ol samting bilong woa long Kairuru na Seleo ailan

PASIN stil i laik kamap long ol samting bilong woa nau i stap aninit long solwara namel long Kairuru ailan na Seleo ailan bilong Is na Wes Sepik provins.

Wanpela ripot em minista bilong Interia na memba bilong Wes Sepik, Karl Stack i gat i soim olsem i gat samting olsem 50 na 100 tan gol i stap long dispela hap. Dispela ol samting i stap long sampela sip bilong Japan em ol i bomim long taim bilong Wol Woa 2.

Stack i tok i gat sampela man bilong ovasis i stap pinis long rausim ol dispela samting long Papua Niugini. Na kos bilong 50 ton bai olsem K5.5 bilion na 100 tan i olsem K1.4 bilion, wankain long nesanel baset.

Stack i painimaut olsem dispela lain i yusim pepa bilong turis long oraitim ol long raun long kantri. Sip bilong ol i sanap long Singapo long rausim ol dispela gol i go taim ol i kisim.

Em i tok sapos dispela samting i stap long solwara bilong Australia na Indonesia, bai ol i tok em samting bilong stet.

Stack i soim tu wanpela pas we i givim tok orait long ol long rausim ol dispela gol. Insait long pas ya, olpela memba bilong Sentrel provins na deputi praim minista, Ted Diro i sainim olsem minista bilong Publik Sevis long 20 bilong mun Ogas. Tasol long dispela taim yet, Mista Diro i bin lusim wok long palamen.

olsem na Stack i bilip Diro i no mekim dispela na i ting em i wanpela giaman pas.

Nem bilong ol man husat i stap insait long dispela em, David Morgan husat i stap long Gol Kos long Australia na wok wantaim Saut Pot kampani na Sheratton Finance, Peter Wildon menesing dairekta na Lorry Pollard husat i olpela wokman bilong Sikret Sevis bilong Australia. Em i wok tu wantaim Sabsideri Rises na Rikaveri long Vanuatu.

Stack i tok i no gutpela long ol ovasis man i kam na mekim kain pasin olsem. Ol ples na ailan long Kairuru na Seleo i bin kisim bikpela bagarap long ol bom long taim bilong Wol Woa 2. Olsem sampela samting i



□ Kanage raun long Rabaul maket na askim laik long wanpela meri Tolai.

Meri Tolai i tanim na singaut strong tru, "hei lukim em, no gat sem bilong yu, husat i save long yu!"

Planti manmeri i harim olsem na tanim lukim Kanage. Man Kanage i sem pipia stret.

Olsem na hariap tru em i bekim toktok bilong dispela meri, "sore planti lain na yu tok olsem. Mitupela yet bai yu i no inap ya." Tasol ol manmeri i save pinis olsem Kanage em lus man.

William Gando
RABAUL

■ Wanpela man Goroka husat i gat lek na han nogut i save stap long Lae siti. Taim ol manmeri i wokabout na abrusim em, em i save tok moning long ol. Na ol i save tromoi 10t o 20t long em.

Wanpela moning wanpela lapun Sepik i wokabout i go long wok. Goroka ya i lukim na apim wanpela han na i tok "moni". Em i save tok moning olsem.

Narapela moning Sepik i wokabout i go na Goroka i apim tupela han wantaim na i tok moning long we em i save toktok. Lapun Sepik i tingting krangi na bikmaus nau, "aste tasol mi givim yu 50t. Na nau yu putim tupela han na tok moning gen. Yu laikim K1 a?"

Tingting bilong lapun Sepik i paul na i laik tromoi han. Tasol no gat. Em kamautim K1 na tromoi long Goroka.

Michael Chaun
RABAUL

□ Wanpela man Sepik i painim wok i go na kamap long wanpela waitman. Waitman ya i askim, "yu bilong we?" Na man Sepik i bekim, "mi bilong Sepik".

Waitman i askim gen, "inap long yu spelim Wewak?" Na bagaros nogut i spelim nau, "Warbriyu Warbriyu kei Wewak."

W. Gando
RABAUL

■ Tupela lapun Sepik i save poroman gut tru. Na tu tupela i save slip long wanpela haus tasol. Wanpela samting i fani long tupela em, tupela wantaim i no save long krai.

Tasol wanpela taim wanpela bilong tupela i dai na olgeta manmeri i kam bung long haus, na krai i stap.

Narapela lapun i pasim malo na sindaun i stap. Na tupela kiau bilong em i hangamap i go daun aninit long haus, namel long tupela hap palang.

Ol manmeri i krungutim i go i kam na palang i muv na pasim stret tupela kiau ya. Man lapun ya i pilim nogut tru na krai strong tru.

Michael Chaun
RABAUL

□ Long Sepik wanpela tisa bilong gret 1 i go lukim ol man i wok long kot wantaim plisman i stap.

Plisman i harim kot i stap na tisa ya i wokabout i go long baksait bilong plisman na givim long tok Inglis olsem, "plisman take them to the local court, they must gat save".

Ol skul manki i harim olsem tisa i givim paul Inglis liklik na pundaun nabaut long graun, na kilim skin long lap stret.

Benjamin Panga
RABAUL

■ Kanage wantaim poro bilong em i go spak long hotel. Tupela spak i stap na ol Hailans i laik paitim Kanage.

Kanage kirap na singautim poro bilong em, "Bek to bek!" Poro bilong em i harim na ran i kam. Tupela mekimsave long pait wantaim ol Hailans i stap.

Ol pait i go na wanpela lapun Hailans i stil pait long Kanage, na Kanage i pundaun. Kanage i ting olsem poroman bilong em i paitim em. Em i kirap na givim gut wan stret long poro bilong em. Poro bilong em i pundaun na kaunim sta stret.

Danny Slavery
KIMBE

Rot namel long Bulolo na Aseki bagarap yet

NESENEL gavman i no givim yet mani bilong stretim rot namel long Bulolo na Aseki long Morobe provins.

Gavman i bin makim K400,000 bilong stretim ol rot long kantri. Tasol nau i gat K58,000 tasol i stap.

Tasol ministra bilong Trenspot, Anthony

Temo i tok ol i no inap long yusim dispela mani.

Rot namel long Bulolo na Aseki i bagarap tru na ol pipel i save painim hat long go long maket long taun. Na tu long bringim ol kopi bilong ol i kam salim long Lae.

Olsem na nesanel

membra bilong Menyamy, Ainde Wainjo i laikim gavman i mas stretim dispela rot. Bikos gavman yet i bin makim pinis haiwe namel long Lae na Wau Bulolo olsem nesanel rot. Na dispela liklik han rot tu i mas gupela.

Wainjo i tok em i save

olsem gavman i bin makim K200,000 i go long provinsal gavman long stretim dispela rot. Tasol ripot bilong provinsal menesa i tok i gat K95,000 i stap bilong yusim long wok.

Membra i tok i gat hevi tu bilong graun i bruk long Aseki. Na hevi bilong rot gen i stapim

ol helpim bilong go long ol pipel.

Tasol ministra bilong Trenspot i tok hevi bilong graun i bruk em wok bilong provinsal disasta komiti. Ol i mas salim ripot i kam long nesanel imejensi komiti bilong givim ol helpim samting.



• Ol Engliken na Roman Katolik bisop i kibung: ol bisop bilong Roman Katolik na Engliken Sios bilong Papua Niugini husat i kibung long Bomana Seminari, ausait long Mosbi long aste. Etpela bisop bilong tupela sios ya i kibung long painimaut wanem samting i brukim tupela sios ya. As bilong dispela kibung em long bungim tupela sios wantaim. Lukim ripot bilong dispela kibung long neks wik.

Kibung sapatim wok bilong kakao long PNG

WANPELA bikpela kibung bilong kakao i bin kamap long Kuala Lumpur, biktaun bilong Malesia i no long taim i go pinis.

Moa long 500 manmeri mausman bilong I5 kakao kantri i kamap long kibung. PNG Kokonas na Kakao Rises Institut (CCRI) long Rabaul i makim PNG long kibung. CCRI i ripot long 5-pela pepa long kibung na Malesia yet i putim aut 10-pela pepa.

Ol man i bringim ol pepa em Dokta Michelle End bilong Yunivesti bilong Reading. Dokta G. Y. Tan bilong PNGCCRI.

Pawa bilong Yonki bai go olgeta long Hailans na Momase rijon

BIKPELA pawa saplai long Yonki, Isten Hailans provins i stat wok pinis. Na em bai pulim moa mani bilong helpim kantri.

Long opim Yonki pawa saplai, Praim Minista Rabbie Namaliu i tok amamas i go long olgeta lain husat i bin wok wantaim long pinisim dispela bikpela projek.

Namaliu i tok prokek bai i helpim long givimlektrik pawa long olgeta

hap bilong Hailans na Momase.

Yonki pawa i olsem gupela mak wok bilong wok bilong Elkom long Papua Niugini. Olgeta wokman na menesmen i bin wok gut long pinisim dispela projek.

Ol ovasis lain husat i helpim em Hyundai Enjiniering na Konstraksen kampani bilong Korea, Elin boving bilong Australia na Yunaitet Kingdom na Cardon na Duvlon PNG Pty Ltd.

Wes Nu Briten primia laikim Australia kirapim ol bisnis long hap

WES Nu Briten provinsal gavman i askim ol bisnismen na ol kampani bilong Australia long statim ol bisnis long provins.

Dispela askim i kam long primia bilong Wes Nu Briten, Robert Lawrence long wanpela kibung bilong Australia Bisnis Kaunsi long Kimbe las wik.

Lawrence i tok West Nu Briten i gat planti minerel, pis na ol narapela samting. Tasol i no gat mani long mekim wok bisnis long ol dispela samting.

Em i tok provins i gat gupela graun we bikpela welpam projek nau i karamapim hap bilong en. Antap long welpam i gat ol sampela bikpela plentasin kokonas olsem Numondo long Talasea distrik. Numondo i namba tu bikpela plentasin long kantri na long Pasifik.

Lawrence i tok narapela bikpela samting em gavman i gat bikpela graun tru long Wes Nu Briten. Na nau ol papa graun i laik kisim bek sampela graun bilong ol.

Provins tu i pulap long ol kain kain

gupela timba. Lawrence i tok wok bilong forestri i karamapim 1.1 milien hekta bilong graun. Wok bilong TRP i karamapim 885,709 hekta na ol LFA projek i karamapim narapela 199,950 hekta.

Em i tok i no gat wanpela wok i kamap yet long ol samting bilong solwara. Na dispela i ken kamap aninit long ol helpim i kam long ol narapela hap.

Primia Lawrence i tok tu olsem turis bisnis em wanpela bikpela samting ol i lukluk long en. Long wanem provins i gat planti gupela ples na samting bilong lukim. Na i gat planti kain kain pasin na danis tumbuna i stap hait yet.

Em i tok wok bilong turis i pas wantaim Walindi Diving Resort em Max Benjamin i lukautim. Max i kisim wanpela awod long risot bilong em. Gavman bilong em nau i putim turis bisnis olsem wanpela bikpela wok bilong putim mani long en.

Ol lain bisnismen i bin stap wiken long Kimbe na bihain long ol i go bek long Mosbi.



• Deputi oposisen lida, Sir Julius Chan i givim setifiket long wanpela studen long greduesen bilong Kerevat Nesanel haiskul long Fraide Novemba 8.

TU MINIT TINGTING

TAIM BILONG GREDUENSEN

"Man i bihainim laik bilong Bikpela, em bai kamap saveman." (Sam 111:10)

LONG dispela taim bilong yia olgeta skul i save pinisim skulyia bilong ol. Na tu, olgeta skul i gat greduesen bilong em, we ol skulboi na skulmeri i bin winim eksemnesen pinis, nau ol i kisim setifiket. Setifiket em i olsem wanpela tiket i baim get bai ol i ken go long narapela skul i antap moa.

Man o meri i winim setifiket bilong yunivesiti pinis, nau em i mas statim narapela kain laip. Em i no ken sindaun moa long skulrum. Nogat. Ating em i namba wan taim long laip bilong em, we em i mas goaut nau na painim wok na winim mani. Inap long nau papamama na gavman i bin baim rot bilong em. Nau em i mas sanap long lek bilong em yet. Nau em i mas stat long

baim ol samting; na i no long kisim nating. Nau studen i mas soim em i groap pinis.

Dispela aidi bilong greduesen i pas gut wantaim dispela namba wan Sande bilong Adven. Adven em i pinis bilong Olpela Testamen, na em i bigin bilong Nupela Testamen. Greduesen tu em i pinis bilong taim bilong skul; na em i stat bilong laip tru bilong yangpela man na meri.

Gutnius tude i kam long Luk 21:25 na i stori long las de bilong graun. Dispela aidia tu i pas wantaim aidia bilong greduesen. Long wanem, long dispela las de bilong raun bai i gat wanpela bikpela kot i wankain olsem wanpela bikpela eksemnesen bilong las de.

Man or meri i greduet na i

kisim setifiket pinis, nau em i statim nupela kain laip: laip bilong wok. Nau em i stat long yusim olgeta save bilong em.

Gutpela eksampel bilong dispela kain pasin em i bikpela man bilong Adven: em Jon Bilong Baptais. I gat planti stori long pasin bilong em bilong redim rot i go long Bikman Jisas. Yu ken ritim long Luk 1. Maski em i kamap long famili i gat namba, na maski wanpela ensel yet i bin givim spesel nem long em, Jon i go i stap long ples wesan nating na em i tren long wok bilong em. Tren pinis, nau em i wok long bringim ol pipel i go long Jisas.

Ol greduet ol i wankain long Jon Bilong Baptais. Yes, God i bin singautim wan wan long

mekim wanpela wok; na bilong dispela, God yet i bin larim ol i go long skul na kisim save. Tasol kisim save nating, em i no inap. Nau ol i mas yusim dispela save. Nau ol i mas wok.

Olgeta bikpela man o meri i gat namba tude, em ol man na meri i bin taitim bun long wok. Setifiket i no bin mekim ol i kamap bikpela. Nogat. Setifiket em i ki bilong opim dua bilong woksap tasol.

Adven em i stat bilong sios yia. Adven em i taim bilong greduesen. Tupela i pas gut wantaim. Adven em i statim ol wik we yumi redi long Krismas, we bai yumi painim Jisas gen. Greduesen i statim nupela kain laip, we yumi mas painim God long wok bilong yumi.



FRANK MIHALIC I RAITIM

Kas bilong greduet i bilip tru long dispela hap tok: "Man/meri i bihainim laik bilong Bikpela, em bai kamap saveman tru." (Sam 111:10).

Singaut i go long olgeta pipel bilong Papua Niugini

Dispela em namba 4 skul bilong Katolik Komisin bilong Pis na Jastis bilong redi long 1992 nesenel ileksen

Kain kain askim bilong ol pipel

OL politisen long Papua Niugini i no nupela long ol kain askim bilong ol pipel. Ol i save kam askim wantaim bel sori, tok nogut

na toktok wantaim belhat long ol memba i mas helpim wanpela projek long konstituensi bilong ol.

Long tok bokis, yumi ken tok olsem dispela em gavman tru bilong ol pipel husat i makim ol

long en.

Traim i kisim ol politisen


Traim i ken kisim ol politisen long bihainim laik o askim bilong wanpela man o meri. Planti taim

ol i save mekim olsem bikos ol pipel i suvim ol tumas. Ating dispela politisen bai tingting olsem, "Mi mas stap yet. Olsem na mi mas amamasim ol pipel bai ol i votim mi." Ating em i tru olsem dispela politisen i painim rot bilong win gen. Tasol as bilong dispela i kamap olsem wanpela rot we i go na pinis nating long namel.

Dispela em wanem samting mipela i save kolim rijnellsem

(regionalism) - long yusim samting bilong ol biklain long pinisim laik bilong ol liklik lain tasol. Tok piksa bilong ol dispela kain wok em long wokim rot i go long wanpela bikbus ples tru. Long

i go moa long pes 23




THE trukai WINNERS!

Six GOLD, Eight Silver and Four
Bronze medals to our PNG
Weightlifters in the SP Games.

What a team!

Congratulations to:

Paul Euki, Andrew Bolong,
Bob Siape, Willie Tokana,
Wilson Tokana, K. Leai,
Roger Token, Lisimoni Kami.



Trukai Rice gets results!

Taim bilong Sebia i sot nau

SEBIA i abrusim pinis taim ol i makim long kibung bilong kamapim gutpela sindaun long Midel Is kantri.

Yuropien Komyuniti i givim tok lukaut i go nau long Sebia bikos em i no kamap long kibung bilong stretim ol hevi.

Tasol Difens minista bilong Sebia, Tomislav Simovic i tok Sebia i gat bikpela kros na i ken kirapim pait. Long wanem, wanpela provins bilong en long Vojvodina i bin bungim birua pinis.

Ripot i tok komanda bilong Croatia bin oraitim ol ami bilong em long statim pait. Long dispela pait, 5-pela man i bin dai. Ripot i tok tu olsem komanda ya i no bin bihainim oda bilong ol bos bilong em.

Yuropien Komyuniti i tingting nau long stapim ol wok bisnis long Sebia.

Ol memba bilong Yuropien Komyuniti i bin bung na wetim ol lida bilong Sebia long kamap. Tasol i no gat na bom i pundaun long ples bung ya na kilim wanpela man Croatia. Ol arapela i bin kisim bagarap.

Wanpela mausman bilong Dats i tok em bai askim Yuropien Komyuniti long skruim taim bilong

holim dispela kibung gen. Long wanem Sebia na Croatia i no inap harim tok yet long stapim pait na kam long bung.

Long yia 1980, Komyuniti i bin helpim Yugoslavia, bikpela siti bilong Croatia. Ol helpim ya i karamapim dinau mani na ol arapela sevis.

Tasol em i bin rausim \$US900 milien (\$1.15 bilien) bihain long em i pait wantaim Croatia. Dispela mani i bilong projek developmen tasol.

Tasol Yuropien Komyuniti i laik baim gen kom-pensesen long Yugoslavia bikos em i bin harim tok na laik sindaun long stretim ol hevi insait long Midel Is. Yugoslavia i gat sampela bagarap i stap tu pinis olsem na kompesenen bai stretim em.

Kantri Gris i askim Yuropien Komyuniti tu long em i laikim kompesenen long wok bisnis bilong em we i bin bagarap long Yugoslavia. Gris i askim long \$US500 milien.

Ol lida bilong Sebia i tok pinis olsem bai i no gat bung bilong stretim toktok wantaim Yuropien Komyuniti. Dispela em bikos ami bilong Croatia i wok long was yet long hap bilong Sebia klostu long Croatia.



Protes long rot...Tupela meri i protes, singaut na karim ol bikpela hap pepa wantaim toktok long en bilong soim belhevi bilong tupela long Soweto, wanpela taun bilong ol blak pipel long Saut Afrika.

ANC tok presiden i no laik long stretim hevi

AFRIKA Nesanel Kongres (ANC) pati i sutim tok long presiden bilong Saut Afrika, de Klerk long daunim ol toktok bilong stretim ol hevi.

ANC em pati bilong Nelson Mandela, wanpela strongpela lida bilong Saut Afrika. Na ol i wok long pait strong yet long daunim dispela kain pasin bilong tilim ol blakman na meri wantaim ol waitman na meri.

ANC i sutim tok olsem presiden i bin tokaut long em i no inap larim pati i kisim pawa long Saut Afrika.

Wanpela ripot bilong ANC i tok, "Dispela em kain bekim bilong wanpela man husat i no sindaun gut. Na em i laik painim tasol isi rot bilong ranawe."

De Klerk i bin tokim ol sapota bilong Nesanel Pati bilong em olsem em bai pasim tru olgeta rot bilong ANC o wanem grup long kisim pawa ol yet. Em i tok sapos ol blakman yet i stap long pawa, dispela bai bringim wankain hevi olsem ol waitman yet. Gutpela rot em long pawa i stap namel long tupela lain wantaim.

Afrika Nesanel Kongres i tokaut tu olsem em bai toktok strong long olgeta grup i mas bung wantaim na toktok long stapim pasin bilong waitman na blakman. Na ol i mas kamap wantaim nupela lo bilong lukim olsem dispela i karim kaikai. Ol toktok bilong nupela lo bai stat sampela taim bihain long dispela mun.



Redi tasol long pait...Ol soldia bilong Yugoslavia ami i was i stap long ol birua long wanpela hul long Sisak. Bikpela pait namel long Sebia na Yugoslavia i go het yet. Na ol memba kantri bilong Yuropien Komyuniti (EC) i givim las tok lukaut nau long Sebia long stapim pait. No gat, ol bal pasim olgeta wok bisnis na wel projek long hap.



Mi & maipren...Wanpela soldia bilong Belgia i pilal wantaim gutpren bilong em long Brasavil long Kongo. Dispela soldia em wanpela bilong ol lain 750 soldia bilong Belgia husat i wok long lusim Zaire nau. Ami i bin go stap long hap bilong rausim na was long ol ovasis manmeri na pikinini long hap bikos i bin gat pait na trabel wantaim hevi long hap.

Klostu Irak mekim bom nogut

KLOSTU Irak i kamap wanpela kantri long wol husat i ken mekim nuklia bom long wol, bipo ol i tekova long Kuwait long Ogas, 1990. Sampela pepa em ol inspekta bilong Yunaitet Nesens i kisim long hetkwata bilong Irak nulua riset i soim olsem.

Ol inspekta i kisim dispela top sikret pepa na ol soldia bilong Irak i holim pasim ol long Baghdad we ol ka i save stap long en. Dispela em long Septemba, 1991. Baghdad em bikpela siti bilong Irak.

Ol dispela pepa i soim olsem klostu ol saintis bilong Irak i testim o traime ol samting we i ken kamapim wanpela nuklia bom.

Bipo ol saveman bilong Yunaitet Nesens i makim olsem Irak i no go insait tumas long wok painimaut o riset bilong mekim nuklia bom. Tasol ol dispela ripot i soim olsem Irak i go insait pinis, na i strongim wok painimaut long mekim nuklia bom.

Indipenden Televisen Nius bilong Gret Briten i tok ol dispela pepa o ripot i join wantaim wok painimaut em i bin kamap long Al-Athir nuklia projek. Dispela projek i stap long saut bilong Baghdad, na i bin wok long go het long namba wan 5-pela mun bilong las yia, 1991.

Ol pepa i soim olsem Irak i wokim tupela kain nuklia bom wankain olsem dispela em ol ami balus bilong Isral i bin bomim long Osirak long 10-pela yia i go pinis.



Helpim ol refuji...Ol soldia bilong Yugoslavia ami i helpim na rausim ol refuji long Vukovar long Croatia. Bikpela pait i wok long kamap nau long dispela hap. Stat long 25 Jun i kam inap nau, moa long 1,600 pipel i bin dai bihain long Croatia i tokaut olsem em bai stap Independen long Yugoslavia. Ol arapela kantri long wol tu i wok long belhat long pasin Croatia i wok long mekim. Ol i no laik long stapim pait.

Haiwara kilim planti tausen pipel long Filipin Ailan

PLANTI tausen man, meri na pikinini i bin dai long bikpela haiwara long Filipin Ailan.

Na ol i no inap digim wan wan hul bilong planim wan wan bodi. Olsem na ol i digim ol bikpela hul tasol na bikpela buldosa i karim ol bodi i go tromoi insait long hul.

Ripot i tok namba bilong ol man, meri na pikinini husat i dai i go antap olgeta nau long 3 tausen na 5 hand-ed (3,500). Na bodi bilong ol dispela lain pipel i bin slip nabaut antap long gras, long ol rot na long ol gaden. Olsem na gavman i givim oda tasol long yusim buldosa na rausim ol bodi i go long wanpela bikpela hul long graun.

Dispela birua i bin kamap long Leyte, wanpela siti klostu long nambis bilong Manila, biktaun bilong Filipin Ailan. Bikpela wara i bin solap na bagarapim ol samting bihain long strongpela win, ren na solwara i bruk.

Long nau yet, Filipin Ailan i sot tru long gutpela wara bilong dring, marasin na ol sut samting bilong sua na sik. Na ol kantri long ovasis i stat pinis long salim ol samting i go long hap.

Long nau yet, siti i no gat lektrik pawa, kaikai na gutpela wara bilong dring. Klostu long 15 tausen (15,000) pipel i no gat haus na kaikai samting.



• Dispela mama i karim bebi bilong em na lukluk i stap. Bikpela wara i bagarapim olgeta samting bilong ol.

Klostu Irak mekim bom nogut

KLOSTU Irak i kamap wanpela kantri long wol husat i ken mekim nuklia bom long wol, bipo ol i tekova long Kuwait long Ogas, 1990. Sampela pepa em ol inspekta bilong Yunaitet Nesens i kisim long hetkwata bilong Irak nulia riset i soim olsem.

Ol inspekta i kisim dispela top sikret pepa na ol soldia bilong Irak i holim pasim ol long Baghdad we ol ka i save stap long en. Dispela em long Septemba, 1991. Baghdad em bikpela siti bilong Irak.

Ol dispela pepa i soim olsem klostu ol saintis bilong Irak i testim o traime ol samting we i ken kamapim wanpela nuklia bom.

Bipo ol saveman bilong Yunaitet Nesens i makim olsem Irak i no go insait tumas long wok painimaut o riset bilong mekim nuklia bom. Tasol ol dispela ripot i soim olsem Irak i go insait pinis, na i strongim wok painimaut long mekim nuklia bom.

Indipenden Televisen Nius bilong Gret Briten i tok ol dispela pepa o ripot i join wantaim wok painimaut em i bin kamap long Al-Athir nuklia projek. Dispela projek i stap long saut bilong Baghdad, na i bin wok long go het long namba wan 5-pela mun bilong las yia, 1991.

Ol pepa i soim olsem Irak i wokim tupela kain nuklia bom wankain olsem dispela em ol ami balus bilong Isrel i bin bomim long Osirak long 10-pela yia i go pinis.

OL LIKLIK NIUS

Longlong draiva bamim lapun na bensin kukim em

□ **WELINGTON:** Pastaim ka i bamim na pulim wanpela man inap long 100 mita na bihain paia i stat long bensin na kukim em. Em i go long haus sik na i dai sampela taim bihain. Dispela man i gat 40 krismas na i bin sanap pulimapim bensin long ka bilong em taim dispela birua i kamap.

Ol loman dai long tingting krangki

□ **MEKSIKO:** Ami bilong Meksiko na ol loman i bin pait bikos ol i abrus long ol yet na ting olsem ol arapela em ol lain bilong salim na baim spakbrus. Insait long dispela pait, 7-pela pipel i bin dai. Ol i bin yusim ol strongpela samting bilong pait long mekim olsem.

Walesa statim resis bilong praim minista

□ **POLEN:** Demokratik Yunien Pati i bin winim planti sia long nesanel ileksen bilong Polen las mun tasol. Na Presiden Walesa i askim nau dispela pati long makim tripela kendidet bilong resis long kamap praim minista.

Presiden daunim Afrika Nesanel Kongres

□ **PRITORIA:** Presiden De Klerk bilong Saut Afrika i sutim toktok long Afrika Nesanel Kongres (ANC) olsem em i wok long sapotim ol wansait wok na pasin bilong komunis gavman. Na dispela i mekim ol pipel i straik inap long tupela de olgeta.

Lini bai traime gen long

Vanuatu

□ **VANUATU:** Oipela praim minista bilong Vanuatu, Pater Walter Lini i tokaut pinis olsem em bai resis gen long winim planti sia long nesanel ileksen. Em i laikim olsem 32 kendidet bilong em i mas winim ol resis.

Bom bagarapim Amerika yunivesiti

□ **BERUT:** Bom i bin pairap na bagarapim olgeta bikpela haus bilong Amerika Yunivesiti long Berut. Ol ripot i tok olsem dispela bagarap i bin kamap bihain long wanpela 200 kilogrem dainamait i pairap.



Amamasim bikpela win...ol lain bilong Kuwait i amamas na danis bihain long las pala bilong wel long kantri bilong ol i dai. Dispela em bihain long pala i stap inap long 8-pela mun olgeta.

Ol plisman kotim pinis Imelda Marcos long 75 sas olgeta

TAIM meri bilong olupela presiden Ferdinand Marcos, Imelda i kamap long Filipin Ailan, bikpela amamas na bung i bin kamap.

Tasol Imelda tu i gat ol sas bilong em long bekim long kot i stap yet. Bihain long tupela de, Imelda i kamap long ai bilong kot na baim £1,700. Na ol plisman i kisim tu mak bilong em long putim long rekot. Dispela i soim olsem Imelda i gat rekot nogut nau. Na ol i no makim yet taim bilong em long kamap long kot.

Gavman bilong Presiden Corazon Aquino i makim kot bilong Imelda long kamap long Kiuson Siti Hol. Gavman i laikim olsem dispela "Mama bilong Kantri" i mas go kalabus long stilim planti tausen pauns bilong Filipin Ailan.

Taim Misis Marcos i sanap antap gen long namba 6 plua, em i apim han na tromoi long ol sapota. Tasol em i putim han i go daun gen taim em i lukim strongpela pes na sotgan wantaim ol arapela samting bilong pait i lukluk long en.

Dispela em kain samting gavman i bin mekim bilong traime daunim spirit bilong Imelda. Lait antap long rum tu i no gutpela. Dispela em kain lait we i mekim klos bilong Imelda i luk narakain. Arere long em, pipia bilong ol sigaret i slip nabaut.

Bihain long em i sindaun longpela taim liklik, jas nau i tingting long givim wanpela sia long Imelda.

Dispela ol 5-pela sas em liklik bilong narapela 75 sas em gavman bilong Filipin Ailan i laik kotim Imelda long en. Ol i tok olsem Imelda i gat samting olsem £200 milien i stap hait long ol beng bilong em long Swiden.

Imelda i bin laki long givim em yet i go long han bilong lo. Sapos em i bin les, ol bai kalabusim em na em bai i no inap raun. Olsem na long nau, Imelda inap raun nabaut long olgeta hap bilong kantri.

Long taim Imelda i kamap long Manila, biktaun bilong Filipin Ailan, em i tokaut olsem em i no gat laik long wok politiks. Tasol long llokos Not provins, ol samting i luk olsem Imelda i statim pinis kempen bilong resis long sia bilong presiden.

Na wankain tu long Manila, planti tausen pipel i bin kam bung bilong lukim supamama bilong ol. Na long Luzon ailan, ol pipel i soim spesel laik long meri bilong Ferdinand Marcos. Ol i lukim em olsem wanpisi bilong ol yet.

Tasol maski planti pipel i toktok long Imelda, sampela ol niuspepa i daunim tru nem bilong em.



• Mak bilong rismeri...Meri bilong olupela presiden Ferdinand Marcos bilong Filipin Ailan, Imelda i harim tok nau na wanpela plismeri i kisim mak long han bilong em. Ol plis i sasim em long baim K1,700 na bai stap wetim kot. Ol i no makim wanpela taim yet bilong kot long kamap.

Ol waitman pasim spes bilong wok.

Dia Edita,
Mi wanpela manki Sepik, tasol nau mi stap long Lae siti, Morobe provins. Mi laik autim wari bilong mi i go long *Wantok Niuspepa* bai ol biknem lida bilong gavman i ken lukim.

Planti waitman tumas i stap long Papua Niugini na pasim spes bilong ol manmeri bilong hia long wok. Gavman i mas tingting long ol manmeri bilong kantri pastaim long ol ovasis manmeri.

Taim ol waitman i kam wok long kantri ol save kisim tupela pe. Wanpela bilong ovasis na narapela bikipela kampani o gavman yet.

Na planti bilong ol dispela waitman i save salim mani i go bek long kantri

bilong ol. Dispela i no gutpela pasin tumas long ai bilong mipela ol arapela manmeri bilong hia.

Bikipela askim bilong mi i go long gavman olsem, long wanem na mipela kisim independen hariap? Sapos mipela lukim olsem mipela i no inap sanap long strong bilong mipela yet, orait maski long hariap long olgeta samting.

Nau yet mi laikim gavman i mas rausim olgeta waitman husat i stap na wok long kantri. Bikos ol dispela lain i pasim spes bilong sampela saveman bilong PNG long kisim wok bilong ol.

Em tasol wari bilong mi.

**Jim Lee
MANKI HINA**

Olpela raskol autim pekato bilong ol bikman

Dia Edita,

Mi wanpela manki Nembiliya long Sauten Hailans provins, tasol nau mi stap long Kimbe taun insait long Wes Nu Briten provins.

Mi laik autim tingting bilong mi i go long pasin we sampela bikman na bisnisman i save mekim.

Mi ken tok olsem planti bikman na bisnisman i save sapatim pasin raskol long kamap.

Bikos ol i save givim ka bilong ol long ol raskol long yusim raun na mekim stil pasin. Ol i save lukautim tu samting bilong ol raskolman long haus bilong ol.

Mi mekim dispela tok bikos mi yet i bin wanpela raskolman long bipo, na mi lukim dispela pasin i stap. Ol bikman na bisnisman i save

givim sot gan bilong ol long ol raskol i yusim na mekim stil pasin.

Dispela i kamap pinis na i wok long strong olgeta.

Ol bikman na bisnisman i mekim olsem long strongim bisnis bilong ol. Bai i no gat raskol pasin i kamap long wok bisnis bilong ol. Bikos ol i gat wasman i stap.

Mi laik askim ol plisman nau long lukluk gut insait long dispela pasin. Ol plisman i no ken raun tasol long ausait na giamanim ai bilong ol meri tasol. Ol i mas sekim tu ol bikman na bisnisman long kain pasin olsem.

Em tasol na mi bai amamas long lukim bekim bilong yupela.

**Paul Ponpis
KIMBE**

Ol meri Simbu long Bialla bikheth tumas

Dia Edita,

Mi wanpela manki long Mendi insait long Sauten Hailans provins, tasol nau mi stap nau long Bialla taun insait long Wes Nu Briten provins.

Mi laik sapatim pas bilong brata Thony Rocks Mivima. Pas bilong em i bin kamap long *Wantok Niuspepa* bilong Septemba 12, 1991.

Brata ya i tok ol meri Simbu i save bikheth tumas long Bialla taun. Dispela em ol yangpela na lapun meri wantaim.

Dispela kain pasin i save kamap long ai bilong mi tu, na bilong ol arapela manmeri. Ol dispela meri Simbu i save sem o no gat.

Planti taim bai yu lukim ol i sanap na singaut long buai. Na bihain bai ol i katim i kam i go olsem long haus lotu bilong mipela, na go long narapela sait long mekim pasin nogut wantaim ol arapela man.

Yupela ol dispela meri i bringim sem pasin long kantri bilong mipela ya.

Yupela i mas save olsem pe bilong pasin nogut em dai tasol. Baibel i tok long Roman sapta 6, lain 23. Plis traim long marit na sindaun gut wantaim man bilong yupela.

**David Joshua
BIALLA**

Tokples Kote gat nem

Dia Edita,

Mi laik bekim pas bilong brata Buana em i bin kamap long 7 Julai. Em i tok long tokples *Kote* i mas pinis.

Mi laik tok olsem tokples tasol i stap long ol manmeri i lainim na save long ol samting. Sapos nogat tokples, ating bai ol manmeri i stap longlong long ol samting.

Tokples *Kote* em gutpela tok tru. Bikos em i mekim planti manmeri long kain kain ples i bung na toktok. Na i helpim narapela na wok bung wantaim.

Bikos tokples *Kote* tasol i stap na olgeta manmeri i bung wantaim na kamapim gutpela pasin na wok.

Olsem na no ken traim long daunim ol tokples bilong yumi. Bikos ol tasol i stap na mipela kamap manmeri long nau.

Nupela loi no gutpela

Dia Edita,

Mi wanpela manki Sandaun tasol nau mi stap long Wewak taun long Is Sepik provins. Mi laik autim wari bilong mi long nupela lo em gavman i laik pasim long kilim ol man i dai.

Mi ting dispela lo i no gutpela tru long helpim kantri. Dispela lo i ken kamapim planti bel hat. Na ol man bai stat long kilim ol lain bilong husat man i kilim wantok bilong ol.

Sapos wanpela man i kilim narapela man, mi ken tok stret olsem pasin bilong bekim bek long kilim dispela man ol lain bilong em bai kamap stret. Dispela pasin i bin kamap pinis, tasol i no bikipela tumas.

Olsem na mi laik askim gavman long tingting gut pastaim na mekim dispela lo i kamap tru.

**Daniel Tounel
WEWAK**

Maski salim bodi long isi mani

Dia Edita,

Mi no save amamas taim mi lukim ol meri i save mekim pasin pamuk long taun long kisim mani. Ol i mekim dispela pasin na i no moa tingting long go bek long ol ples bilong ol.

Ol i paul na kisim mani, na pilim olsem i no gat hat wok long mekim mani long dispela pasin.

Tasol mi ting dispela i givim bikipela sem na nem nogut tru long ol wantok na lain famili memba bilong ol yet.

Dispela pasin em ol marit meri na yangpela tu i save mekim.

Olsem na ol meri husat i wok long mekim olsem, plis traim na yusim het.

**Jeffrey Imanu
LAE**

**Morry Muyu
POPONDETA**

Robin Steven paulim ol string ben singsing

Dia Edita,

Mi save amamas long harim ol singsing bilong Gilgil Wang string ben bilong Bialla long Wes Nu Briten provins. Ol i kamapim gutpela nek na stail bilong singsing long gutpela nek stret. Ol i singsing long kain nek na tokples bilong Is na Wes Nu Briten, Siasi na Finsafen long Morobe provins.

Tasol mi no amamas long wanpela samting. Wanpela ben memba bilong dispela string ben, Robin Steven i paulim olgeta dispela singsing.

Dispela em long taim em i katim wanpela kaset bilong em yet wantaim Pacific Gold studio long Rabaul, Is Nu Briten provins.

Robin i no singim stret nek bilong singsing. Na tu ol tokples em i brukim bus nabaut.

Mi harim em i singsing olsem wanpela longlong man long kaset bilong em.

Ating mobeta Robin i mas bihainim ol string ben bilong em yet bai i gutpela.

**Linson Akai
LAE**

Laki gem bagarapim kristen nem

Dia Edita,

Mi wanpela manki bilong Lufa insait long Isten Hailans provins, tasol mi stap nau long Lorengau insait long Manus provins.

Mi laik autim bel pen bilong mi i go long Prait Ministria Rabbie Namaliu na gavman bilong em.

Mi no amamas long gavman i oraitim tupela laki gem long kam insait long kantri. Bikos dispela i no ol qupela pilai.

Planti kantri long wol i save pinis olsem Papua Niugini em i wanpela kristen kantri. Olsem na mipela i no ken bringim ol laki gem nogut i kam insait long kantri long daunim kristen nem.

Em tasol liklik komplem bilong mi. Mi bai amamas tasol long lukim wanpela bekim we i sapatim o egensim dispela pas.

**Taru Sonah
MANUS**

Dia Edita,

Mi wanpela manki Mare, insait long Makam eria bilong Morobe provins. Mi laik bekim pas bilong Susa ya, Wendy M. em i bin kamap long *Wantok Niuspepa* bilong Fonde Julai 12, 1991.

Susa ya i tok olsem ol manmeri bilong Lae i mas stapim buai na smok. Bikos ol i mekim planti pipia tumas insait long Lae siti, na tu ausait long ol arapela liklik ples long Morobe provins.

Susa mi laik tokim yu olsem stap isi na mipela i ken kaikai na smokim

brus raun long taun. Ol siti kaunsil i stap long klinim pipia bilong mipela. Sapos ol i no wan bel em wari bilong ol na yu.

Buai em ol tumbuna i planim na givim long han bilong mipela. Na wanpela man bai i no inap long stapim mipela.

Na tu sapos mipela i stapim buai, planti manmeri bai i dai. Olsem na traim wanpela buai na yu bai i stap laip olgeta taim, na i no gat man bai kros.

Em tasol liklik bekim bilong mi.

**Paul Peter
LAE NGALATU**

Pait tumas long Godens maket Ol meri Papua nogat save stret

Dia Edita,

Mi wanpela manki bilong Kokopo long Is Nu Briten provins. Mi laik bekim pas bilong wanpela manki Tolai i stap long Madang. Pas bilong em i bin kamap long *Wantok Niuspepa* bilong Ogas 22, 1991.

Em i tok Is Nu Briten em ples bilong ol Tolai. Olsem na Radio Is Nu Briten i ken toktok long tokples bilong ol Tolai.

Mi laik askim olsem i gat ol Tolai tasol o i gat sampela lain moa olsem Pomio na Baining? Planti manmeri bilong Pomio na Baining i no save long tokples Tolai.

Mi laik askim brata ya olsem, yu bai pilim olsem wanem sapos sampela lain i tokples olgeta taim long tokples yu no save long en?

**Henry Iremes
KOKOPO**

Dia Edita,

Mi les pinis long lukim ol meri Papua ya. Ol i ting ol i moa yet, tasol ol i no gat save tru long het bilong ol.

Yupela ol meri Papua husat i save mekim ol pipia wok i ting olsem yupela i moa yet. Mi ken tok olsem yupela ol pipia lain stret. Save dinau klostu klostu na i no save bekim.

Na tu yupela save giamanim ol yangpela man long mani bilong ol tasol. Na bihain bai yupela i go maritim ol pipia man long ples bilong yupela yet.

Yupela i laki olsem ol waitman i makim Mosbi olsem siti. No gat bai yupela i kaikai graun stret.

**John Weka
RABAU**



Ol PMV no ken sasim ol manki

Dia Edita,

Mi wanpela manki Morobe, tasol nau mi stap long Kimbe taun insait long Wes Nu Briten provins.

Mi laik komplem long pasin boskru bilong ol PMV bas i save mekim long ol manki, na tu long ol studen.

Ol i save askim ol long baim ful pe olsem ol bikipela manmeri taim ol i kalap long bas. Dispela ol manki i no gat wok mani bilong ol. Tasol ol boskru bilong PMV i laik sasim ol.

Dispela pasin long ol manki bilong yumi i no gutpela tru. Olsem na plis ol boskru bilong PMV, traim na senisim tingting liklik.

**Jackson Wesley
KIMBE**

PLIS RIPOT

MOSBI: Plis Minista, Mathias Ijape i tokaut long Trinde olsem Ekting Plis Komisina i rausim pinis sevenpela longol plisman husat i straik na bagarapimol samting long Gordens Plis Bareks long Mande.

Sampela plisman bilong Gordens Plis Bareks i mekim dispela samting long soim kros bilong ol long we Plis edministresen i givim ol nupela haus bilong Saut Pasifik Gems i go long sampela ol plisman tasol na ol nogat.

Mista Ijape i tok ol lain plisman i mekim dispelakain pasin nau i stap long sel long Boroko Plis stesin. Na ol bai i no inap long kisim pe tu.

Minista i askim Ekting Plis Komisina long yusim pawa bilong em aninit long seksen 59 bilong Plis Ekt long mekimsave long ol bikhet plisman.

Em i tok i no gat ol Komisina bilong bipo i save yusim dispela seksen long mekimsave long ol plisman i bikhet. Ol plisman i mas harim tok olgeta taim, olsem na taim ol i bikhet ol i mas kisim mekimsave.

Dispela wankain samting bai kamap long Presiden bilong Asosiesen wantaim eksekutiv bilong em sapos ol i mekim wankain bikos ol plisman tu.

LAE: Balus i kisim pinis wanpela man Australia nem bilong em Chris Broadbent i go daun long Australia long Sande long kisim marasin bihain long ol raskel i sutim em long Fraide nait las wik.

Dispela birua i kamap long Waratah Klab ausait long Lae.

Ol raskel i holim man ya na sutim em long het bilong em ausait long klab haus long samting olsem 8 klok long nait.

Plis ripot i tok ol raskel i askim em long ki bilong ka bilong em na taim em i no laik givim ki, ol i traime long pulim na pait i kamap.

Long dispela taim, ol raskel i sutim em long gan long het na bros bilong em.

Lae Metropolitan Komanda, Paul Monama i tok Broadbent i go long Angau haus sik na bihain ol dokta i salim em i go long Australia. Plis i no holim wanpela man yet.

Monama i tok plis i blip olsem dispela wankain grup i holim wanpela meri na bagarapim em long Papuan Kompaun long wankain apinun.

Em i tok meri wantaim boi pren bilong em i wokabaut i go long haus taim ol raskel i kamap na raunim boi pren bilong em na bagarapim em.

Momana i tok boi pren bilong meri ya i ranawe tasol bihain em i holim pas wanpela long ol dispela lain na givim long plis.

Gavman sapatim yet nesenel yut sevis

NENSENEL Gavman bai go het long tingting bilong em long Nesenel Sevis (NS). Maski planti manmeri i bin tok olsem ol i no laikim dispela tingting.

Gavman i makim pinis K6.5 milien long baset long statim wok bilong NS long 10-pela provins long kantri neks yia. NS i kamap aninit long ekt

bilong Palamen na ministri bilong Interia em memba bilong Sandaun provinsal, Karl Stack i lukautim.

Long wankain taim tu, Nesenel Yut Sevis (NYS) bilong Yut na Hom Afeas dipatmen bai kisim K4 milien.

As tingting bilong NYS em long bungim ol yut na lainim ol long kain kain samting

long helpim sindaun bilong komyuniti bilong ol na i no ken mekim bikhet pasin.

Dispela tupela progrem bilong ol yut i wankain. Tasol wanpela samting i narakain em NYS i stap aninit long lukaut bilong Hom Afeas na Yut dipatmen na NS i kam aninit long ministri bilong Interi.

NYS bai kisim sapat bilong NS long helpim ol yut long kantri. Ol bai skul tu long ol kain kain samting. Bikpela as tingting tru em long givim wankain skul long ol yangpela long kantri.

Dispela tupela sevis bai helpim ol yut long wanem gutpela samting bai ol i mekim taim ol i lusim gret 6, 8, na 10.

Namba wan Tok Pisin greduesen kamap long Westen Hailans

NAMBA WAN greduesen bilong Rit na Rait Progrem long Westen Hailans long Sen Pols Peris bai kamap long tude, Fonde 14 Novemba.

Ol lapun man na meri bilong Wurup long Hagen yet i bin stat skul long rit na rait long Tok Pisin long mun Mas bilong dispela yia.

Wanpela wokmeri bilong wanpela praivet oganaisesen bilong kantria Austria, ol i kolim long "Austrian Sevis bilong Developmen Kopresen (OED)," i bin statim dispela pro-

grem long tripela yia i go pinis. Na taim em i lusim PNG, ol asples yet i kisim ples long strongim progrem.

Wanpela asples man, Peter Karaput i kamap olsem supavaisa bilong progrem. Na em i kirapim ol skul long Sen Pols Peris long, Wurup na Wagi. Ol lapun man na meri husat bai greduet i ken ritim nau Baibel na Wantok Niuspepa.

Ol lapun i amamas tru na ol i laik tok tenkyu long olgeta lain i sapatim dispela progrem.



• Ol lain husat i bin skul long rit na rait long Tok Pisin long Wurup.

Ol meri protes long sia bilong Gavana Jenerel

OL mama i kirap lusim haus palamen taim ol i no harim nem bilong wanpela meri long resis bilong Gavana Jenerel long Mande.

Moa long 30 mama na meri i bin kamap long harim nem bilong tupela meri em ol i makim long resis long ileksen bilong Gavana Jenerel. Tupela kendidet meri ya em olpela palamen memba bilong Sentrel provins, Dame Josephine Abaijah na olpela memba bilong Manus, Nahao Rooney.

Bel bilong ol meri i no gutpela tru na ol i pulim lain i kam autsait long haus palamen. Ol i tok olsem ol memba i no bin bihainim mama lo aninit long 8 Poin Improumen Plen. Aninit long lo namba 7, olgeta manmeri i gat wankain pawa long mekim ol wok samting long kantri.

Presiden bilong Nesenel Wimens Kaunsil, Maria Kopkop i tok olgeta man ol i makim long resis long kamap Gavana Jenerel em ol memba bilong palamen tasol. Ol lain ya em Wiwa Korowi memba bilong Sauten Hailans, Tony Ila, memba bilong Lae Open, Sir Berry Holowe i olpela memba, Duwabane Gai, memba bilong Daulo na Bisop Zurenuoc olpela memba bilong Finsafen na het bisop bilong ELC PNG.

Kopkop i tok ol dispela lain kendidet i no pinisim wok bilong ol yet na i laik kalap long nupela wok.

Ol mama i tok ol lida bilong yumi long palamen i no gat tingting moa long ol meri. Tasol ol meri i ken mekim wok wantaim gutpela save moa long ol man.

Ol i tok ol lida i wok long

giaman na mauswara tumas. I no gat wanpela kaikai i kamap long ol plen na wok bilong ol.

Ol mama i kisim wanpela liklik pikinini i kam soim na bikmaus, "ol lida bilong yumi i no gat tingting long ol kain lain olsem wantaim mama. Long dispela as na ol yangpela raskol. Na bagarapim ol mama na susa bilong ol.

Presiden Kopkop i tok ol meri i soim dispela belhat bilong ol bikos ol i tirgim ol pikinini na ol yangpela bilong tude. Long dispela as ol i bilip ol mama i ken lukautim ol pikinini na ol yangpela gut sapos ol bikman long palamen i givim sans long ol long soim save na wok bilong ol.

Ol meri i tok long protes i go long palamen long tude Fonde 14, Novemba. Na soim bel hevi bilong ol long kain pasin ol lida i wok long

daunim wok na save bilong ol meri.

Presiden bilong ol meri long wok politiks, Maria Hayes i tok lukaut olsem long 1992 jenerel ileksen, ol meri wantaim ol pikinini bai bungim ol lida long balot bokis.

Ol meri i pasim tingting pinis long holim bikpela mas long nau i go long Palamen Haus.

Ol bai mekim dispela mas long soim bel hevi bilong ol long pasin ol man no gut i wok long kilim ol meri indai na tu bagarapim ol. Wanpela bikpela trabel em ol i sori tru long em indai bilong wanpela yangpela meri long Hohola long stat bilong dispela mun.

Narapela samting bai ol i toktok long en long taim bilong mas em ol lida i no mekim gutpela pasin long abusim laik bilong ol meri long daunim save na tingting bilong ol long wok wantaim.


Ileksen De bilong Papua Niugini, Me - Jun 1992

Gavana Jenerel bilong Papua Niugini i tok orait long dispela taimtebol:

Givim ol Pepa bilong Vot	4 klok apinun	26 Mas, 1992
Ol Nominesen i pas	12 klok (belo)	24 Epril, 1992
Stat long Kaunim ol Vot		13 Jun, 1992
Pinis long Kaunim ol Vot		27 Jun, 1992

POTO BILONG OL KENDIDET

Olgeta lain husat i laik resis long Namba 5 Nesenel Palamen Jenerel ileksen long 1992 i mas salim tupela poto i kam hariap. Dispela poto i ken kala o blak na wait tasol. Na bikpela bilong ol poto i mas wankain olsem dispela i save stap long paspot (tok orait buk bilong go long ovasis). Olgeta nominesen bai pas long 24 Epril, 1992. Olsem na salim ol poto i kam pastaim long dispela de.



Authorised by
Reuben Kaiulo,
Electoral
Commissioner Papua
New Guinea

Raitim nem long baksait bilong ol poto. Na salim i kam long dispela adres:

Electoral Commissioner,
Electoral Commission
P.O. Box 5348,
Boroko,
National Capital District.

Salim tu ol negetiv bilong poto i kam.

Putim long nem bilong: Mista Michael Malabag

Buk bilong ol Kendidet long 1992 Nesenel Palamen Jenerel Ileksen i redi pinis. Yupela i ken kisim long ol Provinsal Ilektoel Opisa o long Ilektoel Komisin Hetkwata long Turumu Strit, Boroko.

Ol meri mas isi liklik

Dia Edita,
Mi wanpela manki Madang.
Olgeta taim mi save lukim sampela pamuk meri i save putim long-pela na sotpela trausis i pas tru long as bilong ol, na raun. Dispela em long biknait long Fraide.

Mi laik tok olsem dispela kain pasin i save kamap trabel long provins na narapela hap tu wantaim. Dispela em long pasin bilong holim pasim meri na bagarapim o pait.

Sapos yu wantaim meri husat i save mekim kain pasin bilong painim man long nait, yu mas stapim nau.

Bikos yupela i bringim bikpela sem long mipela ol arapela manmeri bilong Papua Niugini. **Samson Wea MADANG**

Lafeku Katolik Sios laikim helpim

... bilong Isten Hailans provinsal gavman long baim graun

Dia Edita,
Mi wanpela man Simbu mi kam stap long Goroka long 18 yia nau. Mi gat bikpela wari long autim i go long provinsal gavman bilong Isten Hailans.

Ol kain kain tokples mipela i bung na wokim wanpela haus lotu bilong

Traim na stretim Bialla taun

Dia Edita,
Mi wanpela manki Menyamy insait long Morobe provins. Mi stap nau long Bialla insait long Wes Nu Briten provins.

Mi save olsem planti manmeri i save komplem liklik long dispela toktok. Tasol mi tu laik toktok moa long dispela.

Taim mi go raun long taun, mi save lukim planti spet bilong buai na pipia i pulap long olgeta kona na rot long taun. Na tu arere long ol haus nabaut.

Mi laik askim nau Bialla Taun Kaunsil long mekim sampela strongpela lo. Na tambuim ol manmeri long no

Katolik Sios long ples Lafeku.

Papa bilong graun i sasim mipela liklik mani tasol long baim hap graun em haus lotu i sanap long en. Mipela i painim hat liklik long bungim mani.

Olsem na mipela i askim nau Isten Hailans provinsal gavman long helpim

mipela. Longpela taim mipela i no baim dispela hap graun. Olsem na papa bilong graun i lalk rausim mipela. Klostu bal mipela i go lotu nau long maket.

Olsem na dispela i no gutpela tumas. Namba bilong ol manmeri long sios bilong mipela em

190 olgeta. Dispela namba i no karamapim ol pikinini.

Mipela bai i amamas long lukim gavman i yesa long mipela ol memba bilong Lafeku Katolik Sios.

Katekis John Biki Lafehu Viles GOROKA

Kabalusim ol raskol long ples bilong ol yet i gutpela

Dia Edita,
plisman i holim wanpela raskol man long mekim pasin stil o brukim lo, ol i no ken salim em i go hariap long haus kalabus.

Mi ting em i mas stap long plis stesin, na ol plis i mas askim em gut pastaim.

Ol i mas askim em long wanem hap em i kam long en. Sapos em i tok em i bilong Hailans, orait salim em i go kalabus long provins bilong em stret. Sapos em i bilong Sepik, salim em i go bek long Wewak o Vanimo na em go long kalabus bilong em stret long provins bilong em.

Mi ting dispela pasin i moa gutpela. Bikos taim ol i pinis long kalabus long provins bilong ol yet, bai i ol i painim hat long go bek long provins ol i stap long en bipo, na mekim moa trabel long hap.

Joel Topa KEREVAT

"Bipo em bipo"

Dia Edita,
Mi laik tok olsem maski komplem tumas long pasin bilong ol meri. Em laik bilong wan wan.

Planti taim yupela ol man i save komplem na no gat samting i kamap. Ol meri i no save harim komplem bilong yupela.

Olsem na yu husat man i les long lukim dispela kain pasin, i gutpela olsem yu mas go bek long ples na haitim pes bilong yu.

Yupela ol man i mas save olsem bipo em bipo, na nau em nau. Olgeta samting na pasin long kantri i wok long senis nau.

Chris Sirtimba VANIMO

Plantu wantok sistem tumas

Dia Edita
Mi wanpela manki long Mendi insait long Sauten Hailans provins, tasol nau mi stap long Bialla taun, Wes Nu Briten provins.

Mi laik autim wari bilong mi i go long ol praivet kampani insait long Bialla taun, na Wes Nu Briten provins wantaim.

Plantu taim mi rait i go pinis long planti kampani, wantaim ol stua long wok. Mi save salim ripot o "reference" bilong mi tu wantaim.

Tasol no gat wanpela bilong ol dispela kampani na stua i tok yes long mi. Olsem na mi wari tru.

Insait long mi yet, mi pilim olsem i gat plantu wok em mi ken wokim.

Tasol ol dispela kampani na stua i save mekim wantok sistem tumas.

Dispela em long kisim wantok o poroman bilong ol. Na mipela sampela husat i westim taim long rait, ol bai i no inap kisim mipela.

Mi lukim olsem wantok sistem pasin bai i no inap pinis long Papua Niugini. Na dispela bai bagarapim tru kantri bilong mipela.

Mi laik egensim dispela sistem nau. Mipela olgeta i mas lusim dispela pasin nogut. Bikos em i no gutpela long developmen bilong yangpela kantri olsem PNG.

David Joshua BIALLA

Ol meri Sambri bagarapim nem Sepik

Dia Edita,

Mi wanpela meri Sepik long Wewak taun. Mi laik komplem long ol meri bilong Sambri Lek insait long Is Sepik provins.

Mi save lukim ol i mekim kain kain pasin long Wewak taun.

Ol i save raun olsem ol paul meri stret, na paulim ol man nabaut. Ol i karim ol pikinini nating na giaman paulim tok long ol man i givim bel long ol.

Dispela pasin i givim bikpela sem tru long mipela olgeta meri. Bikos ol

arapela lain i lukim dispela i save tok em pasin bilong olgeta meri Sepik.

Tasol planti meri Sepik i gutpela. Na wan wan tasol i save mekim olsem.

Plis ol meri Sambri, traime na go bek long ples na mekim sampela gutpela wok long painim mani.

I no gutpela long mekim ol kain kain pasin no gut long painim mani long taun.

Em tasol na mi amamas tasol long lukim bekim bilong yupela.

Ninsi Rose WEWAK

Ol plisman paulim meri long Popondeta

Dia Edita

Mi wanpela manki Morobe, tasol nau mi stap long Popondeta taun long Oro provins. Mi gat bikpela komplem tru long pasin em ol plis rait skwat long Popondeta taun i wok long mekim nau.

Ol i no helpim komyuniti long stapim hevi bilong lo na oda. No gat. Ol i wok long painim ol meri na kisim ol raun long ka i stap.

Ol i bin paulim planti yangpela meri long skul, na tu ol marit meri wan-

taim. Ol i save askim ol lida bilong komyuniti long givim meri long ol.

Mi lukim dispela pasin i no gutpela tru. Dispela i no helpim tru hevi bilong lo na oda em ol pipel long Oro provins i bungim nau.

Ating ol bos bilong plis dipatmen yet i mas kam na sekim dispela samting. Nogut ol bos bilong ol i stap longwe na ol wokman bilong ol i mekim samting long laik tasol.

Em tasol na husat i laik sapat o egensim dispela pas em laik tasol.

Terry Kasi POPONDETA

Ol soldia mas senisim yunifom long spesek de



Dia Edita,

Mi wanpela manki long Bang antap long "Kange" kantri bilong Westen Hailans provins, tasol nau mi stap long Godens insait long Mosbi siti.

Mi laik mekim wanpela strongpela toktok i go long Nesenel Gavman na Minista bilong Difens, Benias Sabumei.

Long taim mipela i opim 1991 Saut Paisfik Gems long Mosbi, mi lukim ol ami bilong mipela mas i go long pes bilong Prins Andrew. Mi lukim ol soldia i no putim namba wan yunifom o narapela kain yunifom. Ol i putim dispela sem yunifom bilong

ami tasol, em mipela i save lukim ol i putim long olgeta de.

Mi sem tru long dispela. Bikos dispela em yunifom tasol na i no stretpela yunifom bilong putim long kain bikpela de olsem.

Olsem na long rispektim Kwin, wanpela famili o opisal bilong em, ol ami bilong mipela i mas putim ol narapela kain yunifom long dispela taim.

Mi laikim nesenel gavman wantaim Difens Minista long lukluk i go insait long dispela.

Peter Kati MOSBI

Redio Is Nu Briten tokples Kuanua tumas

Dia Edita,

Mi wanpela manki Rabaul long Is Nu Briten provins. Mi laik autim komplem bilong mi long Redio Is Nu Briten.

Mi bin raitim pas long progrem bilong "Laik bilong wan wan." Tasol mi wet longpela taim tru na ol i no bin ritim pas bilong mi liklik.

Mi bin raitim pas long tok *Pisin*. Olsem na mi ting no gut ol ripota bilong NBC Redio i no save long ritim tok *pisin*. Ating ol manmeri husat i laik raitim

pas long Redio Is Nu Briten i mas rait long tokples *Kuanua* tasol a?

Mi tok olsem bikos planti taim tu ol niusman long Redio Is Nu Briten i save tok ples *Kuanua* tumas. Olsem na mobeta olgeta lain i mas rait long tok ples *Kuanua* tasol.

Em tasol wari bilong mi. Na husat i laik egensim o sapatim dispela pas i welkam tasol.

Allan Raliko RABAU

YUT



bilang papua niugini

Ol yangpela bilang Japan na PNG toktok long skul na wok

LEO WAFIWA | raltim

NAINPELA yut memba i bin go lukluk raun long Japan long mun Septemba na Oktoba, 1991. Ol i bin lukluk raun long wanpela program bilang mekim pren wantaim ol yangpela manmeri bilang Japan.

Dispela lukluk raun em gavman bilang Japan i bin ogenaism aninit long lukaut bilang Japan Intanesenel Kopresen Ajensi (JICA). Nem bilang dispela program em "JICA Intanesenel Friendship Program". Program ya i bin kamap long Septemba 8 - 10.

Ol yut memba i stap insait long bikpela grup bilang Papua Niugini we i gat 30 memba olgeta. Arapela grup husat i go wantaim ol yut memba em ol komyuniti na haikul tisa, wantaim sampela tisa bilang ol koles.

Ol yut memba i lukluk raun long Tokyo siti, Shikotsuko, Mutoran na Kyoto long Hokkaido provins, na Hiroshima we Amerika i bin bomim long 1945 wantaim namba wan atomik bom.

Louie Keamau, ekting siaman bilang Nesenel Yut Kaunsil i go pas long grup bilang ol yut. Ol arapela memba bilang yut grup



• Ol yut memba i singim wanpela singsing bilang Papua rijon bihain long tupela de kibung long Shikotsuko.

em Vero Kivori, Muruka Gabina na Puri Navu (yut lida), Frank Tokin na Lindreah Billy (tupela yut opisa bilang dipatmen ov Milen Be), Stoney Kumalo (nesenel dairekta bilang ol yut projek), Leo Wafiwa (Word Publishing kampani), na John Honani (NBC).

Long Japan, ol yut memba i go antap long Hokkaido we ol i stap long tupela de kibung wantaim ol yut lida na woka, gavman opisal bilang edukesen dipatmen na sampela yunivesiti studen husat i kam long Mutoran na Tokyo siti.

Dispela kibung i bin kamap long Shikotsuko yut hostel ol memba bilang tupela kantri i toktok long wok blong ol yut, na ol senis em i kamap we i ken senisim laip na sindaun bilang ol yut tude.

Ol memba bilang Papua Niugini i go pas long dispela kibung. Ol yut memba bilang PNG i toktok long ol hevi em kantri i bungim nau long yut, long sait bilang skul na wok.

Stoney Kumalo husat i go pas long ol dispela toktok i tok 40,000 pikinini long PNG i save go insait



• Bihain long tupela de kibung, ol i lukluk raun long wanpela bikpela fam long Hokkaido.

long skul, na 4,000 tasol i save skul i go yet. Tasol 36,000 i save drop aut. Dispela namba bilang drop aut i go bikpela nau. Na sapos gavman i no mekim wanpela samting nau yet, hevi bilang ol yut bai i kamap bikpela klostu we raskol pasin bai i joinim. Tasol em i klaim toktok olsem raskol pasin long kantri i no bikpela tumas olsem bilang ol arapela kantri.

Ol yut memba i kibung tu wantaim ol tisa na pos greduet studen bilang Mutoran Institut ov

Teknoloji. Ol studen ya i kam long ol kantri we i no develop gut tumas olsem Indonesia, Malasia na Brasil.

Long bung bilang pasim dispela kibung, lida bilang yut grup, Louie Keamau i tenkim ol yut hostel opisal, JICA ripresentetiv na arapela opisal husat i ogenaism lukluk raun bilang ol yut memba long Japan.

Em i tok Papua Niugini na Japan i bin stat pren lon bipo yet long tred.

HIA KAIKAI KAKARUK BAIM NAU!



Lukluk insait long mekpas bilang kakaruk na painim wanpela medel i hait i stap!
NOGUT KAKARUK BILONG YU BAI WIN!



SORI TRU TRAIM KEN

YOU WIN A FREE CHICKEN!

YOU WIN K1000 CASH!

• Bai yu painim wanpela olsem! Traim gen!

• Bai yu painim wanpela olsem! Karim go long stoa na ksim prais bilang yu

• Bai yu painim wanpela olsem! Karim go pas long stoa na ksim prais bilang yu



Sampela pren i no inap helpim yu long taim bilong trabel

RICK I no gat wok na save stap long ples wantaim papa na mama bilong em. Em i laikim tumas long helpim mama long wok. Bikpela amamas bilong em, em long raun bilong ol poroman. Olgeta de em i save pilai wantaim ol pren. I gat 5-pela boi em i save pilai raun wantaim olgeta taim. Olgeta taim ol i save go drink. Taim ol i gat mani, ol i save go spak tasol.



Papa na mama bilong Rick i wari long dispela. Olsem na tupela i tokim Rick long no ken lukim tumas ol poroman bilong em.

Tasol Rick i sakim toktok bilong papa na mama bilong em. Na bihain tru, em i bungim wanpela bikpela birua we em i no inap lus tingting long en. Wanpela de ol boi i go drink long klap.



Rick, mi wari long yu. Yu no laik stap liklik long lukim ol poroman bilong yu?




Yes pikinini, pasin bilong yu bringim sem long mitupela. Yu mas stapim ol dispela pasin nau.

Ol manki, i gat wanpela pati long Kakaruk Klap ya! Bai i gat planti kaikai na bia wantaim ol meri. Yupela save pinis.

O top. Tasol bai mipela go olsem wanem?

Mi gat wanpela ka. Bai mi draiv na mipela go antap. Liklik samting, yupela wari long wanem?

Olgeta i kalap long ka na givim sisti i go long pati. Ol i kaikai na drink planti tru, we tingting bilong ol i paul pinis. Ol i no inap lukluk gut. Menson i traim strong long lukluk gut long rot. Ol arapela manki i slip insait long ka.




Na 15 minit bihain, olgeta i stap insait long barek, na ka i tanim. Olgeta manki i laki, tasol Rick wanpela i bungim bikpela birua stret.


Em stap long haus sik na no gat wanpela poroman kamap lukim em Dispela i mekim em i wari tru. Em i tokim papa na mama long no ken lusim em. Olsem na mama i stap wantaim em long haus sik, inap em i go bek long haus.

Em i save bihainim toktok bilong papa mama nau. Taim i gat liklik wok long haus long mekim, em bai wokim tasol.

Ol i klsim em i go long haus sik long Intensiv Ke Yunit. Taim papa na mama i kamap long lukim em, em i stat long kraik.



Papa na mama, mi sore long wanem samting mi bin mekim. Plis pogivim mi. Mi promis mi no inap mekim kain pasin gen.



Taim Rick i go bek long ples, em i no raun moa wantaim ol dispela rabis poroman bilong em. Wantaim taim tasol em i go wantaim ol em taim ol i go long stua. Dispela birua i givim skul long em.

Em i painim tu olsem ol manki em i bin raun wantaim i no ol trupela poroman. Ol i amamas tasol wanem samting ol i ken mekim long em. Tasol ol i no wari long mekim em i amamas, taim em i stap long haus sik.



stori bilong SONOGA

Tewel helpim ol Muanguan pipel bilong Morobe long wokim gaden

BIDO BIPO TRU LONG WANPELA PLES MUANGUAN LONG MOROBE PROVINS, OL PIPEL INOGAT GUTPELA KAIKAI... OL I SAVE KAIKAI LIP BILONG DIWAI NA SIT BILONG PAIA...



OL I SAVE HANGRE OUGETA TAHM NA INO INAP SILIP BUT LONG NAIT... BAI OL I SINGAUT NABAUT...



AIYOOOO IIAAAEEE

MI HANGERE OOOO!!! MA MAYOOOO!!

YAAAA EEEE

WANPELA DE, WANPELA MAN LONG PLES I GO PAINIM OL LIKLIK BINATANG BILONG OL DIWAI I STING...




LONG WANKAIM HAP I GAT WANPELA TEWEL TU LSTAP...



MAN YA I PAINIM PLANT I BINATANG TRU... NAU EM I GO HAITIM SAMPELA LONG BUS NA GO BEK LONG KISIM MOA...



EM BROKIM DIWAI NA KRAI BILONG DIWAI I OLSEM NEM BILONG TEWEL YA...



NAU TEWEL YA I HARIM...

CRAACKK!

HUSAT KOLIM NEM BILONG MI?


EM BIHAINIM KRAI BILONG DIWAI NA GO KAMAP LONG MAN YA...



HEI, YU KOLIM NEM BILONG MI, AH?.. NA YU MEKIM WANEM LONG HIA?

MI NO KOLIM NEM BILONG YU? YU HUSAT? MI KAM PAINIM OL BINATANG BILONG DIWAI...

TASOL TEWEL I NO WET LONG BEKIM... EM STAT LONG KAIKAIM OL BINATANG



MMN BINATANG EM LEWA STRET, YA!

MAN YA I BELHAT NOGUT TRU...



MAN, EM OL ABUS BILONG MI, YA.. MI PAINIM PASTAIM LONG EM.. EM BAI DAI TE-TE!!

EM KISIM WANPELA HAP DIWAI NA KILIM INDAI TEWEL, YA...



MAAN! PLANT MOA LONG HIA! (SWRPP)

AARG!

BIHAIN EM I GO KISIM OL DISPELA EM I BIN HAITIM NA GO LONG HAUS...



GUTPELA TRU NA MI HAITIM SAMPELA... SAPOS NOGAT, BAI MI HANGERE LONG NAIT!

LONG NAIT EM SILIP I STAP NA TEWEL I KAM LONG DRIMAN..



LONG WANEM NA YU KILIM MI? MIPELA TEWEL I LAIKIM TRU LONG KAIKAIM OL BINATANG BILONG DIWAI.. INOYU..

...YUPELA OL MAN... YUPELA INO OLSEM MIPELA OL TEWEL.. ORAIT, EM I ASUA BILONG MI OLSEM NA MI BAI LUSIM WANPELA SAMTING BILONG YUPELA OL MAN LONG KAIKAI OLTAIM.. BIHAIN LONG TUPELA WIK YU MAS GO NA SEKIM HAP PLES YU BIN KILIM MI...



NAU MAN YA I BIHAINIM DRIMAN.. EM I KIRAP NOGUT STRET.. EM I BILIPIM TOKTOK BILONG TEWEL, YA... EM I LUKIM BIKPELA GADEN TRU LONG PINISIM HANGERE BILONG OL MANMERI NA PIKININI WANTAIM... NOGAT MOA BINATANG BILONG DIWAI...



NAU MIPELA INO INAP HANGERE MOA PINIS!

PINIS!!

WANTOK

BISNIS long PAPUA NIUGINI

WANTOK

PRAIS!
PRAIS!
PRAIS!

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

	Mande	Tunde	Trinde	Fonde	Fraide
Pe ol baiya sasim long papa bilong femetri	K895	K892	K900	K899	K894
Sapot prais	K282	K282	K282	K282	K282

Prais ol papa bilong femetri i kisim K1,097 K1,094 K1,102 K1,101 K1,096
 Sapot prais bilong kakao long dispela mun em K282. Dispela prais i no wankain olsem pe bilong kakao long ol narapela hap bilong kantri.

KOPI

Pe bilong drai arabika kopi long wan wan kilogram long wik. Dispela i karamapim prais bilong kopi long dua bilong fektori na i no long sait bilong rot.

Kainantu	K1.00
Goroka	K0.97
Minz na Banz	K0.90
Hagen	K1.10
Lae	K1.00
Erap	K0.90
Wau/Bulolo	K0.95
Aseki	K0.95
Madang	K0.90
Is Sepik	K0.60

Ol ripot i kam long Kopi Industri Bod. Mipela i no kisim ripot bilong Hagen, Kainantu, Kundawa na Wapenamanda

KOPRA

KOPRA Maketing Bod (CMB) i save baim kopra aninit long tripela grup. Namba wan grup em "Hot Air". Dispela em kopra i drai gut. Namba tu em "F.M.S" o (Fair Merchantable Standard). Dispela kain kopra i namel tasol. Narapela hap bilong em i nogut na narapela i gutpela. Na namba tru em "Smoke". Dispela kain kopra i no gutpela tumas.

Prais bilong kopra i pundaun long K5 long wan wan tan long Mosbi, Aiotau, Lae, Madang, Wewak, Kavieng, Toboi, Kimbe na Kieta. Pe i stap olsem:

	Smoke	K175
	F.M.S	K177
	Hot Air	K180
Prais bilong kopra long ol liklik hap i stap olsem:		
SAMARAI	Smoke	K143
	F.M.S	K145
	Hot Air	K148
KANDRIAN na NAMATANAI	Smoke	K140
	F.M.S	K142
	Hot Air	K145
BUKA	Smoke	K139
	F.M.S	K141
	Hot Air	K144
FINSAFEN	Smoke	K135
	F.M.S	K137
	Hot Air	K140
LORENGAU	Smoke	K130
	F.M.S	K132
	Hot Air	K135
KEREMA	Smoke	K120
	F.M.S	K122
	Hot Air	K125

Prais bilong dispela wik i wankain tasol olsem bilong las wik tasol CMB i tokaut olsem sapot prais bilong dispela mun em K25.

SENISIM MANI



Prices set: 11th November, 1991

Unlisted PNG Shares

ANGCO	K0.60
Bank of SP	K2.65
Burns Philp	K2.00
Credit Corp	K1.00
Farmset	K2.00
NGIP	K1.00
Post Courier	K1.80
SP Holdings	K1.00
Westpac	K2.65

Australian listed PNG companies
11th November, 1991

Intrepid	K0.01
Austin Oil	K0.04
Bougainville	K0.53
Collins & Leahy	K0.68
Highlands Gold Ltd.	K1.01
Niugini Mining	K2.03
Oil Search	K0.58
Steamships	K1.12

Kempen bilong wok didiman stat pinis

YAKAM KELO i raitim

KEMPEN bilong kirapim wok didiman long Papua Niugini i stat pinis long Mande 11 Novemba, 1991.

Lottery Klap long Lae i statim pinis sampela bilong ol dispela kempen.

Dairekta Reinhard Tietze i tok wok didiman insait long Papua Niugini i no nupela samting. Em i stat long taim bilong tumbuna yet i kam. Ol manmeri long bipo yet i save lukautim tu ol enimel na

planim ol kaikai.

Tasol ol dispela pasin i senis nau bikos long ol senis insait long kantri. Ol i go long skul na i laik painim wok long taun. Dispela i pulim olgeta tingting na laik bilong ol manmeri i go long wok bilong taun na lusim wok long ples i stap.

Tietze i tok dispela kempen i bilong skulim na grisim ol manmeri long wok didiman long graun bilong ol. I gat wok bilong olgeta manmeri long mekim olsem na dispela kempen i sut long givim kliia tingting bilong ol man-

meri long lainim samting.

Presiden bilong Lae Loteri Klap, Michael Stevens i tok ol i redim pinis ol pepa bilong salim i go long olgeta skul insait long kantri. Ol pepa i bilong wok agrikalsa bilong ol skul pikinini long lainim.


Singaut i go long gavman na ol sios tu long luksave long dispela bikpela wok na givim sapot.

Planti bisnis na ol lain bilong ovasis i stap nau long PNG i sapotim dispela wok. Olgeta i bung long haus bilong Ektng Gavana Jenerel, Dennis Young long Mande

long tokaut long dispela bikpela wok.

Ektng Gavana Jenerel i tok amamas tru long dispela gutpela tingting nau i kamap. Em i tok sapos PNG i ken groim ol kaikai bilong em yet, bai i no gat as long kantri i baim rais na tinpis long ovasis.

Ol kampani husat i givim sponsa long dispela kempen em, ICI Dulux na Rice Indastri kampani. Luteran Sios i stap insait tu long dispela plen na kirapim pinis wanpela skul bilong Yangpela Didiman.



Pais raun • Minista bilong Agrikalsa na Laivstok Tom Pais i lukluk raun long Pavilon bilong PNG long Serville long Spain

Gavman makim K450,000 bilong ol liklik haus turis

SAM VULUM i raitim

Gavman makim K450,000 bilong ol liklik haus turis

AVMAN i makim K3 milien olgeta long wok bilong Smol Bisnis Developmen Kopresen (SBDC) long 1992.

Antap long dispela, i gat sampela moa mani bai Yuropien Invesmen Beng (EIB) i putim.

Minista bilong Fainens na Plening, Paul Pora i askim Liklik Bisnis Manmeri Asosiesen (LIKBA) long wok klostu wantaim SBDC long yusim dispela mani long helpim ol liklik bisnis manmeri long kantri.

Aninit long wankain tingting, dipatmen bilong Tred na Industri bai kisim K16 milien long baset long statim moa fektori na kamapim moa bisnis long kantri. Long dis-

pela mani, K6 milien bai go long wokim Bisnis Senta long Lae na wankain wok bai kamap long Mosbi long 1993.

Bikpela tingting bilong gavman tu long dispela baset em long helpim ol manmeri long ples long wok bilong Turisem. Long 1992, gavman bai stat long kamapim ol liklik viles turis haus long Milen Be, Nu Ailan na Is Nu Briten. Mani em ol i makim long mekim dispela wok em K450,000.

SBDC wantaim Egrikalsa Beng bai helpim ol viles grup, ol haus lain na ol papa graun long kamapim ol dispela liklik turis haus. Gavman i gat strongpela tingting long mekim wankain long ol narapela provins long 1993.

Liklik bisnisan bilong Gorokai winim namba

BIKPELA tingting bilong Joseph Andrias Kauba long ranim bisnis em long helpim ol narapela manmeri na i no long likpulim mani.

Kauba i winim 1991 Times Smol Bisnismen Awod i bin kamap long Travelodge Hotel long Mosbi long las wik Fonde.

"Mi no tingting tasol long wokim mani. Mi laik helpim ol yangpela manmeri. Sapos mi laik kamap gutpela bisnis man, mi inap mekim olsem long taim yet. Tasol dispela i min mi bai stilim mani bilong ol yangpela husat i wok wantaim mi," Kauba i tok.

Kauba em papa bilong Not Goroka Eben Yut Paintas kampani. Em i wok fultaim na em i kisim 10-pela yangpela boi long helpim em. Em i winim 5-pela narapela bisnisan na meri i putim nem long dispela awod.

Antap long dispela awod, Kauba bai wantaim meri o pren bilong em i raun i go long Brisbane long Australia inap long wan wik. Bisnis Kaunsil bilong Australia/PNG i go pas long redim dispela awod. Na as tingting bilong awod em long mekim ol manmeri i wok strong long kisim wankain awod.

Kauba i amamas tru na i tok tenkyu long Notre Dame Sistas Mona Marie, Mary Virginia na Mary Alice. "Ol sista bai amamas tru bikos ol i hap bilong grup bilong mipela," Kauba i tok.

Kampani i wokim ol kain kain wok long Goroka taun. Ol i save penim ol haus na mekim ol narapela liklik wok. Kauba i laik lainim ol yangpela man long kain kain wok.

Australia painim moa bisnis rot

AUSTRALIA i yusim pinis K1.49 bilien bilong ol wok bisnis insait long kantri stat long taim PNG i kisim independens i kam inap nau.

Dispela toktok i kamap long wanpela kibung bilong PNG/ Australia Bisnis Kaunsil long Kimbe, Wes Nu Briten provins long 8 Novemba.

Man i go pas long ol Australia bisnisan long kibung, Tom Preston i tokim ol memba bilong Wes Nu Briten provinsal gavman na ol bisnisan long Kimbe olsem Australia i gat bikpela laik tru long putim mani i kam insait long PNG.

"Dispela i no pinis bilong ol helpim mipela i givim long bisnis. Bikos mipela i wok long painim moa rot bilong putim ol mani," Preston i tok.

Em i tok kamap bilong Australia/PNG Bisnis Kaunsil i stre-tim planti rot bilong baim na salim ol samting na ol wok bisnis namel long tupela kantri.

Preston i tok planti kampani long Australia i gat laik long wok bilong maining, egrikalsa na ol narapela kain bisnis long PNG. Tasol ol i sruk liklik bihain long ol i harim ol kain kain stori long hevi bilong lo na oda long hia.

Tasol em i tok dispela i no mekim ol i wari tumas long wanem ol i bilip

olsem PNG gavman inap long stre-tim ol dispela hevi. Em i amamas tru kibung namel long praim minista bilong PNG, Rabbie Namaliu na ol bisnisan bilong Australia long Mel-bon taim Namaliu i go long Australia.

Preston i tok toktok bilong Namaliu long hap i soim piksa we ples i gutpela long pulim moa bikpela kampani bilong Australia long putim mani insait long wok bisnis long PNG.

Namaliu i tokim ol bisnisan na meri long dispela taim olsem hevi bilong lo na oda i no inap long bagarapim wok bisnis insait long kantri. Em i tok tu olsem PNG bai stat long kisim planti mani long Porgera main, Kutubu wel na ol narapela maining projek nau i stap long kantri.

Preston i tokim kibung olsem grup bilong em i gat 77 bisnisan bilong Australia olsem memba we i gat sampela wok bisnis long PNG.

Em i tok dispela em namba wan taim tru grup bilong em i lukluk raun long Wes Nu Briten. Na ol i gat sans nau bilong raun na lukim ol rot we ol wok developmen i ken kamap. Ol bai lukim sapos ol i ken putim mani long mekim ol wok bisnis o no gat.

Nupela yunien grup kamap bilong sekap long ol kampani wokman na meri

YAKAM KELO i rattim

WANPELA nupela grup i kamap nau bilong sekap long ol wokman na meri long praivet sekta.

Nem bilong dispela grup em Nesenel Traipatait Konsalten Kaunsil (National Tripartite Consultant Council). Ol memba bilong Nesenel Traipatait Konsalten Kaunsil (NTCC) i kam long ol tred yunien, PEA, gavman na ol arapela oganaisesen na grup olsem.

Leba na Emploimen minista, Tony Ila i bin tokaut long dispela long kibung bilong palamen las wik. Dispela grup bai sekap long wok bilong olgeta wokman na meri bilong Papua Niugini na ovasis husat i wok long kantri.

Minista yet bai i go pas long kaunsil olsem siaman.

Em i tok ol wok i go het gut. Na wanem senis i laik kamap bai go pastaim long ol kaunsil memba. Ol bai skelim pastaim na bihain siaman i ken lukim.

Kaunsil i kibung pinis bilong toktok long ol hevi bilong ol wokman na meri. Long wanem planti i wok long pinis nating long ol wok. Na kaunsil yet i no amamas long dispela.

Ol yunien grup na woka i wanbel long strongim Industriyel Oganaisesen Ekt. Dispela i bilong painim strongpela rot bilong stretim ol kain hevi olsem. Kaunsil bai glasim tu tingting bilong Nesenel Kot long hevi bilong ol woka.

Ol memba bilong NTCC em Napoleon Liosi bilong Pablik Employis Asosiesen



• Liosi ...
PEA-memba



• Titimur...
PNGTUC- memba



• Ila ...
minista -siaman

(PEA), Lawrence Titimur bilong PNG

Tred Yunien Kongres (PNGTUC) na Mista

Daian wantaim ol arapela mausman bilong

ol yunien long kantri.

Minista Ila i tokaut long dispela bilong bekim ol askim bilong memba bilong Mosbi Not Is, David Unagi. Memba i toktok long sekim wok bilong ol ovasis manmeri long kantri.

Unagi i tok sampela ovasis kontrak opisa i wok long strongim ol yet na i no tingting long helpim ol PNG wokman na meri.

Memba i askim tu sapos Leba na Emploimen dipatmen i ken makim wanpela komiti na givim em strongpela pawa. Dispela komiti bai sekap long wok bilong ol ovasis kontrak opisa wantaim PTC, Elcom, Air Niugini, PNGBC na ol kampani olsem long Porgera, OK Tedi, lagi-fu Wel, Steamships, BP wantaim ol bikipela hotel.

PTC Paging Sevis nau i stap long Tabubil na Kiunga



Nau yu ken toktok wantaim ol wokman bilong yu long Mosbi, Lae, Wewak, Rabaul, Hagen, Goroka, Madang, Nadzab, Kiunga na Tabubil.

PTC Paging Sevis i wok 24 aua long wanpela de na 7-pela de long wanpela wik.

Em i no bikipela samting long yu mas save pas-taim long wanem ples ol wokman bilong yu i stap long en. Yu ringim namba tasol na PTC Paging Sevis bai wokim ol narapla wok painim bilong yu.

Ringim PTC nau long namba 27 4303 na painim aut hao PTC Paging Sevis i ken sevim taim na mani bilong yu.



Pos na Telekom
BUNGIM YU WANTAIM NARAPELA



Trenim long liklik bisnis...Hohola Teknikel Trening Senta 2000 i stat nau long Mosbi. Na dispela meri wantaim arapela 5-pela i save lainim long kukim gupela kaikai na smapim klos.

Gavman i makim K1,281.4 milien long 1992 baset

MANI em Papua Niugini bai yusim long 1992 baset em K1381.4 milien na insait long dispela mani, gavman bai yusim K1162.80 milien long kantri na K218.6 milien long bekim ol dinau long ovasis.

Minista bilong Fainens na Plening, Paul Pora i tok baset bilong 1992 i go antap long K71 milien. Tasol i no gat wanpela bikipela senis tumas. Em i wankain liklik olsem baset bilong dispela yia.

Pora i tok gavman i skelim dispela mani bihainim tupela bikipela tingting. Namba wan em long wankain mani i mas go long olgeta wok bilong gavman long kantri. Em i tok dispela i mas kamap long stretim ol hevi i bin kamap long kantri insait long tupela yia.

Namba tu as tingting em long makim mani long ol bikipela tingting bilong gavman olsem lo na oda, sosel sevis, sapatim ol liklik bisnis long ol rurel eria na tu kamapim wok bilong ol manmeri.

Ol ripot bilong 1992 nesanel baset bilong Papua Niugini Wok bilong lo na oda kamap namba wan

SAM VULUM i raitim

WOK bilong lo na oda long kantri i kisim namba wan tingting long 1992 nesanel baset. Gavman i makim K173.4 milien olgeta long lukautim wok bilong lo na oda long 1992.

Gavman i luksave olsem bikipela tingting long stretim lo na oda i no bilong kamapim tasol bel isi na gutpela sindaun. Tasol i bilong mekim tu ples i gutpela long pulim moa bisnis we i ken givim wok long ol pipel.

Bihain long bikipela kibung

bilong lo na oda long dispela yia, gavman i kamapim sampela tingting long stretim hevi long nau na taim bihain.

Long 1992 baset, gavman i makim K4.6 milien long strongim wok bilong sapat sevis long Plis Fos. Na tu long stretim ol opis na narapela samting ol plisman i save yusim long wok.

Narapela K6 milien i bilong stretim haus bilong ol sekyuriti fos (plis, ami, woda) long 1992. Antap long dispela gavman i makim gen K9 milien bilong baim haus bilong SP Gems na givim long Plis Fos.

Gavman i makim tu K3.8 milien bilong stretim haus na

banis bilong ol kalabus na narapela K2.7 milien long wokim ol haus bilong ol woda.

Long wankain taim tu, gavman i stretim ol toktok nau long baim tupela nupela balus, ol i kolim long CASA long kisim ples bilong ol DC3. Spain, wanpela kantri long Yurop bai helpim PNG long baim ol dispela balus. Kos bilong ol inap long K30 milien.

Papua Niugini Difens Fos (PNGDF) bai yusim ol dispela balus long karim ol soldia raun mekim wok bilong ol long kantri. Na tu bilong

was long ol solwara bilong PNG na holim ol man bilong ol narapela kantri husat i laik stilim ol pis.

Gavman i bin painimaut tu long wok bilong ol sekyuriti ejensi long kantri. Ol tingting nau i stap long bungim ol ami, plis na woda long trening, na ol dispela tripela grup bai yusim ol saplai bilong ol narapela. Gavman i makim K2 milien long mekim dispela wok. Wanpela nupela grup ol i kolim long Sekyuriti Kodinesen Yunit bai kamap aninit long Dipatmen bilong Praim Minista long lukautim dispela wok.

Morobe kisim moa mani long ol arapela

MOROBE provins i go pas long ol narapela provins long kisim bikipela mani long 1992 nesanel gavman baset. Morobe provins i kisim K23.5 milien na Manus provins i kisim liklik mani long olgeta long baset wantaim K7.1 milien.

Westen	K18.6 milien
Galp	K10.6 milien
Sentrel	K15.0 milien
Milen Be	K17.7 milien
Oro	K9.9 milien
Sauten Hailans	K19.9 milien
Enga	K19.8 milien
Westen Hailans	K22.0 milien
Simbu	K16.9 milien
Isten Hailans	K20.9 milien
Madang	K18.3 milien
Is Sepik	K18.3 milien
Sandaun	K14.8 milien
Nu Ailan	K13.1 milien
Is Nu Briten	K19.3 milien
Wes Nu Briten	K12.5 milien
Not Solomons	K16.3 milien

Palamen kisim K19 milien long wok

NESENEL Palamen bai kisim K19 milien long mekim ol wok bilong em long 1992.

Palamen bai yusim dispela mani olsem:

Pe na alauwens bilong ol memba - K2.5 milien

Pe bilong ol memba i pinis long wok politik - K2.5 milien

Alauwens bilong ol memba - K4.9 milien

Lida bilong Oposisen - K800,000

Mani bilong Palamentri Komiti - K500,000

Mani bilong Palamentri Sevis - K4.7 milien

Mani bilong lukautim Palamen haus yet - K300,000

Helt na Edukesen kisim K115m

NESENEL Gavman i bin putim bikipela tingting tru long wok bilong Helt na Edukesen long baset bilong 1992.

Long baset, Edukesen dipatmen bai kisim K55 milien long mekim ol wok bilong en long neks yia. Dispela mani i go antap long K5 milien long dispela yia baset.

Gavman i bilip olsem bai olgeta manmeri i winim wankain skul long yia 2000. Mani gavman i putim bai karamapim tu ol skul bilong ol sios olsem long Don Bosco Teknikel Skul long Mosbi. I gat K11 milien em ol i makim long stretim ol komyuniti skul, haiskul na ol yunivesiti.

Tupela yunivesiti bilong yumi long kantri i kisim K48 milien na Komisib bilong Haia Edukesen i kisim K11.8 milien.

Gavman i makim tu K1 milien bilong lukautim ol tisa bilong ol yunivesiti long wanpela program ol i kolim long "Mid-Western Universities Consortium for International Assistance." Aninit long dispela program, ol manmeri PNG i tisa nau long ol yunivesiti i ken go kisim Mastas o Dokta Digri long ol yunivesiti long Amerika. Na ol tisa long Amerika tu i ken kam tisa long PNG.

Na Helt dipatmen i kisim K60 milien olgeta long baset. Insait long dispela mani, K15.4 milien bai go long stretim ol samting bilong ol bikipela haus sik long Mosbi, Hagen, Wewak, Kundiawa, Lae na tu long mekim ol narapela liklik wok bilong helt long kantri. Gavman i givim tu mani bilong baim moa marasin na ol samting bilong helt nau i sot tru.



Samting bilong aigris tasol...Dispela kapul i sindaun malolo gut tru antap long het bilong Christine Wafiki ausait long Barike Treding stua long Rabaul. Dispela kapul i bilong Herman Kamanien husat i bin kilim mama na kisim pikinini kapul. Na givim em susu inap long taim em i bikipela. Dispela kapul i save pulim planti ai ausait taim em na Herman i Ilmilbur long Rabaul. Foto: Andrew Yeninen.

Gavman makim K1 milien bilong mango na painap fektori

MANI em dipatmen bilong Agrikalsa, Forestri na Fiseris i kisim i abrusim mak bilong en long las yia na i go antap long dispela yia.

Gavman i apim mani bilong ol dispela dipatmen bihainim tingting olsem ol i bun baksait bilong ol pipel.

Insait long mani i go long Agrikalsa dipatmen, gavman i makim K1 milien long wokim ol fektori bilong mango na painap. Gavman bai sapatim tu wok bilong Yangpela Didiman Program.

Antap long dispela, K10 milien i go long statim Kopi Indastri Kopresen. Ol wankain kopresen bai kamap long lukautim wok bilong kakao, kopra, raba, na welpam long 1992 na sampela tu long

1993 baset.

I gat tu K10.5 milien long sapatim wok bilong kakao, kopi na kokonas long neks yia. Mani bai go long ol beng na olbai givim olsem dinau i go long ol fama. Takis bilong ol dispela dinau, pastaim i stap long 15 pesen, nau i go daun long 8.3 pesen.

Bikipela wok long Forestri em long statim Nesanel Fores na Konsevesen Eksen Plen. Fores Atoriti nau bai bungim wok bilong fores long nesanel na provinsal level i go wantaim. Dispela seksen i kisim K8 milien long baset.

Gavman i makim tu K5.4 milien long mekim wok bilong fiseris long kantri. Dispela mani i go antap long K1 milien long dispela baset.

Takis bilong ol strongpela dring bai go daun

TAKIS bilong ol strongpela dring i stap bipo long K4 long wan wan lita nau i go daun long K1 long wan wan lita. Senis i karamapim ol strongpela dring em PNG yet i save wokim.

Dispela em wanpela senis i kamap long 1992 baset. Gavman i tokaut long K4 takis long las yia baset tasol em i lukim olsem dispela takis i antap tumas. Na ol kampani i wokim ol dispela strongpela dring i no salim planti dring olsem na em i senisim.

Gavman i luksave tu olsem PNG i save planim ol brus bilong en yet na bihain salim i go long ol narapela kantri long draim na putim ol marasin long en.

Ol narapela kantri i save salim i kam bek long ol

fektori bilong PNG. Na ol papa bilong ol fektori yet i save baim takis. Gavman i laik stapim dispela long kamap moa. Bai i no gat takis long ol brus i kam bek long kantri.

Sampela senis tu i kamap long sampela ol samting PNG i save kisim i kam long ol narapela kantri. Sampela ol toktok i bin kamap bipo olsem bai i no gat takis long sampela bilong ol dispela samting.

Tasol gavman i tok aut gen olsem takis i mas kamap gen long sampela bilong ol. Takis bai kamap gen long ol samting olsem kakaruk na kaikai bilong kakaruk, plaiwut, ol dua ol i wokim long timba, masis, sop bilong waswas na sop bilong wasim samting na hani.

Togoba-lalibu rot kisim bikipela mani long ol arapela

NESENEL Gavman i makim K137 milien bilong long stretim na wokim ol nupela rot long kantri.

Hia em nem bilong ol rot na amas mani bai wok bilong ol dispela rot bai kisim:

Kavieng - Fangalawa	K3.2 milien
Passam - Toanumbo	K3.2 milien

Togoba - lalibu	K4.6 milien
Umsis - Mumeng	K4.0 milien
Watabung - Chuave	K2.6 milien
Wewak - Hawain riva	K2.5 milien
Mendi - Twalamanda	K1.0 milien
Alotau - Gurney	K1.9 milien
Bereina - Malalaua	K1.0 milien
Cape Rodney - Babaguina	K1.2 milien

Stack laikim Gavman sekap

i kam long pes 4

mas kamap long stretim ol dispela bagarap sapos ol dispela bom i bilong provinsal gavman o bilong nesanel gavman.

Pollard i stap nau long PNG na i go pas long wanpela grup husat i save raun aninit long solwara. Sip bilong ol em Yuniti.

Trenspot dipatmen i givim tok orait long ol i ken raun long solwara long hap bilong Madang na Vanimo. Tasol nau ol i stap long Wewak bikos ol i no bihainim lo bilong Trenspot dipatmen.

Stack i tok i gat wanpela man Nu Silan nem bilong em Tarco Retimanner husat i save stretim ol pemit na

laisens long dispela kantri. Em i wok wantaim dispela grup.

Olsem na Stack i strong long praim minista i mas stapim dispela sip long raun inap ol i painimaut gut dispela wok bilong ol.

Ripot i soim tu olsem lokal sip kampani bilong Acaseck Namba 7 i bin sapatim dispela grup long raun aninit long solwara. Ripot i tok dispela em wanpela kampani ol i baim long Enda Loya.

Wanpela man nem bilong em Leslie Wungan husat i gat bilip olsem em seketeri bilong Pangu Pati, i wokim ripot na putim long opis bilong rejistra. Tasol i no gat rekot bilong seaholda long opis bilong Rejistra.

Korowi harim tok na kamap nupela GG

SAM VULUM I rattim

WIWA Korowi i no inap kamap olsem nupela Gavana Jenerel (GG) bilong PNG sapos em i no harim tok bilong Sir Julius Chan. Na kisim wanpela balus i go long Samarai long 1980, taim em i stap minista bilong Pablik Yutilitis.

Dispela long wanem balus em Korowi i laik kalap long en i bagarap long rot na olgeta pasindia wantaim pailot i dai. Korowi i bin go mekim sampela wok long Rabaul na laik go long Samarai. Tasol Sir Julius i tokim em long go bek long Mosbi long kibung bilong kabinet. Sir Julius i stap olsem praim minista long dispela taim.

Korowi nau i kisim ples bilong olpela GG, Sir Serei Eri, husat i bin risain long las mun.

Palamen i votim em i kamap nupela GG long Mande. Korowi i resis long dispela wok wantaim foapela narapela

bikman bilong kantri. Ol dispela rain em memba bilong Lae Open, Tony Ila, memba bilong Daulo, Gai Duwabane, na tupela olpela memba bilong palamen, Sir Barry Holloway na Zurenuoc Makili.

Ol memba i vot foapela taim olgeta. Long namba wan vot, Sir Barry i kisim 14 vot, Duwabane i kisim 22, Ila 25, Korowi 26 na Makili 9. Long dispela vot, Makili i aut bikos em i kisim liklik namba.

Long namba tu vot, Sir Barry i kisim 14, Duwabane 20, Ila 31 na Korowi 30. Sir Barry i aut long namba tu vot bikos em i kisim liklik namba.

Long namba tri vot, Ila kisim 35, Korowi 34 na Duwabane 26. Duwabane i aut long namba tri vot na Korowi na Ila tasol i stap.

Na long las vot, Ila i kisim tasol 40 vot na Korowi i kisim 55 vot na em i kamap nupela Gavana Jenerel.


Namba wan man long

amamasim Korowi em Praim Minista, Rabbie Namaliu. Namaliu i tok Korowi i gat planti save long wok politik na em i bilip bai gavman i wok gut wantaim em.

Oposisen Lida, Pais Wingti i tok amamas tu long Korowi na askim em long was gut long konstitusen. Wingti i tok lukaut olsem em i no laikim wankain samting i kamap olsem long olpela GG, Sir Serei olsem i bin mekim.

Ol narapela memba i tok amamas em Sir Julius Chan, Sir Michael Somare, Galeva Kawara na namba tu praim minista, Akoka Doi. Doi i mekim ol man i kirap nogut taim em i tok Korowi em tisa bilong em taim em i liklik manki long komyuniti skul.

Tasol sampela man-meri i no amamas long dispela taim. Samting olsem 30 mama i bin stap long Palamen long ileksen bilong GG i lusim semba taim ol i harim olsem i no gat wanpela meri i resis long kamap GG. Ol



• Wiwa Korowi ... nupela Gavana Jenerel bilong Papua Niugini.

Ol meri i makim olpela memba bilong Manus Open, Nahau Rooney long resis long kamap GG tasol i no gat inap memba i sapatim em. Ol meri i tok bai ol protes tude, 14 Novemba.

I no gat wanpela ripot i kamap yet long wanem taim bai Sif Jastis, Sir Buri Kidu i tokaut long Korowi olsem GG. Tasol i luk olsem dispela bai kamap long Fraide, 15 Novemba.

Em i gat bikpela save long wok politik

MAMA i karim Wiwa Korowi long lalibu sab-distrik long Sauten Hailans provins long 7 Julai 1948, tripela yia bihain tasol long namba tu wol woa i pinis.

Korowi i bin stap olsem memba bilong Sauten Hailans rejonal inap long taim palamen i makim em i kamap Gavana Jenerel. Em i memba bilong Nesenel Pati.

Korowi i marit na i gat sikpela pikinini. Em i bilong Evangelikel Baibel Misin na em i ken rit, rait na toktok long Inglis, Tok Pisin, tok ples Imbongu na Malpa.

Em i stat skul long Kalspena Komyuniti Skul long 1959 na i pinis long 1965. Long 1966 em i go long Awaba haikul na i pinis long 1969. Bihain em i go long Goroka Tisa Koles long 1970 na greduet olsem haikul tisa long 1972.

Long 1973 inap 1974, Korowi i stadim Intanesenel Lo na Diplomatik Prektis o skul long kisim save long makim PNG gavman long wok long ol narapela kantri. Em i stadi long Australia Nesenel Yuni- vesiti long Kenbera. Namel long 1975 na 1976, em i raun long olgeta hap bilong Australia aninit long diplomatik trening progrem.

Bihain long dispela skul, PNG i salim em long makim kantri na wok long Brusels, biktaun bilong kantri Belgium we hetkwata bilong Yuropien Ikonmik Komyuniti (EEC) i stap long en.

Long 1977, em i resis long nesenel ileksen na i win. Em i stap memba inap long ileksen gen long 1982. Namel long dispela yia, i stap olsem minista bilong Helt long 1979, minista bilong Pablik Yutilitis long 1980.

Korowi i lus long 1982 ileksen tasol long 1987, em i kamap gen olsem memba. Long dispela ol yia em i stap olsem namba tu siaman bilong Privileges Komiti, memba bilong Pablik Woks Komiti na minista bilong Minerels na Eneji long 1988 inap gavman bilong Praim Minista, Rabbie Namaliu i teko- va long 4 Julai, 1988.

KAIKAI KAKARUK CASH WINNERS OCTOBER 1991

HERE'S THE KAIKAI KAKARUK CASH WINNERS!



Look inside Niugini Tablebirds chicken & chicken pieces packs for a hidden medal! YOURS COULD BE A BIG WINNER!



Find one, like this! Try again soon!
Find one of these! Bring it back to this store for an instant prize!
Find a cash winner! Send it back to Niugini Tablebirds Pty Ltd, P.O. Box 963, Lae, and Your CASH will be sent to you!

K1000.00



Lucky Winner of K1,000 Mrs. Joyce F. Turvey receiving her prize from Mr Hans Onga - Distribution Manager, Niugini Table Birds - Lae

K500.00

Mr John Singas - Lae MP
Mr Sesemena Mora - Mendi SHP

K100.00

Mr Akung Oreo - Rabaul
Mrs Gordulla Kapin - Lae MP

K10.00

Shiela Ged - Wau
Agnes Sokamia - Wewak
Lucy Bernard - Lae
Margaret Iopare - Popondetta
Bernadette Wase - Lae
Blaise Watori - Kavieng
Vai Hanua - Pom
Mathew Morim - Vanimo
Laspain Seith - Lae
William Nuly - Kimbe
Martha Simon - Kimbe
Sabas Woi - Rabaul
Robin Mailau - Lae

K5.00

Christine Munguas - Kimbe
Wilma Manus - Lae
Oala Toua Boga - Port Moresby
Wale Kau - Lae
John Tokam - Kavieng
Omaro M. Sofly - Pom
David Koneva - Popondetta
Clinton Apa - Popondetta
Naya B Irun - Rabaul
Francis Vtaih - Lae

Grile man maritim naispela meri

LONG bipo tru long ples Parom insait long Is Sepik provins, i gat wanpela skln kaskas man i stap. Nem blong em Yeritoduo. Dispela nem i min olsem kaskas o grile man.

Olgeta taim ol manmeri i save mekim fani na kain kain toktok long em. Tran-gu i save sindaun tasol long haus bilong em na harim ol toktok nogut ol manmeri i toktok long em.

Taim ol yangpela meri i wokabaut i go abrusim haus bilong em, ol bai mekim kain kain toktok long ol yet. Wanpela bai tokim narapela meri, "man bilong yu sindaun ya". Ol i save mekim ol kain toktok olsem i go i kam na kilim lap stret.

Dispela pasin i save kamap olgeta taim. Na tran-gu grile man ya i save pilim nogut tru.

Tasol ol i no save olsem dispela man i gat pawa bilong tumbuna wantaim em. Em i gat posin bilong pulim ol meri i kam ya.

Wanpela taim grile man ya i sindaun long haus i stap na tingting long soim tru pawa bilong em nau. Em kisim wanpela buai na mekim singsing na ol toktok long en pinis na wet tasol i stap.

I no longtaim, ol yangpela meri i wokabaut i kam long hap em i stap long en. Man nogut ya i lukluk long ol meri ya na traim long glasim husat tru i moa gutpela long ol.

Em lukluk i go na lukim wanpela naispela meri namel long ol meri ya. Em kisim dispela buai na tromol i go pundaun long fran bilong em. Yangpela meri ya i lukim dispela buai na em kisim na lukluk long en.

Buai ya i gutpela na meri ya i aigris pinis long kaikai. Olsem na isi tasol em



holim na putim long maus bilong em na kaikai.

Ol arapela meri i no save long dispela na ol i wok-abaut tasol i go long bus long painim paiawut.

Man nogut ya i save pinis na wet tasol long haus bilong em i stap. Em i save olsem pawa i kisim meri ya pinis. Na meri ya bai i no inap long bikhet moa.

Ol meri i wok long katim paiawut i stap na i no long-taim pawa bilong kaskas man ya i kisim meri ya.

Het bilong meri ya i kisim man no gut ya na em i isi tasol lusim ol arapela meri long bus i stap na tekov i go long ples.

Em kamap long haus bilong man nogut ya na tokim em stret, "mi kam long stap wantaim yu".

Man nogut i save pinis tasol em giaman na pusim toktok i go i kam. Olsem wanem na yu kam long haus bilong mi. Yupela save mekim fani na lap

nogut tru long mi olgeta taim ya."

Tasol pawa i kisim meri ya pinis. Olsem na em i no laik harim ol kain kain toktok bilong man ya. Het bilong em i pas tasol long tupela i stap wantaim.

Olsem na man nogut i lap isi tasol na kisim em i go insait long haus, na tupela i marit na stap wantaim long ples.

Em tasol stori bilong mi.
Hanieks lan
WEWAK.



□ Wanpela de tripela boi Sepik i go mekim longlong raun long taun i go na hangre nogut tru.

Ol glvim sisti i go insait long wanpela haus kaikai na baim sampela rais. Ol karim i go ausait long wanpela kona na pinisim olgeta dispela rais. No gat wanpela pipia rais i stap.

Tasol ol i no pulap yet. Olsem na ol i go insait gen long dispela sem haus kaikai na askim sapos sampela paia rais i stap.

Gedlee
WEWAK

■ Long Perigo ausait tasol long Wewak taun i gat wanpela stua. Wanpela meri i save wok insait long dispela stua.

Meri ya wok i stap na harim wanpela lotu singsing i kamap long redio. Em wok wantaim na wok long kondaktim dispela singsing. Sem taim Kanage i wokabaut i go insait long stua.

Kanage sanap i go na meri ya i no sevim em liklik. Em bel hat na bikmaus nau, "Yu inap long komanda!"

Sem taim wanpela meri tu i wokabaut i go insait long stua. Em harim Kanage i bikmaus na i tok, "wanem komanda taikuando?"

Olgeta manmeri i kam bung na bikmaus long tupela "wanem komanda taikuando kondakta?"

Yoyo Tbei
Perigo-WEWAK

□ Wanpela manki Makuraka i laik go lukim susa bilong em long Goroka haus sik. Manki ya i no save gut long tok Pisin.

Manki ya wokabaut i go stret long Wod 4 na lukim wanpela kliina wokman i klinim pipia i stap. Wokman i lukim manki ya na askim, "yu laik go we?" Na manki ya i bekim, "mi laik lukim sisa bilong mi ya".

Kliia i save olsem manki ya i tok krangli. Olsem na em i askim gen. Tasol manki ya i wok long tok "sisa sisa" yet.

Man lapun kliina ya i lap lap i go na pekpek i kam daun long as bilong em.

Jacob Jack Jahe
GOROKA

Husat em papa tru bilong bebi?



Dia LAIPLAIN,

Mi prenim gut tru wanpela meri long ples. Meri ya i hel nau. Na papa na mama bilong dispela meri i pusim mi long maritim dispela meri.

Tasol mi ting olsem meri ya i no karim bel bilong mi. Mi slip wantaim em tripela taim tasol. Na sampela man i tokim mi olsem meri ya i gat planti boi pren.

Bal mi mekim wanem samting long painimaut husat tru i papa bilong pikinini em i gat bel nau?

NOT ME

DIA PREN,

I tru olsem planti manmeri i skul nau. Tasol planti yanpela pipel i no save long bodi ol manmeri i save wok olsem wanem, na meri i save bel olsem wanem.

Laiplain i kisim planti leta i toktok long ol meri husat i save bel olsem, bihain long ol i prenim

wanpela man. Dispela em long taim ol i no gat strongpela tingting long marit.

Dispela i no tru. Bikos meri i ken bel bihain long em i slip wantaim wanpela man long wanpela taim tasol. Meri i save bal taim kiau bilong em i redi.

Sapos meri i slip wantaim man taim kiau bilong em i redi, em bai i gat bel. Bel bai i stat long bel taim wara bilong man i bungim kuai bilong meri long disela taim.

I luk olsem yu bilipim ol arapela manmeri husat i tok meri ya i gat planti boi pren, we em i save slip wantaim ol. Yu save olsem dispela i tru o no gat?

Yu no ken sutim olgeta hevi long meri tasol. Yu tu mas kisim hevi long wanem samting yu bin mekim. Yu mas i gat tingting bilong man, na stret-tim dispela hevi long gutpela we.

Gutpela samting bilong mekim em long painimaut wanem taim meri bai karim bebi. Na tingim bek long ol de yu bin slip wantaim em.

Meri bai i karim bebi bihain long 40 wik o 9-pela kalenda mun - bihain long las de we em i kisim sik mun. Dispela i min olsem long taim wara bilong man i bungim kiau bilong meri i kam inap long taim meri i karim bebi em 38 wik olgeta.

Wantaim dispela save, yu ken painimaut olsem yu papa tru bilong dispela bebi o narapela man i papa.

Yupela i ken go long haus sik na dokta i sekim blut bilong yupela. Dispela bai i soim olsem sampela man i no papa bilong dispela bebi. Tasol dispela i no inap soim papa tru bilong dispela bebi.

MI LAIPLAIN



• Banara bilong kilim abus nau: Em stail bilong ol Lek Mar! eria pipel insait long Westen provins long pullim banara ya. Wanpela lapun long Kavlananga i soim stail bilong em.

Bipo ol lain Zimikani i bin wanpela strongpela lain bilong yusim banara, na pait wantaim ol birua. Tasol tude ol i yusim banara long kilim ol abus olsem dia na sikau long bus. Poto lan Kakarere.



MUSIK na TELEVISIEN

Amerika Top 40

Navigators brukim olgeta biksolwara bilong Manus

FRANCIS ULIAU i raitim


MUSIK bilong *Navigators* i bihainim tru wanem samting mipela inap tok olsem solwara musik bilong Papua Niugini.

Kain singsing na stail bilong ol inap pulim man. Taim ol i bin katim namba wan kaset bilong ol, olgeta man, meri na pikinini i laik harim ol singsing bilong ol.

Ol singsing bilong namba wan kaset i stori long kain laip em yumi long Papua Niugini i save painim. Wanem kain senis em dispela i bringim na sampela samting we i save kamap oltaim insait long ol famili.

Gutpela musik bilong ol i no dai. Bikos long sampela taim i go pinis, ol i katim gen namba tu kaset bilong ol wantaim Kalang studio long Mosbi. Het tok bilong dispela namba tu kaset em "Dre Amo Kichamul" na i stap insait tu long wanpela singsing.

Dispela singsing i stap long tok ples Manus yet na i gutpela bilong



harim.

Ol tripela ben memba yet, Kisapai Kutan, Kialou Salayan na Kanamon Manuai i raitim 4-pela singsing. Orait narapela 4-pela em ol pren na wantok bilong ol i raitim na givim ol.

Insait long dispela namba tu kaset bilong Navigators, ol man yet i singim olgeta singsing. Long namba tri singsing

long sait A, *Ve Valavu*, em Neli Auka i bin go pas long singsing. Na long olgeta arapela singsing, em tupela kas ya yet, Kialou na Kanamon yet i stailim.

Wanpela singsing long dispela kaset em planti man, meri na pikinini i laikim pinis em *Hat Wok Lus*.

Dispela singsing i stori long wanpela yangpela man husat i stap wan-

taim lapun bilong em i go winim skul na wok. Tasol long taim em i wok, kwiktaim em i lus tingting long lapun long ples na painim meri. Na taim em i lukim pes bilong meri, em i no moa tingim lapun husat i hatwok long em i stap long ples.


Long dispela pasin, lapun long ples i sindaun wari na tanim dispela singsing. Bikos olgeta hatwok bilong lapun i go lus nating.

Dispela em kain pasin bilong Papua Niugini long tude. Wok mani, meri na bia i save kam namba wan long ol man. Maski long ol lapun bilong ples. Olsem na long dispela singsing, *Navigators* i laik skulim yumi olsem maski yumi lusim ples na go marit, no gat wanpela samting inap winim switpela ples yumi bin lusim.

Insait long dispela "Dre Amo Kichamul" kaset bilong ol, *Navigators* i singsing long kain kain tok ples. Olgeta 8-pela singsing i stap long tok ples Manus yet, *Tok Pisin*, Inglis, tok ples Sentrel na Milen Be.

...long dispela wik

1. Romantic Karyn White
2. Emotions Mariah Carey
3. Cream Prince and the N.P.G.
4. Do Anything Natural Selection
5. Can't Stop This thing We started Bryan Adams
6. Hole Hearted Extreme
7. Real Real Real Jesus Jones
8. O.P.P. Naughty By Nature
9. Don't Want to be a Fool Luther Vandross
10. The One And Only Chesney Hawkes
11. Set The Night to Music Roberta Flack/Maxi Priest
12. It's so Hard to Say Goodbye Boyz II Men
13. Hey Donna Rythm Syndicate
14. Don't Cry Guns N' Roses
15. When a Man Loves a Woman Michael Bolton
16. With you Tony Terry
17. I Wonder Why Curtis Stigers
18. Running back to You Vanessa Williams
19. Something to Talk About Bonnie Raitt
20. That's What Love is For Amy Grant
21. Let's Talk About Sex Salt-N-Pepa
22. Enter sandman Metallica
23. Good Vibration Marky Mark \$ Funky Bunch
24. Everybody Plays The Fool Aaron Neville
25. Set Adrift on memory Bliss P.M. Dawn
26. I Adore mi Amor Color Me Badd
27. Blowing Kisses in The Wind Paul Abdul
28. Love of a lifetime Firehouse
29. Get a Leg Up John Mellancamp
30. Street of Dreams Wia Peeplax
31. Lies EMF
32. My Heart Belong to You Russ Irwin
33. Ring my Bell DJ Jazzy Jeff & Fr. Prince
34. Just Want to Hold You Jasmine Guy
35. SOMETHING GO ME STARTED Simply Red
36. Motownphilly Boyz II Men
37. Love ... Thy Will be Done Martika
38. Mind Playing Tricks on Me Geto Boys
39. Rush big Audio Dynamite II
40. Top of The World. Van Halen



EMTV

THURSDAY 14TH NOVEMBER, 1991	WITH PASTOR WALO ARNI	8.54 NATIONAL EMTV NEWS UPDATE	11.27 MEDITATION	4.00 TEST PATTERN AND MUSIC	MUSIC	MUSIC
4.00 TEST PATTERN AND MUSIC	11.00 STATION CLOSE	8.59 EMTV NEWS MAGAZINE	11.30 STATION CLOSE	5.27 STATION OPEN	5.27 STATION OPEN	5.27 STATION OPEN
5.27 STATION OPEN	FRIDAY 15TH NOVEMBER, 1991	9.00 FRIDAY NIGHT MOVIE "Head Office" (PGR)	SUNDAY 17TH NOVEMBER, 1991	5.30 ITN WORLD NEWS	5.30 ITN WORLD NEWS (G)	5.30 ITN WORLD NEWS (G)
6.00 TODAY SHOW (G)	4.00 TEST PATTERN AND MUSIC (G)	10.27 MEDITATION	8.00 TEST PATTERN AND MUSIC	6.00 TODAY SHOW (G)	6.00 TODAY SHOW (G)	6.00 TODAY SHOW (G)
8.00 STATION CLOSE	5.27 STATION OPEN	10.30 STATION CLOSE	9.57 STATION OPEN	1.42 STATION RE-OPEN	8.00 SESAME STREET	8.00 SESAME STREET
1.42 STATION RE-OPEN	5.30 ITN WORLD NEWS (G)	SATURDAY 16TH NOVEMBER, 1991	10.00 WIDE WORLD OF SPORT	1.45 MIDDAY WITH RAY MARTIN (PGR)	9.00 STATION CLOSE	9.00 STATION CLOSE
3.00 SESAME STREET	6.00 TODAY SHOW (G)	6.00 TEST PATTERN AND MUSIC	12.00 BUSINESS SUNDAY	4.30 HUCKLEBERRY HOUND	1.42 STATION RE-OPEN	1.42 STATION RE-OPEN
4.00 KIDS KONA	8.00 STATION CLOSE	11.57 STATION OPEN	1.00 SUNDAY	5.00 HOGAN'S HEROES	1.45 MIDDAY WITH RAY MARTIN (G)	1.45 MIDDAY WITH RAY MARTIN (G)
4.30 HUCKLEBERRY HOUND	1.42 STATION RE-OPEN	12.00 WIDE WORLD OF SPORTS	2.30 GILLETTE	"Hogan's Halfbrau" (G)	3.00 SESAME STREET (G)	3.00 SESAME STREET (G)
5.00 HOGAN'S HEROES	1.45 MIDDAY WITH RAY MARTIN (PGR)	4.00 BONANZA	3.00 SPORTS SUNDAY	5.27 EMTV TOKSAVE	4.00 FLINTSTONES FROLICS (G)	4.00 FLINTSTONES FROLICS (G)
5.27 EMTV TOKSAVE	3.00 SESAME STREET (G)	"Judgement At Olympus"	5.00 BONANZA (G)	5.29 NATIONAL EMTV NEWS BREAK	4.30 HUCKLEBERRY HOUND (G)	4.30 HUCKLEBERRY HOUND (G)
5.29 NATIONAL EMTV NEWS BREAK	4.00 FLINTSTONES FROLICS (G)	"Sounds Of Drums" (G)	5.00 NATIONAL EMTV NEWS	6.00 NATIONAL EMTV NEWS	5.00 HOGAN'S HEROES (G)	5.00 HOGAN'S HEROES (G)
6.00 NATIONAL EMTV NEWS	4.30 HUCKLEBERRY HOUND (G)	6.00 NAT. EMTV NEWS	5.00 TO BE ADVISED	6.30 A CURRENT AFFAIR	"Happy Birthday Aoki"	5.27 EMTV TOKSAVE
6.30 A CURRENT AFFAIR	5.00 HOGAN'S HEROES (G)	6.30 CHIT CHAT WITH SIR PAULIAS MATANE	5.27 EMTV TOK SAVE	7.00 SALE OF THE CENTURY	"Anchors Away Men at Starag 13"	5.29 EMTV NEWS BREAK
7.00 SALE OF THE CENTURY	"Oil For The Lamps For Hogan"	6.35 DISNEY MOVIE	5.29 EMTV NEWS BREAK	7.25 EMTV NEWS UPDATE (G)	5.27 EMTV TOK SAVE (G)	5.29 EMTV NEWS BREAK (G)
7.25 EMTV NEWS UPDATE (G)	5.27 EMTV TOKSAVE	"Chandra Black Leopard Of Ceylon" Part 2 (G)	5.29 EMTV NEWS BREAK	7.30 NEIGHBOURS (G)	5.29 EMTV NEWS BREAK (G)	5.30 HOME AND AWAY (G)
7.30 NEIGHBOURS (G)	5.29 NATIONAL EMTV NEWS BREAK	7.30 60 MINUTES	5.29 EMTV NEWS BREAK	7.30 NEIGHBOURS (G)	6.00 NATIONAL EMTV NEWS	6.00 NATIONAL EMTV NEWS
7.52 EMTV TOKSAVE	5.29 NATIONAL EMTV NEWS	8.22 EMTV TOK SAVE (G)	5.29 EMTV NEWS BREAK	7.30 NEIGHBOURS (G)	6.30 A CURRENT AFFAIR	6.30 A CURRENT AFFAIR
7.55 EMTV NEWS UPDATE	6.00 NATIONAL EMTV NEWS	8.25 NATIONAL EMTV NEWS UPDATE	5.30 GILLETTE	8.00 THE YOUNG DOCTORS (G)	7.00 SALE OF THE CENTURY	7.00 SALE OF THE CENTURY
8.00 THE COSBY SHOW	6.00 NATIONAL EMTV NEWS	8.30 SUNDAY NIGHT MOVIE "The Glitter Dome" (PGR)	6.00 NATIONAL EMTV NEWS	8.52 EMTV TOKSAVE	7.30 NEIGHBOURS (G)	7.30 NEIGHBOURS (G)
"Is That My Boy" (G)	6.30 A CURRENT AFFAIR	10.00 MAN ABOUT THE HOUSE (PGR)	6.30 A CURRENT AFFAIR	8.52 EMTV TOKSAVE	8.00 THE YOUNG DOCTORS (G)	8.00 THE YOUNG DOCTORS (G)
8.24 EMTV NEWS UPDATE	7.00 SALE OF THE CENTURY	10.57 MEDITATION	6.30 CHIT CHAT WITH SIR PAULIAS MATANE	8.55 EMTV NEWS UPDATE	8.52 EMTV TOK SAVE (G)	8.52 EMTV TOK SAVE (G)
8.29 EMTV NEWS MAGAZINE	7.25 EMTV NEWS UPDATE	11.00 STATION CLOSE	6.35 DISNEY MOVIE	9.00 COUNTRY PRACTICE	8.55 EMTV NEWS UPDATE	8.55 EMTV NEWS UPDATE
8.30 ALL TOGETHER NOW	7.30 NEIGHBOURS (G)	MONDAY 18TH NOVEMBER, 1991	6.35 DISNEY MOVIE	9.59 EMTV NEWS MAGAZINE	9.00 A COUNTRY PRACTICE	9.00 A COUNTRY PRACTICE
"The Green Green Grass Of Home" (PGR)	8.00 HEY DAD (G)	4.00 TEST PATTERN AND MUSIC	6.35 DISNEY MOVIE	10.00 21 JUMP STREET	9.59 EMTV NEWS UPDATE	9.59 EMTV NEWS UPDATE
8.59 EMTV NEWS MAGAZINE	8.26 EMTV TOK SAVE (G)	10.57 MEDITATION	"Chandra Black Leopard Of Ceylon" Part 2 (G)	10.57 MEDITATION WITH PASTOR WALO ARNI	10.00 THE EQUALIZER (PGR)	10.00 THE EQUALIZER (PGR)
9.00 BEYOND 2000	8.29 EMTV NEWS	11.00 STATION CLOSE	"While The Cats Away" (PGR)	11.00 STATION CLOSE	10.59 MEDITATION WITH PASTOR WALO ARNI	10.59 MEDITATION WITH PASTOR WALO ARNI
10.00 BURKE'S BACKYARD	8.29 EMTV NEWS	MONDAY 18TH NOVEMBER, 1991	10.57 MEDITATION	WEDNESDAY 20TH NOVEMBER, 1991	11.00 STATION CLOSE	11.00 STATION CLOSE
10.57 MEDITATION (G)	8.30 AUSTRALIA'S FUNNIEST HOME VIDEO SHOW	4.00 TEST PATTERN AND MUSIC	11.00 STATION CLOSE	4.00 TEST PATTERN AND MUSIC	11.00 STATION CLOSE	11.00 STATION CLOSE

G General Exhibition
PGR Parental Guidance Required
AO - Adults Only

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Alori - Ext. 203
John Iagata - Ext. 215
Kosinto Fosagu - Ext. 216
Bonner Hul - Ext. 202

PABLIK NOTIS

1991 MINIMUM WAGES BOARD

Pablik i mas save nau olsem Minimum Wages Board i sekim nau Minimum Wages Board Determination (Namba 1 ov 1989). Ol pipel i ken mekim sabmisen o raitim sabmisen o tingting bilong ol i go long Bod.

Ol samting long aninit bai i helpim yupela long redi wanpela sabmisen bilong givim i go long Bod long skelim.

Terms of Reference

Lukluk long ekonomi bilong mipela long nau yet na bihain taim ekonommi bilong mipela i groa na kamap gupela, na tu hevi bilong no gat inap wok em ol yut i bungim nau bikos namba bilong wok i go daun stat long 1989 Minimum Wages Bod hearing, em hevi long Bogenvil i kamap na prais bilong ol kes krop i wok long pundaun yet; na

No ken lus tingting long wanem samting baset bilong bai i skelim long kamapim praimerik ekonomik developmen long kamapim inap wok, daunim hevi bilong lo na oda, kamapim gutpela sindaun bilong ol pipel long rurel eria, na givim wankain gutpela pe i o long long olgeta manmeri bilong Papua Niugini, na wanem samting bai i kamap long tingting bilong Bod long skelim wok bilong Gavman long ol developmen em i plenim long kamapim insait long kantri; na

Lukluk tu long gutpela wok bung bilong indastri long pulim moa invesmen i kam insait long kantri, bikos dispela bai helpim long kamapim moa wok insait long kantri;

Bod i redi long lukluk, na makim wanem kain senis, na de dispela senis bai i kamap, wantaim taim bilong dispela kain senis. Dispela em bilong olgeta o sampela minimum wages o pe long mak bilong tripela yia na:

1. Long skelim na makim gutpela senis long pe olsem i stap long wage adjustment em i bin kamap long Minimum Wages Board determination Namba 1 bilong 1989. Na long painimaut sampela we long mekim pe i luk moa gutpela long pawa bilong ekonomi long rurel eria.
 2. Long skelim na makim gutpela pe long ol wokman insait long ol Level 1 na Level 2 senta.
 3. Long skelim na makim stretpela pe em ol yut i save kisim nau long rurel eria (dispela em ol yut husat i wok long ol plantasin sekta), wantaim tingting long no ken apim pe tumas. Bikos ol rurel kampani i ken kisim planti wokman. Dispela em long taim nau we planti yut i no gat wok na stap nating. Na tu mas tingting long prais bilong ol kes krop em i go daun daunblo tru nau (Lukim NEC Decision Namba 36/91).
 4. Long sekim na makim olgeta olpela Minimum Wages Board Determinations bilong Camping Allowens, Hevi Dutu Allowens, Rurel Margins bilong Skil, Tool Allowens na Rurel Hadsip Allowens."
- Bod bai i holim pablik hearing long Mosbi long Desemba 2, 1991. Ol pipel husat i laik helpim i mas raitim sabmisen bilong ol na givim i go long bod.
- Ol pipel husat i laik helpim i mas toksave long Eksekjutiv Opisa, Minimum Wages Bod, P O Box 5644, Boroko o ring long telepon namba 27-2273/27 o 272271. Dispela bai i helpim Bod long makim stretpela de, taim na ples bilong holim ol bung insait long kantri.

Yu ken kisim wanpela kopi bilong Terms ov Reference na program bilong Bod long sem opis

MARGARET LAYMETTE ELIAS
Chairperson
Minimum Wages Board

**BEAUTIFUL MADANG**

REQUIRES

AN ACCOUNTANT

The Town Interim Commission invites applications, stating qualifications, work experience and marital status from suitably qualified persons to take up the position of the Accountant, Madang.

This position is a very senior post and requires a qualified and mature candidate.

Applicants should possess the following qualifications:-

- An experienced Council Executive Officer with certificate from a recognized Institution like Vunadidir College or the Administrative College of Papua New Guinea, Waigani.
- A sound knowledge and field experience of local and provincial government functions.
- Must be prepared to work after hours and under pressure when required.
- The applicant should have a sound knowledge of Accounting System.
- Ability to work without supervision and can motivate subordinates.
- Previous experience in Local Government Council work is a definite advantage.

DUTIES

- The successful applicant shall be responsible for the overall Accounting System of this Commission.
- To assist the Town Manager and his deputy on planning and preparation of Annual Budget.
- Be prepared to train subordinate staff under the Accounting Department of the Authority.
- To carry out duties that may be directed from time to time by the manager, his deputy or the commissioners.

Applications should be addressed to:

THE MANAGER
MADANG TOWN AUTHORITY
P O BOX 2107 YOMBA, MADANG PAPUA NEW GUINEA

Applications close on November 30, 1991.

**TENDER****1991 MAINTENANCE CONTRACTS**

Tenders are invited for General, Plumbing and Electrical Maintenance Contracts with the National Housing Corporation for 1992.

Documents are available from the National Housing Corporation Office at Tokarara, and Provincial Offices throughout the country on receipt of non-refundable fees of :

- (a) K50.00 for General & Plumbing (b) K40.00 for Electrical
Tenders clearly marked "1991 Maintenance Tenders" must be addressed to:

Managing Director-National Housing Corporation
P O Box 1550 BOROKO, NCD

Tenders close at 1.30 pm on Friday November 22, 1991.

For further information please contact:

Mr. Luke Hahari - ph. 24 7280
Mr. Isikel Matalau - ph. 24 7287

James Vuia Simet
MANAGING DIRECTOR

GRAUN LONG MADANG

Ol pipel bilong Madang i les pinis long dispela kain pasin na wok politik namel long Lens minista na sampela waitman long graun em Madang taun i sindaun long en.

Namel long dispela hap graun bilong mipela i gat 21 haus stua na ol bisnis i sanap. Na mipela i no laik lukim dispela hap graun i go long han bilong wanpela waitman.

Mipela i tok no gat pinis na mipela bai go het yet long givim wankain bekim. Kain kain grup long komyuniti i bin salim pinis ol strongpela bekim i go long Lens minista. Na mipela bai mekim olsem yet.

Olpela primia Max Moeder i bin pait hat planti yia i go pinis na winim seksen 41 bilong hap graun bilong Madang. Em i rausim ol waitman long dispela hap graun. Tasol i luk olsem tuhat bilong em i go lus nating. Long wanem sampela wok i stat gen bilong givim dispela hap graun i go long ol narapela lain waitman. Ol bai yusim dispela graun long laik bilong ol. Na dispela hap graun i bilong ol pipel bilong Madang.

Long las wik tasol, sampela papa bilong graun i les long kisim K57,000 sek mani em Lens minista wantaim dipatmen seketeri bilong em i kisim i kam long Madang bilong baim graun olsem kompensesen. Ol i tok dispela mani i bilong baim olgeta Madang taun.

Mipela i no klia long as bilong baim graun long ol pipel

bilong mipela. Na bihain tanim bek na givim dispela hap graun i go long ol waitman.

Mipela i laik save long wanem kain ol hait toktok i kamap long Mosbi long ol wok bisnis long Madang. Na bilong wanem ol papa graun bilong Madang i no gat mausman long hap.

Bilong wanem na ol waitman i kisim nating dispela hap graun (seksen 41) namel tru long taun. Na ol i no putim long niuspepa o redio bilong ol pipel bilong Papua Niugini tu long resis long baim. Dispela em i wansait pasin tru.

Ol pipel bilong Madang i no laik tru long lukim wanpela waitman i kirapim wok long seksen 41 long graun bilong Madang taun.

Mipela i redi tasol long pait egens long ol dispela samting sapos ol i kamap. Bikos mipela ol pipel bilong Madang i no amamas long ol.

Mipela bai daunim wanem kain wok i laik kamap long dispela hap graun. Bikos ol tok orait bilong ol i no stret long tingting bilong mipela.

Mipela bai sanap strong long lukim olsem jastis na wankain pasin i mas kamap long ol pipel bilong mipela. Na i no long wansait pasin tasol - mipela ol pipel bilong Papua Niugini.

Ol mausman bilong ol pipel bilong Madang

Singaut i go long olgeta pipel long Papua Niugini

i kam long pes 6

wanem, wanpela spesel pren i stap long hap. Tasol bihain, mani bilong stretim hap rot long haiwe em ol pipel bai yusim long olgeta de na mun bihain.

Ol wasman bilong ol samting bilong kantri

tru, dispela politisen i mas bungim olgeta pipel na makim wanpela komiti bilong glasim na tokaut tru long wanem samting em dispela eria i mas kisim. Tasol dispela kain komiti i ken bringim planti hevi. Long wanem ol tu bai tingim hap bilong ol yet na i no bilong ol arapela lain.

Tru tru toktok bilong dispela em planti grasrut man na meri i save askim long kain kain samting. Na tu ol i save gat krangl tingting olgeta long wanem samting em wan wan politisen i mas mekim long Haus Palamen.

As tok em mani ol politisen i kisim no bilong wanpela fan nating. Na ol i ken yusim dispela mani bilong winim vot. Nogat tru! Ol i kamap olsem ol wasman taim dispela mani i go long han bilong ol. Ol i mas lukautim gut ol dispela mani bikos em i bilong ol pipel na kantri.

Long dispela as, wanpela politisen i mas tilim gut tru dispela mani. Olsem bai ol pipel husat i nidim tru mani i ken kisim helpim. Na long mekim dispela i kamap

Ol rot bilong bihainim

I mas gat ol rot na lo bilong bihainim sapos mipela i laikim tru ol wok long kamap. Dispela em ol kain rot olsem:

1. Mani bilong fan i mas go long bungim ol pipel na sapotim wok bilong ol.
2. Dispela projek i mas sanap bilong helpim olgeta lain long komyuniti. Na i no wanpela liklik grup tasol.
3. Dispela program i mas stap

bilong givim helpim long taim bihain tu. Na i no bilong amamasim ol pipel long nau tasol. Amamas bilong nau em ol kain samting olsem wanpela katen bia we man i daunim nau tasol na i no inap kam bek gen.

Bilong wanem na ol pipel i mas suvim het

Em i bikpela samting olsem ol pipel yet i mas suvim het na toktok o putim han long dispela projek em bai i kamap. Ol i ken mekim olsem long givim han long wok o long tromoi sampela mani.

Wanem samting i kamap bipo i soim olsem ol pipel i no save amamas o i no klia long samting ol i kisim nating. Mipela i save kolim dispela olsem "fri mani". Na sapos ol pipel yet i suvim het long toktok, stretim na redim wanpela projek o program, ol bai save nau olsem dispela em i samting bilong ol. Tok piksa bilong dispela em; - long wokim ol pilai graun na arapela samting bilong amamasim ol yut we i stap long namel ples; o - wokim wanpela komyuniti kopi draia bilong smokim na draim kopi.

Kantri bilong yumi i bruk na lus pundaun

Long wok egrikalsa, dispela kain toktok i sut long graun i bruk taim bikpela ren i pundaun na win i kirap. Na sapos dispela i go het yet na no gat man i stretim, olgeta hap graun i stap klostu bai bruk na bagarap nabaut.

Yumi mas tok tru nau. Insait long yumi wan wan, yumi bin pundaun long sampela rot bilong traim helpim dispela kantri i kamap gutpela na strongpela. Dispela hap toktok **rijonelisem** i karamapim yumi gen. Bikos yumi i traim long helpim yumi yet na eria bilong yumi. Maski long ol narapela brata na susa long hapsait.

Dispela rot i go long helpim tru kantri i no isi. Em i min bikpela wok na tuhat bilong yu wan wan i mas lus. Wanpela kantri i no inap kamap tru sapos yu sindaun na wetim tasol fri mani samting. Askim yu yet olsem, "Mi bai mekim wanem bilong helpim Papua Niugini i kamap gutpela kantri? Mi bai wokim wanem TUDE long strongim komyuniti bilong mi?"

Ol pipel husat i save singaut

oltime long GIVIM MI, GIVIM MI i bagarapim na brukim tasol kantri bilong yumi. Mipela i no ken larim ol pipela na banis i pasim mipela. Mipela i mas wok, beten na mekim ol sakrifais wantaim. Mipela i no ken wari long hamas tuhat na mani samting bilong mipela i lus.

Kantri i sanap antap long ston

Sapos mipela i larim pasin gridi na mi-pasin long stap strong long Papua Niugini, dispela bai daunim kantri bilong yumi long stap wanbel na wok bung wantaim. Na dispela i min olsem bai i no gat trupela wok kamap o developmen. Kantri bilong mipela bai luk olsem wanpela haus em yumi wokim antap long wesana. Na long taim bilong bikpela ren na win, kwiktait em i pundaun. (Matt 7: 24-27).

Ol politisen na ol grasrut pipel i mas wok bung wantaim long sanapim kantri bilong yumi antap stret long ston. Na dispela em long wok bung na tilim wantaim ol wok long mekim dispela kantri i kamap gutpela na strongpela.



SOFBAL

Ol pawa meri mas lukaut long Malangan



I gat bilip olsem ol gutpela sofbal gem bai i kamap long dispela wiken taim ol meri Mosbi i bung long siti kompetisen.

Elcom i mas stretim ol yet taim ol i bungim nupela tim, Malangan long bikpela gem bilong Sarere Novemba 16.

Las Sarere Elcom i lus long narapela nupela tim, Chebu 11-3. Dispela i no gutpela tumas. Na ol i mas kirapim nau moa senis long stail bilong pilai long wiken.

Long 3 klok apinun (3.00pm) Wantok bai i bungim strongpela salens bilong Mazda, na Gazelle bai i traिम pawa bilong Fuji. Gem bilong 12 klok (12.00pm) bai i kamap namel long Amour Guard Yunaitet na Yokomo. Na long moning bai yu lukim NGI i traिम long rausim trausis bilong ol meri Chebu.

Elcom tim bilong Kevau Paivu i gat bikpela wok bilong mekim taim em i bungim Malangan tim bilong Bospidik Pilokos.

Ol meri Malangan i soim hariap ol arapela tim olsem ol bai i kamap birua long resis bilong dispela ya bihain long tupela gem tasol. Dispela em bihain long ol i daunim Yokomo 12-6 long las wiken.

Bipo long bikpela A gret gem bilong wiken, Mazda na Wantok bai i amamas liklik ol sapota wantaim gutpela stail bilong tupela. Dispela bai i wanpela gutpela gem. Na ol sapota bai i amamas tru long lukim.

Tupela tim wantaim i bin statim gut dispela sisen wantaim sampela win pinis. Olsem na gutpela stail bilong pilai bai i kamap namel long tupela.

Wantok bai i luk strong moa long ol meri Mazda. Na tu em i bin kisim sampela gutpela pilaia nau long dispela sisen. Las wiken em i autim Fuji. Sapos dispela i soim nupela strong na tingting bilong ol long dispela sisen, ating ol meri Mazda i mas sambai gut ya.

Mazda i i bin statim resis bilong dispela sisen long hatpela we liklik. Liklik taim em i salim kaikai long Gazelle long las Sarere. Tasol ol bai putim olgeta stail i go insait long gem bilong dispela wiken long winim.

Tim husat i gat inap eksperiens na i no mekim planti asua long fil bai winim dispela gem.

Long gem bilong 30 minit i lusim wan klok apinun (1.30pm), Fuji i mas putim strongpela pilai long fil bilong em, sapos em i laik winim Gazelle.

Ol meri Water Board pretim Madang sofbal sempion

WATER Board em namba wan tim long holim pasim kompetisen lida Karau na i dro 7-7 long las wiken. Tupela tim ya i bin bung long A gret sofbal resis bilong ol meri Madang long las Sande.

Karau em wanpela strongpela tim long Madang Wimens sofbal

resis. Ol meri Karau i bin winim olgeta gem bilong ol long namba wan raun bilong sisen. Na nau yet ol i go pas long poin lata bilong resis wantaim 19 poin olgeta.

Tasol long las wiken tebol i kapsait long ol. Na em i namba wan taim bilong ol long dro egensim Water Board.

Ol meri Water Board i mas amamas nau. Bikos ol i namba wan tim insait long resis long autim kompetisen lida.

Ol meri Karau i skoarim 4-pela poin long bod long namba wan na tu ining bilong pilai. Water Board i no skoarim wanpela ran yet.

Tasol long namba 3 na 4 ining, ol meri Water Board i pait bek na skoarim 5-pela poin olgeta. Na Karau i skoarim tripela las ran tasol long bringim ol igo pas yet long skoa 7-5.

Long las ining bilong pilai, ol meri Water Board i stat long paitim bal strong i go ausait long outfil, na skoarim tupela kwik poin. Dispela i bringim ol i go bungim Karau 7-7.

Bihain long dispela, namba wan pitsa bilong Karau, Susie i stat autim ol beta bilong Water Board long "K2" stret.

Water Board inap long winim dispela gem long wanpela poin tasol sapos las rana bilong ol, Elizabeth Tobung i bin ran long namba tu bes i kam long 3 na i kam hom.

Dispela em long taim wan pilaia bilong em i bin paitim bal strong tru i go ausait long outfil.

• Meri Elcom i givim baksait na meri Chebu i kamap hom pinis long Mosbi Wimens sofbal resis bilong las wiken. Elcom bai bungim Malangan long dispela wiken, na i gat bikpela bilip long winim dispela gem.

PORT MORESBY WOMEN'S SOFTBALL ASSOCIATION INC.				
SATURDAY 16TH NOVEMBER, 1991.				
ROUND ONE DRAW: - GAME TWO				
DIAMOND 1	TEAM	TEAM	GR	UMPIRE
0900	NGI	vs Bomana Police	D	
1030	NGI	vs Chebu	A	Simitap/Mesak
1200	A/United	vs Yokomo	A	Sorang/Misiel
1330	GI Gazelle	vs Fuji	A	Duba/Tovia
1500	Mazda Carps	vs Wantoks	A	Sogai/Evald
1630	Elcom	vs Malagan	A	Tera/Misiel
DIAMOND 2				
0900	UPNG	vs Dodgers	D	K. Kaptigau/K. Paivu
1030	GI Gazelle	vs Malagan	C	L. Paivu/Tadigu
1200	JJ Garamut	vs Karanas	D	Taule/Pialkolos
1330	Elcom	vs Chevron	C	Tovia/Sorang
1500	DTI	vs A/United	C	Tadigu/Pasok
1630	Karanas	vs Yokomo	C	Paivu/Paivu
DIAMOND 3				
0900	Chebu	vs Royals	D	Taule/Manet
1030	Wantoks	vs Fuji	B	Talim/R. Tokome
1200	Hanza Bay	vs Mazda Carps	B	Avuchulas/Sogai
1330	Royals	vs Aviat	B	Terra/Mesak
1500	Tarangau	vs Medics	B	Moe/Ravu
1630	UPNG	vs Dodgers	B	Knox/Duba
Aviat 'D' Grade - Bye				

PORT MORESBY MEN'S SOFTBALL					
WEEK-END DRAWS					
Sunday November 17th, 1991					
Time	Fid	Div	Game		UMPIRE
10.30	1	A	Karanas	vs I/Hawks	G. Talim/J. Tokome
12.00	1	A	Malagan	vs Manolos	C. Terra/J. Gom
1.30	1	A	NGI	vs Chebu	L. Sorang/L. Paivu
3.00	1	A	Gazelle	vs Elcom	P. Mesak/L. Duba
4.30	1	A	B/Eagles	vs Fuji	A. Evald/I. Tovia
10.30	3	B	Gazelle	vs Elcom	J. Sogai/L. Duba
12.00	3	B	B/Eagles	vs Fuji	I. Tovia/M. Pasok
1.30	3	B	Aviat	vs NBC	J. Avuchulas
3.00	3	B	Malagan	vs I/Hawks	A. Simitap/R. Misiel
4.30	3	B	NGI	vs HoodSCO	P. Naron/I. Tovia
9.00	1	C	Malagan	vs I/Hawks	A. Moe
10.30	2	C	Royals	vs C/Tigers	R. Misiel
12.00	2	C	NGI	vs Karanas	L. Duba
1.30	2	C	HoodSCO	vs Manolos	J. Gom
3.00	2	C	Fuji	vs Chebu	M. Pasok
4.30	2	C	B/Line	vs De La Salle	v. Tadigu



BENSON and HEDGES

1991 EPC resis stat nau wantaim moa gutpela senis

SAMPELA yia i go pinis Isten Papua Kanivel (EPC) i no save pinis gut. Tasol em i wanpela gutpela namba wan kanivel o tonamen.

Sampela yia i go pinis i kam inap 1989, sampela bikhet lain i save yusim Isten EPC olsem pilai graun bilong pait. Tasol wantaim kamap bilong nupel ogenaising komiti, nupela oda i kamap, na dispela i givim bikipela mekim-save na skul long ol wan wan klap.

Namba wan samting em long kisim ol lida bilong wan wan klap i gat moa pawa long ol yangpela pilai na sapota bilong ol.

Bikipela gutpela senis i bin kamap. Na planti klap i amamas long hat wok bilong olgeta man.

Dispela yia mipela bai i lukim gutpela opening gen.

Mi save olsem dispela bai bungim olgeta pipel bilong kain kain liklik eria wantaim. Kam lukim na pilim gutpela amamas em EPC bai bringim long yu.

Dispela yia sampela olpela tim bai i no inap pilai. Nem bilong ol em

Hohola Strikers (wanpela olpela klap tru), Kusebo, Kadakada, Goodenough, Cape Nelson, Batu Bros na Lukuba United. Ples bilong ol em ol nupela tim olsem Moelalana, Boroko Yunaitet, Weramaka na Exodus.



• David Unagi op sisen ragbi Iig resis long Mosbl i pulim planti sapota nau. Hia em Kiro Raiders na Is Kipo i kaikai bung long A gret divisen. Ol Kipo i winim dispela strongpela gem 12-10.

MADANG WIMENS SOFBAL ASOSIESEN 1992/93 SISEN

Poin Lata:

Karau	19
Kabi	18
Kalibobo	14
Water Board	9
Watabag	5
United Sisters	5
Godawan	2
Heli Niugini	0

• Dispela em poin lata bihain long ol gem bilong las wiken.

LAE MENS SOFTBALL ASSOCIATION ROUND ONE DRAW NO. 3 SUNDAY NOVEMBER 17, 1991

DIAMOND ONE - A GRADE

9.00 - 10.30	YMCA	vs	Karanas	Bismark
10.30 - 12.00	Bismark	vs	Taubar	Karanas
12.00 - 1.30	Gazelle	vs	I/Hawks	Royals
1.30 - 3.00	B/Eagles	vs	Aviat	I/Hawks
3.00 - 4.30	Malagan	vs	Royals	D. Buchanan

DIAMOND TWO - B GRADE

9.00 - 10.30	Malagan	vs	Gazelle	B/Eagles
10.30 - 12.00	B/Eagles	vs	Aviat	Malagan
12.00 - 1.30	Manolos	vs	PNGBC	Taubar
1.30 - 3.00	KK Kingston	vs	Kabi	Manolos

YMCA - Bye

DIAMOND THREE - C GRADE

9.00 - 10.30	Taubar	vs	PNGBC	Royals
10.30 - 12.00	Royals	vs	KK Kingston	Kabi
12.00 - 1.30	Kabi	vs	YMCA	KK Kingston
1.30 - 3.00	Bismark	vs	Karanas	Gazelle
3.00 - 4.30	I/Hawks	vs	Gazelle	YMCA

NB: (a) Delegates meeting will be held on the 16th November 1991 at the MPG SDU Conference Room at 7.00pm. All clubs must be represented by two of their Executive and the coach. Purpose is to discuss the "Ground Rules".

(b) All teams must be in uniform as from the 24th November 1991.



• Pilala bilong Is Kipo i brukim banis long beklain na i lak tromol bal long wan pilala bilong em long lephan. Long kain stall olsem na ol i winim Kiro Raiders 12-10 long David Unagi op sisen ragbi Iig resis long Mosbl las wiken.

EPC - 1991

OPENING CEREMONY AND DRAW FOR 16.11.91

0700	Organising/working committee briefing
0745	Gate open to teams/clubs
0800	All teams/clubs line-up in alphabetical order
0830	Arrival of police band to lead the marching
0900	Opening speech (by invited guest speaker)
10.20	Games commence

DRAW - SATURDAY 16TH NOVEMBER, 1991.

BISINI ONE (1)

TIME	ROUND	TEAMS	STATUS	POOL
10:20	1	Kula vs Naniu	Wom	1
11:10	1	Gordon (1) vs Naniu	Men	1
12:10	1	Mini vs Gerehu (2)	Men	3
13:10	1	Dodoegu vs A/Bay	Wom	1
14:00	1	Simia vs Yabwau	Men	1
15:00	1	Gordons (2) vs LSC	Men	3
16:00	1	Togelu vs Gerehu	Wom	1

BISINI TWO (2)

10:20	1	Gordons vs LSC	Wom	2
11:10	1	A/Bay (2) vs Ambo	Men	2
12:10	1	Dodoegu vs Lagimi	Men	4
13:10	1	S/Axe vs Salamo	Wom	2
14:00	1	Boroko (2) vs Togelu	Men	2
15:00	1	Kula vs Gerehu (1)	Men	4
16:00	1	Weramaka vs Exodus	Wom	2

SUNDAY NOVEMBER 17TH, 1991

BISINI ONE (1)

0730	1	Tamarox vs Rabaraba	Men	1
0830	1	A/Bay (1) vs N/East	Men	3
0930	2	Salamo vs Exodus	Women	2
1020	2	Boroko (2) vs A/Bay (2)	Men	2
1120	2	Dodoegu vs Kula	Men	4
1220	2	LSC vs Weramaka	Women	2

1310	2	Ambo vs Mwerarawa	Men	2
1410	2	Lagimi vs Boroko (1)	Men	4
1500	2	Kula vs Dodoegu	Women	1
1600	2	Yabwau vs Rabaraba	Men	1

BISINI TWO (2)

0730	1	Mwerarawa vs S/Axe	Men	2
0830	1	Boroko (1) vs Simia (2)	Men	4
0930	2	A/Bay vs Gerehu	Women	1
1020	2	Gordon (1) vs Simia (1)	Men	1
1120	2	Mini vs Gordons (2)	Men	3
1220	2	Naniu vs Togelu	Women	1
1310	2	Tamarox vs Naniu	Men	1
1410	2	Gerehu (2) vs A/Bay (1)	Men	3
1510	2	S/Axe vs Gordons	Women	2
1600	2	Togelu vs S/Axe	Men	2

NCD PUBLIC SERVANTS SOCCER ASSOCIATION RESULTS

SATURDAY NOVEMBER 9, 1991

No	Time	Division	Fixture
1	8:00	Men	NPF 1 vs Natres 1
2	9:10	Women	NPF 0 vs Teachers 1
3	10:10	Men	PNGBC 3 vs POSF 1
4	11:20	Women	PNGBC 1 vs NBC 1
5	12:20	Men	DPM 1 vs Att/Gen 0
6	1:30	Women	DPM 2 vs Att/Gen 1
7	2:30	Women	Health 2 vs Lands 1
8	3:30	Men	Health 2 vs Lands 2

SUNDAY NOVEMBER 10, 1991.

1	8:00	Men	Education 0 vs Taxation 1
2	9:10	Women	Education 1 vs Taxation 0
3	10:10	Men	PTC 3 vs Home/Att 1
4	11:20	Women	PTC 1 vs Home/Att 0
5	12:20	Men	Elcom 1 vs DCA 1
6	1:40	Women	Elcom 1 vs DCA 1
7	2:40	Women	UPNG 3 vs NHC 0
8	3:30	Men	UPNG 2 vs NHC 1

LAE WOMENS SOFTBALL ASSOCIATION 1991-92 season - Round 1 Draw Saturday November 16, 1991.

TIME	DIAMOND ONE	GRADE	Empires
9.30 - 11.00	Taubar vs Bismark	JL	B Aua
11.00 - 12.30	Gazelle vs PNGBC	L	A Ika's
12.30 - 02.00	Taubar vs Bismark	L	M Kalukal
02.00 - 03.30	Medics vs Malagan	L	N Hungrabos
03.30 - 5.00	Fireballs vs Elcees	L	P Paser
DIAMOND TWO			
9.30 - 11.00	Gazelle vs PNGBC	JL	U Wanana
11.00 - 12.30	Aviat vs Manolos	1	J Zurenuoc
12.30 - 02.00	Karanas vs Vantoks	1	A Diou
02.00 - 03.30	Westpac vs KK Kingston	1	M Agile
03.30 - 5.00	Defence vs Momase	1	J Agilo
DIAMOND THREE			
9.30 - 11.00	Elcees vs Fireballs	JL	Hirata
11.00 - 12.30	Karanas vs Royals	2	M Lunny
12.30 - 02.00	Tarangau vs KK Kingston	2	P Katusiele
02.00 - 03.30	Aviat vs Defence	2	V Beno
03.30 - 5.00	Unitech on bye		
DIAMOND FOUR			
9.30 - 11.00	Malagan vs Medics	JL	D Boas
11.00 - 12.30	Taubar vs Bismark	LR	E Bobo
12.30 - 02.00	Fireballs vs Elcees	LR	R Benson
02.00 - 03.30	Gazelle vs PNGBC	LR	J Agilo
03.30 - 5.00	Medics vs Malagan	LR	L Sadgrove

Wanem as bilong kirapim Pablik Sevan soka resis?

Anda 23

Long las wik, mi tok namba wan gem bilong Papua Niugini bai kamap long Sarere egensim Fiji. Fiji i winim dispela kik 2-0. I gat sampela moa pilai i stap yet. Olsem na mipela wetim tasol skoa bilong ol arapela gem.

Mosbi Pablik Sevan soka

Kik bilong ol Pablik sevan insait long Mosbi i go insait long namba tu wik nau. I gat 14 tim bilong ol man, na 14 tim bilong ol meri. Ol i save soim stail bilong ol long olgeta wiken long GFC Graun.

I gat kain kain stail i save kamap long ol dispela gem. Bikos kain kain manmeri i save kik. Sampela bilong ol i gat aidia long tromoi lek o salim bal gut i go i kam long ol wan pilai.

Sampela arapela em ol i no gat save long stail we bilong kik. Tasol ol i no wari long dispela.

Ol i kamap na soim stail bilong ol yet long wan wan tim ol i pilai long en.

Mi yet lukim olsem planti kosa i gat planti wok i stap. Dispela em long traim skulim sampela man na meri long gutpela pasin bilong kik.

Aidia bilong Pablik Sevan soka resis

Aidia bilong dispela resis em long bungim ol manmeri i wok insait long ol gavman dipatmen, long amamasim ol yet long kik.

Tasol long dispela yia, presiden bilong ol wan wan klap i orait olsem sapos man o meri bilong wanpela pablik sevan i no wok long dipatmen, i orait em i ken bihainim rot bilong man o meri bilong em na kam kik.

Olsem na planti ausait manmeri tu i kam insait na luksave long wan wok bilong ol man o meri bilong ol. Insait long opening seremoni long tupela wik i go pinis, petron o wasman



bilong dispela resis, Napoleon Liosi i tok em i laik lukim planti manmeri i kik insait long dispela resis.

Soka i no ken sasim bikpela mani tumas long husat manmeri i laik kam kik o lukim pilai. Planti taim sapos yu sasim bikpela mani, planti manmeri na pikinini i no inap kam kik o lukluk.

Olsem na olgeta wiken yu ken kam long GFC na baim 50t na lukim planti gutpela gem.

Yu traim long dispela wiken i kam nau. Sapos yu tromoi 50t na lukim pilai stat long 8 klok moning (8.00am) i go inap long 30 minit i lusim 5 klok apinun (5.30pm), na lukim olsem ol pilai i no inap long 50t bilong yu, yu ken rait i kam long *Wantok*

Niuspepa na tokaut.

Mi yet mi tokim yu long 50t tasol, bai yu pulap tru long lap, amamas na planti arapela gutpela samting we soka inap bringim long yu.

Soka nius

Pastaim tru mi save lukim olsem *Post Courier* i no save raitim planti stori bilong soka nius. Tasol nau mi stat long lukim tupela o tripela soka nius. Ol i mas raitim moa stori bilong soka.

Mi yet mi amamas tru olsem *Wantok Niuspepa*, *Weekend Sports* na *PNG Times* i save raitim planti stori tru long soka. Olsem na em i gutpela olsem yu husat manmeri i luksave long ol ripota bilong dispela tripela niuspepa na yu gat stori, yu tok halo tasol na givim stori bilong yu long ol.

Sapos ol i no raitim stori bilong yu long niuspepa orait, yu komplem long edita o bos bilong ol. Na edita i ken toktok wantaim

wanem ripota yu givim stori long en.

Planti moa soka nius

Em i taim nau bilong mipela olgeta i mas autim planti nius bilong soka. Na planti manmeri husat i no save long wanem samting i kamap long narapela hap i ken ritim na save.

Mipela mas yusim wok na pilai soka long helpim save bilong planti arapela manmeri.

Husat manmeri i gat gutpela tingting long Pablik Sevan soka i ken kam long GFC Graun long olgeta wiken na painim Francis Kasau o Francis Sakala, na stori wantaim tupela.

Long dispela we, Pablik Sevan soka i ken bungim tingting bilong yu, wantaim as tingting bilong dispela resis. Na dispela bai amamasim tru planti pablik sevan na famili bilong ol.

Ol boi Is Arowe i autim Kokopo taitel

OL boi nogut bilong Is Arowe i bin bagarapim stret sindaun bilong Pascol, 3-1 long gren fainal kik bilong Kokopo soka resis.

Maski ol boi Pasindia Koles i gat planti sapota, gutpela sponsa na i save kik wantaim stail, dispela i no daunim laik bilong ol boi Is Arowe. Olsem na long fainal wisil, ol i meknais long bun bilong Pascol gut tru.

Referi Andrew Kaia i bin lukautim gut tru dispela kik resis. Na no gat pait i bin kamap. Na tu ol man-

ANDREW YENINEN i raitim

meri wantaim pikinini husat i bin kamap long lukim gren fainal kik long Kokopo i bin amamas tru.

Primia bilong Is Nu Briten, Sinau Brown tu i bin stap tu long lukim na statim dispela bikpela kik. Em i tok, "Soka em i wanpela lapun gem we ol i pilaim long olgeta hap bilong wol. Na i no ragbi lig."

Primia Brown i skruim toktok olsem soka em i gem bilong

pilai wantaim save. Na long dispela as, em i laik lukim ol kik resis bilong provins i kamap gut na bikpela.

"Mi bin amamas tru long taim Rabaul soka skwat i autim tiket bilong PNG tim long Lae."

Dispela kik resis i bin kamap egensim nesenel 1991 Saut Pasifik Gems tim bilong kantri. Na Rabaul i bin memem stret ol SP Gems bol.

"Olsem na olgeta arapela hap bilong kantri i mas luksave long Rabaul olsem wanpela strongpela soka senta. Na i no ken pilai kaskas tumas wantaim mipela long narapela taim," Primia Brown i tok.

Taim bilong givim ol prais i bin kamap bihain long gem.

Kokopo Soka Asosiesen yet i bin baim ol bikpela tropi long wimens, Anda 19, A risev na primia divisien.



Jenny Sillkava na Francis Sakala i soim K800 sek mani em POSF i givim long Mosbi Pablik Sevan soka resis.



Tupela wan pilai yet i bung wantaim na autim stail bilong tupela long las wiken gem bilong Pablik Sevans soka resis long Mosbi.

Madang soka wetim yet ripot bilong referi em ol sapota i bin paitim

MADANG Soka Asosiesen i wetim yet ripot bilong referi husat i bin lukautim gren fainal kik namel long Mimlon na Momase, na ol sapota bilong Mimlon i paitim em.

Referi ya em Bob Morris. Ripot i tok Morris i bin lukautim gren fainal kik bilong primia divisen namel long Mimlon na Momase. Momase i bin winim dispela kik long ekstra taim 2-0.

Bihain tasol long fainal wisil, referi Morris i wokabout i go ausait long fil. Na sampela sapota bilong Mimlon husat i no amamas long tim bilong ol i lus, i ran i go na paitim Morris.

Morris i no kisim wanpela bagarap. Presiden bilong Madang Soka Asosiesen, Peter Angasa i tok em i wetim yet ripot bilong Morris.

Taim Angasa i kisim dispela ripot,

em wantaim ol eksekutiv bilong em bai skelim gut pastaim. Na bihain bai ol i mekim tok orait long givim sampela mekimsave long Mimlon soka klap.

"Mipela sampela i traिम long wok hat na mekim nem bilong yumi i gutpela. Tasol nau i no gat. Planti man long Papua Niugini i save pinis long yumi.

I rong bilong ol klap opisal bilong ol klap long i no lukautim sapota bilong ol. Olsem na sapota bilong ol i wokim long laik.

"Mi laik stretim dispela trabel kwik bipo kompetisen bilong neks yia (1992 sisen) i stat," Angasa i tok.

Angasa i tok tu olsem olgeta presentesen bilong ol tropi na prais bai i kamap long neks yia.



• Bikipela salens tru i bin kamap namel tupela meri ya bilong DCA na Elcom long las wiken. Tupela tim wantaim i dro 1-1.

Momase tim bilong Jayapura no gat opisal yet

MOMASE Rijonal Soka Asosiesen i no makim yet ol opisal bilong go wantaim wanpela rijonal tim long Jayapura.

Dispela kik bai i kamap long Jayapura long Wes Irian provins bilong Indonesia long Jun, 1992. Dispela resis em ol i kolim Pasikasku soka tonamen.

Las wiken ol soka opisal bilong rijon i laik kibung long Vanimo. Tasol hevi long ran bilong balus i stapim

dispela kibung long kamap.

Bikipela as bilong holim dispela kibung em long makim ol opisal bilong go wantaim 24 pilaia tim. Na tu long stretim toktok na ogenaisim gut dispela pilai raun.

Tim bilong go pilai long Jayapura em ol i makim pinis bihain long 1991 Momase Rijonal tonamen, em i bin kamap long Madang long las mun. Dispela tonamen em Lae i bin

winim bihain long em i autim olupela sempion, Madang 1-0.

Tim ya i gat ol pilaia bilong 6-pela tim husat i kamap kik long Momase Rijonal sempionisp. Ol dispela senta em Lae, Morobe Kantri, Madang, Madang Kantri, Vanimo na Vanimo Kantri.

Kosa bilong Vanimo Kantri, John Tekwei bai i go pas long stretim toktok wantaim ol opisal bilong Pasikasku tonamen.



• Golkipa i sambal pinis long maus bilong gol mak long sevim dispela bal long go insait long umben bilong em. Dispela em stail bilong ol pablik sevans yet long Mosbi.

Ol meri Yuni soim stail

OL meri Yunivesiti i soim tru stail bilong ol na skulim stret ol meri Hausing 4-0 Mosbi Pablik Sevan soka resis long Sande Novemba 10, 1991.

Dispela gem namel long ol meri Yunivesiti na Hausing i bin wanpela gutpela na strongpela tru bilong wiken. Tupela tim wantaim i bung long Jemania Futbol Graun long Waigani na kirapim das wantaim stail bilong ol yet.

Ol susa long Yunivesiti tim i gat ol gutpela na strongpela biknem pilaia i stap. Olsem na ol i yusim dispela save na ekspirians long givim hat taim stret long ol meri Hausing.

Long namba wan hap bilong gem, wanpela gutpela kik i bin kamap long Cathy Davani long kona. Dispela kik i kamapim bikipela han bal long ol fulbek bilong Hausing we Hilda i kikim long penelti i go insait long umben bilong Hausing.

Dispela namba wan skoa i kirapim tru bel bilong ol meri Yunivesiti. Na ol i pilai strong wantaim moa tingting long win i go inap long gem i pinis.

Long ful taim, skoa i sanap olsem Yunivesiti 4 na Hausing 0. Ol gol bilong Yunivesiti em Lina Waho i skoarim wanpela, Nelie i skorim wanpela na bikipela straika, Hilda i skorim tupela.

Narapela gutpela gem tu i bin kamap namel long ol meri DCA wantaim Elcom. Tupela tim wantaim i taitim bun i go i kam long namba wan hap yet inap ful taim.

Ol susa bilong DCA i

skoarim namba wan gol bilong ol, na taitim bun long skoarim narapela gol moa. Tasol ol pawa meri bilong Elcom tu i strong na bekim dispela gol. Olsem na skoa i sanap 1-1 inap ful taim.

Referi Gabriel Pise i lukautim gut tru dispela gem.

Narapela strongpela gem bilong ol man tu i bin kamap namel long DCA na Elcom. Dispela gem i kamap pastaim namel long tupela tim bilong ol meri.

Long gem bilong ol man, ol boi DCA i kisim

planti gutpela sans tru long gol mak bilong Elcom. Ol i kisim planti bal long mak bilong Elcom. Tasol ol i wok long abrusim ol dispela gutpela sans.

Long namba tu raun, tupela i kam bek na holim strongpela pait tru. Tasol tupela wantaim i strong tru na no gat skoa i kamap. I bin gat tupela gutpela sans i k a m a p l o n g intansenen pilaia, Adam Lema we em yet i kisim bal i go insait stret long mak bilong DCA. Em i givim baksait long golkipa na kikim isi i

go. Olsem na Michael Lesley i sevim dispela gol.

Narapela gutpela sans tu bilong Elcom em Sama Asugum i bin kikim wanpela strongpela kik tru long mak bilong DCA. Bikipela spes tru i stap olsem na Sama i putim bal ya i go stret. Tasol abrus na bal i pas long goi pos na kam bek. Olsem na skoa i sanap 1-1 inap ful taim.

Kosa bilong DCA, Kos Umion i raun planti long gol eria. Bikos ol boi bilong em i kisim planti gutpela sans.

PNG i mas lukaut gut long Nu Silan

KOSA Joe Turia i gat bikipela bilip olsem Papua Niugini bai winim namba wan gem bilong em long Osenia Anda 23 tonamen long Fraide Novemba 15, 1991.

Tonamen ya i kamap long Fiji na 4-pela kantri olgeta long rijon i kik insait long en. Nem bilong ol em PNG, Australia, Nu Silan na Fiji yet.

Nau yet ol yangpela PNG i lusim pinis tupela namba wan gem egensim Fiji long Sarere Novemba 9, na Australia long Mande Novemba 11. Fiji i winim PNG 2-0, na Australia i win 5-0 long bikipela skoa stret.

Long Tunde em no gat gem i bin kamap. Na long aste, Trinde Novemba 13 em Australia i bungim Nu Silan.

Tim menesa Moses Murray i tok Australia i win bikos ol i longpela moa long mipela. Na dispela i givim gutpela sapat stret long ol kona kik. Bikos ol yangpela bilong PNG i sot tumas na i no inap kalap wantaim ol.

Tasol Turia i tok Aus-

tralia i win, tasol ol manki i pilaim gutpela gem egensim Australia. Sampela bilong ol pilaia husat i pilai gut tru em tupela midfilda Desmond Waku na Joe Aisa wantaim tupela fulbek, Ben Tuluwai na Didi Saripa. Ol bai go pas gen long autim Nu Silan.

Nu Silan na Australia i

winim pinis tupela namba wan gem bilong long gutpela skoa. Tupela yet i bung long Trinde. Fiji husat i autim PNG i salim kaikai long strongpela Nu Silan tim 4-0.

Olsem na PNG i mas tingting gut long dispela. Bikos nogut Nu Silan i autim em long bikipela skoa.

OSANIA ANDA 23 TONAMEN PLES: FIJI

Dro na skoa:

Fonde Novemba 7

Nu Silan autim Fiji 4-0

Sarere Novemba 9

Fiji autim PNG 2-0

Mande Novemba 11

Australia autim PNG 5-0

Tunde Novemba 12

No gat gem

Trinde Novemba 13

Australia vs Nu Silan

Fraide Novemba 15

PNG vs Nu Silan

Mande Novemba 18

PNG vs N'Silan (Return Match)

Trinde Novemba 20

N'Silan vs Fiji (Return Match)

Fraide Novemba 22

PNG vs Fiji (Return Match)



• **Sore Josephine:** Laisani (raithan) bilong Edukesen i saitim Josephine Ombuno bilong Taxation i go arere na kikim bal pinis. Dispela em long Mosbi Pablik Sevan soka resis long las wiken. Long kain stall olsem na Edukesen i win 1-0.

INSAIT

• **Madang soka wetim yet ripot bilong referi Morris** p27

• **Is Arowe autim Kokopo taitel** p26

• **Mosbi sofbal ripot na dro bilong wiken**

• **Lukim moa Mosbi Pablik Sevan soka poto** p25-p27

• **Momase Jayapura tim no gat opisal yet** p27

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

BENSON and HEDGES

EPC soka stat wantaim senis

ISTEN Papua Kanivel (EPC) long Mosbi bai statim gen resis bilong em long dispela wiken long Bisini soka graun. Dispela resis bilong ol pipel long Isten sait bilong PNG i save kamap olgeta yia.

Resis bai i stat wantaim 22 tim bilong ol man, 11-pela bilong ol meri.

I gat liklik senis long pilai op bilong gren fainal. Bipo namba wan na tu tim bai salens, na wina bai go wetim fainal. Nau, tim husat i kam namba wan long pul bai go stret long eliminesen raun.

Olsem long resis bilong ol man i gat 4-pela pul. Namba wan tim long Pul 1 bai bungim namba wan tim long Pul 3, na wankain long tupela arapela pul. Ol wina bai pilai op i go long gren fainal. Na ol lusa bai pait long winim namba tri ples.

Tasol dispela senis long rul bilong pilai i no karamapim ol meri. Bikos i gat tupela pul tasol long resis bilong ol.

Hia em tim bilong ol meri long pul 1: Naniu, Amazon Bay, Dodoegu, Gerehu, Togelu na Kula. Pul 2: Exodus, Weramaka, Salamo, Stone Axe na LSC.

Pul 1 bilong ol man: Naniu, Rabaraba, Yabwau, Tamarox, Simla 1, Godens 1, Pul 2: Boroko 2, Amazon Bay 2, Moelalana, Stone Axe, Togelu, Ambo. Pul 3: Godens 2, Gerehu 2, Amazon Bay 1, LSC, Mini, Not Is. Pul 4: Boroko 1, Kula, Lagimi, Gerehu 1, Simla 2 na Dodoegu.

Olgeta dispela tim i mas rejisterim pilaia bilong ol bipo long Fraide Novemba 16, 1991. Pilaia rejistresen fi em K2.

Ol nupela eksekutiv em ol bai makim long dispela yia. Nominesen fom em wan wan klap bai i kisim long geit taim ol i go insait long lukim pilai.

Lae soka redi long fainal

LAE Futbol Asosiesen (LFA) i makim pinis olsem ol gren fainal bilong 1991 sisen bai i kamap long wiken bilong Novemba 23 na 24.

Dispela wiken, Novemba 16 na 17 bai ol fainal i stat long painimaut wanem ol tim bai kik long gren fainal.

LFA i no makim yet olgeta tim bilong kik long fainal long wan wan divisen. Tasol long poin lata em *Wantok* i kisim i soim olsem ol dispela tim bai go insait long fainal. LFA bai givim las tok orait long ol dispela tim long dispela wik.

Hia em ol fainal 4 tim bilong 5-pela divisen tasol: **Lig Divisen-Mitf, Goro, Morobe Yunaitet, PTC; Wimens-Guria, Bara, Poru, Wallya; Namba wan-Westpac, Nadzab, Borabora, Poru; Namba tu-Bara, Trukal Kawa Yunaitet, Kusebo, Poru;**

Anda 16-Nadzab, Bumayong, Goro, Bugandi.

Ol anda 19 na 23 divisen em ol opisal i no makim yet tim bilong go insait long fainal.

LFA i plenim olsem dispela wiken namba wan tim bai pilaim namba tu long wan wan divisen, insait long mesa semi fainal. Na namba 3 tim bai pilaim namba 4 tim long maina semi fainal long Sarere Novemba 16.

Ol wina bilong mesa semi fainal bai go stret na wetim gren fainal long narapela wiken. Na lusa bai pilaim wina bilong maina semi fainal long Sande Novemba 17.

LFA presiden, John Peka i tok long Sarere ol Anda 16 na 19 bai pilai long Sir Ignatius Kilage Stadium. Na ol gem bilong Anda 23, Namba wan, Wimen na Lig divisen bai kamap long LFA Pak.

Long Sande, olgeta priliminari fainal bai kamap long LFA Pak.



RAGBI

OP SISEN

Namba 5



Fonde Novemba 14, 1991

NIUS

NUMAPO na MATMILO

... joinim pinis Kumul tim long Frans

LUKIM STORI - PES 2



• Bal Numapo ... bal kamapim pala long beklain aninit nau long nupela yangpela kepten.

• Michael Matmilo ... bal holim bek namba 9 jesi bilong em we ol yangpela blut i pilai kaskas long en.

INSAIT

- Moa ripot long pilai raun bilong Kumul i go long Yurop p2-p4
- Unagi na Mosbi Pablik Sevan op sisen lig poto bilong wiken ... p3

- Mosbi Pablik Sevan lig dro p3
- Ol tim long Ingran laik baim Wagambie p4

- Gawi Magpies laik autim Madang ragbi tas taitel p4
- Bears bilip long autim Tigers long Gerehu ragbi tas resis p4



Kumul lusim olgeta gem long Ingran

PAPUA Niugini Mazda Kumul i pinisim las namba 5 gem bilong ol long Gret Briten long las Sande. Long Tes Gem egensim Gret Briten Lions em ol i lus 56-4.

Ol niuspepa long Ingran i ripot olsem dispela i no wanpela gutpela pilai raun bilong Kumul. Bikos ol i lusim olgeta 5-pela gem long bikpela skoa tasol.

Papua Niugini i lusim olgeta 5-pela gem long Ingran. Ol gem i sanap olsem: Wales i win 58-0, Briten Anda 21 tim i win 56-0, Humber side i win 14-12, Cumbria i win 36-12, na Tes Gem.

Gret Briten i skoarim 220 poin long ol dispela 5-pela gem. Na Papua Niugini i skoarim 28 poin tasol.

Kol winta i bagarapim liklik pilai bilong ol Kumul. Tasol ol Kumul pilai i putim kamap sampela gutpela stail bilong pilai we sampela sapota na opisal i amamas tru long lukim

Ples i bin kol long mak bilong 6 digri selsius taim ol Kumul pilai i ran i go insait long fil. Tasol ol pilai i pilai strong stret long nem bilong Papua Niugini.

Ol i sanapim strongpela banis, na takelim olgeta pilai i ran i kam long ol.

Ol skoa bilong Lions i kam long gutpela stail bilong ran "fut wok" em ol fowat pilai i kamapim, na bihain stretim pilai bilong beklain long skoa.

Namba bilong ol asua em Lions i mekim long fil em 20-8. Tasol Kumul i no yusim ol dispela sans long skoa. Skram i go long sait bilong Kumul 8-4.

Referi bilong Australia, Bill Harrigan i givim planti penelti long ol Kumul pilai 12-5.

Leslie Hoffman, nupela fowat husat i joinim Kumul long nau tasol i pilaim gutpela gem long seken ro, na kamapim sampela gutpela sans long skoa.

Huka Kes Paglipari i kisim bikpela bagarap long raithan ai bilong em. Ol i yusim 5-pela rop olsem longm samapim dispela sua.

Tasol bihain ol i makim em olsem namba wan pilai bilong dispela pilai raun "player of the tour" i go long Gret Briten. Kes i pilaim gutpela gem tu long Tes Gem wantaim ol gutpela ran.

Long beklain, Richard Wagambie i autim stail stret long takel na ran wantaim, taim em i kisim bal.

Ol arapela pilai husat i pilai gut em James Naipao, bipo long referi Harrigan i salim em i go long sin pin, na Michael Angra i senisim em.

Joe Gispe i kamapim sampela gutpela sans bilong skoa. Tasol ol dispela sans i go lus nating.

Bihain long pilai, ol Kumul pilai i bin bung long Wigan Ragbi Lig Klap, em Gret Briten Ragbi Futbal Lig i holim.

PNGRFL kibung bai makim nupela presiden, Kumul kosa na ol selekta

PLANTI gutpela toktok na senis bai kamap long bikpela kibung (AGM) bilong nesanel ragbi lig bodi, Papua Niugini Ragbi Futbal Lig (PNGRFL) long pinis bilong dispela mun.

Dispela kibung bai kamap long Novemba 30. Dispela em wanpela de bihain ol Kumul tim i kamap long PNG. Kumul tim bai kamap bek long kantri long Novemba 29, bihain long ol i pinisim pilai raun bilong ol long Yurop.

Edministrata bilong PNGRFL, Jack Metta i

tokim **RLN** long sampela het tok tasol bilong dispela kibung.

Hia em sampela bilong ol dispela het tok o agenda:

- Ileksen bilong nupela presiden long kisim ples bilong Sir James Jacobi

- Ileksen bilong nupela Kumul kosa long kisim ples bilong Skerry Palanga

- Ileksen bilong ol Kumul selekta

- Ripot bilong ol memba lig insait long kantri.

Sir James i bin tokaut

olsem em bai i pinis long wok olsem nesnenel presiden long pinis bilong las mun. Nau yet PNGRFL i no kisim wanpela ripot yet long sampela nominesen.

Ating nominesen bai kamap long taim bilong kibung.

PNGRFL i bin laki liklik long lukaut bilong wanpela man olsem Sir James long sait bilong helpim. Bikos Sir James i gat planti pren, kampani na pipel. Olsem na ol i save givim helpim long sponsasip.

RLN i harim liklik

olsem sampela senta i kempen pinis long makim presiden bilong wanpela Niugini Ailan rijon lig long kisim dispela namba wan ragbi lig wok long kantri.

Narapela bikpela ileksen em bilong Kumul kosa na ol selekta. Bikpela komplèn i kamap nau long dispela.

Planti sapota, pilai na opisal i laikim olsem Kumul kosa, Skerry Palanga i mas pinis. Palanga i lukautim Kumul tim i go pilai raun nau long Yurop.



• **Kain stail bilong Jakis: Long lephan em olpela Kumul fowat husat i save pilai nau wantaim Paga Panthers A gret tim long Mosbi Winfield Lig resis i hatim skin long Mosbi Pablik Sevan op sisen ragbi lig resis.**

Wan pilai bilong em i kisim bal na em i mas sanap isi tasol. Em kain pasin bilong em nau ya.

Ol niuspepa long Ingran i ripot long Kumul olsem:

ALPHONSE PU long London i raitim

PAPUA Niugini Mazda Kumul tim i no kisim planti ripot tumas long ol niuspepa, televisen na redio taim ol i kamap long Ingran.

Wanpela lokol ragbi lig niuspepa tasol i givim gutpela ripot liklik long ol geta pilai em Kumul i bin pilaim. Ol arapela nesanel niuspepa em i save kam aut long olgeta de i givim liklik ripot tasol.

Tasol taim Kumul tim i lus nogut tru long Lions 56-4, olgeta niuspepa i ripot long gem bilong Kumul. Hia em sampela ripot long Tes Gem em i bin kamap long sampela nesanel niuspepa em i save kam aut long olgeta de:

OBSERVER SUNDAY 10TH NOV

"Papua Niugini i no bikpela birua tumas long dispela kantri ... gutpela win bilong Ingran i sanapim ol na long gutpela sans long bungim Australian Kangaroo long Wol Kap fainal. Tasol hevi bilong Lions kosa, Malcom Reily em em i no redi gut tim long kain salens olsem ... Briten bai bungim ol Papua gen neks yia long kantri bilong ol yet na dispela bai kamapim narapela stori ... Reily i ken i no amamas long 10-pela trai na 8-pela gol em tim bilong em i skoarim long dispela kantri, tasol long neks yia em bai i amamas long win long wanpela poin tasol".

SUNDAY TIMES 10 NOVEMBA

Ripot long dispela niuspepa i stat

olsem: "PNG i no inap long Gret Briten. Na tu ol i no inap long Australia na Nu Silan ... Papua Niugini em wanpela ples tasol long dispela graun em ragbi lig em wanpela spot tasol ol i save pilaim, tasol Australia wantaim Nu Silan na Gret Briten i autim ol pinis. Kumul i senisim ol pilai klostu klostu long namel bilong namba tu hap, na i luk olsem wanpela trening esesais stret." Pinis bilong dispela wan kwata pes ripot i tok olsem, "Kumul i no givim strongpela salens tumas, tasol dispela i givim sans long Reily long givim blut long sampela nupela pes ..."

THE TIMES MANDE11 NOVEMBA

"... dispela i no wanpela gutpela pilai na i no makim intanesenel stended liklik ... Long stat bilong pilai olgeta i save pinis olsem Gret Briten bai winim dispela gem".

THE INDEPENDENT MONDAY 11 NOVEMBA

"Long olgeta sapot na sperit bilong Papua Niugini ragbi lig sait, dispela Tes Gem long Sande i bagarapim stret ol dispela tingting bilong ol ... Namba 5 gem bilong Kumul long Gret Briten i bagarapim stret dispela pilai raun bilong ol. Dispela skwat i no gat ol eksperiens pilai, na i no pilaim kain stail bilong 1987 tim husat i kam pilai raun long Gret Briten".



• **No ken wari long gutpela fil: David Unagl op sisen ragbi lig resis long Mosbi i pala nau long pilai graun hap sait long Godens Discount Mart. No gat wanpela gras tru long fil, tasol ol i no wari long pundaun antap long ol "simen" graun, olsem ol pilai bilong Kiro Raiders na Is Kipo i soim. Kipi i winim dispela gem 12-10.**

Numapo na Matmilo joinim Kumul tim pinis

LEO WAFIWA i raitim

TUPELA olupela nem Kumul pilaia i joinim pinis Papua Niugini Mazda Kumul tim long pilai raun i go long Frans.

Olpela Kumul kepten Bal Numapo na huka Michael "Milo" Matmilo i joinim tim long Ingran long dispela wik Mande. Dispela em bihain long Tes Gem bilong Wol Kap poin em Papua Niugini i lusim Gret Briten Lions 56-4.

Numapo na Matmilo bai senisim ol yangpela pilaia olsem Korul Sinemau, Danny Moi na Jack Uradok. Ol pilaia ya i kisim bagarap long ol gem ol i bin pilaim bipo long Tes Gem bilong Sande. Ol i kam bek nau long Papua Niugini.

Tim menesa, Rod Pearce i bin toktok strong olsem Kumul tim husat i go pilai raun nau i gat planti yangpela pilaia tasol. Tupela olupela pilaia bilong 1987 tim husat i go long Yurop em Joe Gispe (Mosbi Air Niugini) na Ngala Lapan (Lae Tigers).

Wanpela as we Kumul i lusim olupela 5-pela gem wantaim Tes Gem long Yurop em no gat inap ekspiriens long tim. Ripot i kam long Ingran i tok ol pilaia i pilai longlong tru, olsem i no save mekim long Papua Niugini.


Long dispela as na PNGRFL i salim tupela olupela nem Kumul pilaia i go daun nau long joinim Kumul tim. Dispela sans i kamap gutpela liklik bikos sampela pilaia i kisim bagarap.

Numapo husat i save pilai long Kundiawa Winfield Lig, na Matmilo husat i save pilai long Lae Winfield Lig bai traim putim sampela pawa i go insait long dispela yangpela Kumul tim.

Numapo bai bungim stail wantaim yangpela Richard Wagambie long beklain. Na Matmilo bai lukautim pilai long fran lain long dami hap.



• Michael "Milo" Matmilo long raithan sait bilong ol tripela pilaia i husat i bung long lephan i sambai tasol. Dispela em long las yia taim Nu Silan Kiwis i kam pilai na salim kaikai long Papua Niugini long namba wan Tes Gem long Goroka, taim Arebo Taumaku (Mosbi DCA) i kepten long tim. Tasol long namba tu Tes Gem bilong Wol Kap poin long Mosbi, em Kiwi i winim.



Winim!

wanpela
Kumul
jesi

Na tu i gat planti
"T" Shirt bilong
winim.

Makim tasol wanem
Kumul tim em yu
tingim i ken pilaim
Australian Kangaroos.

Sapos mi wanpela selekta, mi bai makim ol
dispela pilaia:

Bai mipela tok aut long nem
bilong ol pilaia long 28, Nov.

Fulbek _____
Lep wing _____
Insait Senta _____
Ausait Senta _____
Rait Wing _____
Faiv Et _____

Prop _____
Huka _____
Prop _____
Seken Ro _____
Hap Bek _____
Lok _____

Nem bilong yu: _____

Adres: _____

Telepon Namba: _____

Salim olgeta entri bilong yu i go long:
Rugby League News Competition
P.O. Box 1982
BOROKO
NCD



Ol tim long Inqlan laik baim Wagambie

"TAIM ol i kolim nem bilong mi insait long Kumul tim long pilaim Australian kangaroo, na tu long kam pilai raun long Yurop, planti sapota wantaim pilaia na opisal i no amamas long ol selekta i makim mi. Ol selekta tasol i gat bilip long mi".

Papua Niugini Kumul senta pilaia, Richard Wagambie em bilip i stap olsem sampela ragbi lig klap long Inqlan bai kisim em long pilai wantaim ol. Wagambie i bin pilaim gutpela gem stret long las Sande egensim nesanel Gret Briten Lions. Dispela gem we Lions i winim 56-4 long Sentrel Pak long Wigan.

Wagambie em wanpela bilong sampela Kumul pilaia husat i givim strongpela takel long ol Lions pilaia. Na tu em i no abrusim wanpela takel liklik.

Taim em i kisim bal, em i save yusim het na save bilong em na ran long brukim banis. Dispela em wanpela samting em i no save kamap tumas long Papua Niugini.

No gat planti man i kamap long lukim dispela bikpela Tes Gem bilong Wol Kap poin. Samting olsem 3,000 manmeri tasol i kamap. Na olgeta taim ol bai sanap na singaut taim Wagambie i takel o kisim bai na burkim banis wantaim ol sait step, damina kik bilong em.

Paul Wilson, wanpela sinia spot ripota i raitim olsem; "Gutpela pilai bilong Wagambie i amamasim stret ol sapota. Pilai i laik pinis klostu na Kumul i no gat sans long win. Na Wagambie i bin go pas long wanpela gutpela beklain pilaia o muv em klostu Philip Boge i skoarim".

"Sapos yu pilai long Briten bai ol i baim yu long bikpela mani tru", wanpela opisal bilong Rodale Yok Klap long Yok we ol Kumul i stap long em i amamasim Richard olsem bihain long gem. "Mipela i gen oge-naisim long yu na famili bilong yu i kam stap hia na pilai long tupela yia samting o moa," dispela opisal i tok moa olsem.

Wigan i askim Wagambie tu long pilai wantaim ol. Wigan em wanpela bikpela ragbi lig klap long Inqlan husat i gat nem long winim primiasip long planti yia nau. Dispela klap i gat planti mani tu. Klap ya i gat sam-

pela intanesenel pilaia tu.

Kepten bilong Inqlan, Ellery Hanley i bin pilai wantaim Wigan long bipo.

Long askim bilong Wigan klap, Wagambie i no laik toktok long dispela. "Ol i tok long givim mi gutpela pe na ol samting olsem. Mi laikim menesa bilong mi long toktok wantaim ol long dispela," Wagambie bilong Is Sepik provins husat i save pilai long Fairstar Tarangau long Mosbi i tok olsem.

Kes Paglipari i winim bikpela awot olsem namba wan pilaia long dispela pilai raun "player of the tour". Na Wagambie i winim

awot olsem namba wan pilaia long Tes Gem "Player of-the Match".

Ol Kumul i lus. Tasol we ol i pilai i amamasim tru Embasido bilong Papua Niugini long Gret Briten, Noel Levi. Levi i kamap na lukim tu dispela gem.

Bihain long gem em i tenkim ol Kumul pilaia long putim kamap wanpela gutpela gem. Em i givim gutpela toktok tu long pilai raun bilong ol Kumul i go long Frans.

Tes Gem em ol Kumul i pilaim gutpela tru winim ol arapela 4-pela gem.

Planti ragbi sapota long Inqlan i kamap long lukim ol biknem pilaia olsem Bal

Numapo, Mathias Kombra na Dairi Kovae husat i bin go pilai raun long Inqlan long 1987. Ol i lusim dispela sans. Bikos ol dispela pilaia i no stap insait long tim.

Tupela pilaia tasol, Joe Gispe (Mosbi air Niugini) na Ngala Lapan (Lae Tigers) i stap insait long dispela tim.

Na tupela pilaia bilong 1987 tim, Michael Matmilo na Bal Numapo i

joinim pinis olsem Kumul pilaia long go pilai raun long Frans. Tupela i senisim Korul Sinemau, Danny Moi na Jack Uradok husat em ol i salim i kam bek bikos ol i kisim bagarap long ol gem ol i bin pilaim bipo long Tes Gem.

Tim husat i pilaim Lions' long Sande na i lus em Ipisa Wanega, Joshua Kouoru,

Richard Wagambie, Philip Boge, Chris Itam, Tuksy Karu, Stanley Haru (Kepten), John Unagi, Kes Paglipari, Kera Ngaffin, James Naipao, Leslie Hoffman na Joe Gispe. Ol risev pilaia em Max Tiri, Thomas Daki, Ngala Lapan, na Lipirin Palangat.

Referi em Bill Harrigan bilong Australia. Na 3,800 man tasol i bin kamap.

Gawi Magpies laik autim Madang taitel

GREN fainal bilong Madang ragbi tas resis bai kamap long dispela wiken. Na Gawi Magpies i driman pinis olsem ol bai autim Madang Lagoon autim taitel bilong Master's divisen.

Dispela gren fainal pilai bai kamap long Sande Novemba 24 long Laiwaden Oval. Na i gat bikpela bilip olsem planti manmeri bai kamap long lukim.

Gawi Magpies i gat olgeta gutpela as long win. Bikos long las 6-pela gem i go pinis, Magpies i winim 4-pela na Lagoon i winim tupela tasol.

Tasol kosa bilong Madang Lagoon, Leonard Ora i gat bikpela bilip long ol lain bilong em long winim Gawi Magpies. Em i tok olsem bikos dispela em narapela kain bal gem.

Gawi Magpies i givim wankain toktok tu. Mausman bilong ol, Abraham Wari i tok "mipela bai win long wanpela poin tasol".

Dispela gem bai kamap strong long tupela tim wantaim. Olsem na planti manmeri bai amamas tru long lukim.

Ol pilaia bilong Madang Lagoon husat bai kisim fil long dispela wiken em John Ore, Paul Rokani, George Sariman, Adu Emos, Kila Rawali, Wawali Kali, Leonard Ora, Nunu

Homoka, Henry Polopas na Gerry Peni.

Long sait bilong Gawi Magpies em ol pilaia olsem Greg Babaga, Wibi Mita, Walter Mombi, Abraham Wari, Rex Alumoni, Jerry Mark, Merex Dominic, Joseph Dambui, Samuel Yara na Abraham Hei.

Dispela em namba wan gren fainal bilong Madang ragbi tas resis. Bikos dispela resis i bin stat long dispela yia tasol.

Ol arapela gren fainal bai i kamap namel long Madang Lagoon na Medics long open divisen bilong ol meri, Mobia bai salensim Pasindia long miks divisen, na Mimlon bai traime pawa bilong API Cats.

Seketeri bilong Madang Tas Asosiesen, Abraham Wari i tok olgeta tim bai draiv raun long Madang taun stat long 9 klok i go inap long 10 klok moning (10.00am).

Bihain bai olgeta i go bung long Laiwaden Oval na mas raunim fil. Long hap bai petron o wasman bilong Papua Niugini Tas Asosiesen, Peter Yama i givim sampela toktok.

Bihain long ol toktok bai oposisen lida bilong Madang provinsal asem-bli, Max Moeder i kikim op dispela gem.



• Richard Wagambie i sanap wantaim bikpela fowat bilong Australian Kangaroo, Martin Bella bihain long namba wan Tes Gem long Goroka em Kangaroo i winim. Dispela foto i kamap long Sidni Lig Wik niuspepa.

MADANG RAGBI TAS ASOSIESEN GREN FAINAL DRO

Taim	Divisen	Pilai
10.00am	Meri	Madang Lagoon vs Medics Eels
11.55am	Man	Mobia vs Pasindia
12.50pm	Mix	Mimlon vs PIPI Cats
1.45pm	Masters	Madang Lagoon vs Gawi Magpies

Bears gat bilip long autim tigers long Gerehu ragbi tas resis

DISPELA wiken Bears i gat bikpela bilip long autim kompetisen lida, Tigers long Gerehu Sab Eben ragbi tas resis long Mosbi siti.

Resis ya we 13 klap i save pilai insait long en bai i go insait long namba 6 raun nau. Na i gat bikpela bilip olsem planti sapota bai i kamap long lukim dispela gem.

Tigers tim i pulap long ol yangpela manki bilong Mekoo husat i stap long Gerehu Stage 3. Tasol long 20 minit i lusim 2 klok apinun (2.30pm) long Sande Novemba 17, em i mas tingting gut taim em i ran i go insait long Gerehu Spot Kompleks long bungim ol kas nogut bilong Bears.

Ol Tigers i gat bikpela bilip bikos tupela wik i go pinis ol i bin bagarapim sindaun bilong primia tim bilong las yia, Raiders. Na las wiken ol i pilaim wankain stail na autim narapela tim gen, em ol i kolim Raiders.

Sekteri bilong Bears Ragbi Lig Klap, Vincent Koroti i tokim RLN

olsem Tigers i go pas nau long resis. Tasol ol manki bilong em i gat bikpela bilip long autim Tigers.

Nau yet klap i gat hevi bilong gutpela yunifom olsem jesi na spot trausis. Tasol ol i kisim wan wan liklik helpim nau.

Klap yet tu i go pas nau long bungim sampela mani, wantaim ol helpim i kam long ausait long baim gutpela yunifom bilong ol pilai.

Tigers Ragbi Lig Klap i gat 87 memba olgeta. Planti bilong ol dispela memba em ol yangpela manki long Gerehu Stage 1, husat i no gat wok, na i save mekim l raskol pasin nabaut insait long Mosbi siti.

Dispela wik long Mande Novemba 11, Coca Cola kampani i givim bikpela helpim gen long saplaim 5-pela bokis lolliwara.

Klap seketeri Mista Koroti i tok dispela i no namba wan taim bilong Coca Cola kampani long givim kain helpim olsem.



• Sampela memba bilong Bears Ragbi tas klap long Gerehu i sanap bihain long Notis Bod ya em Coca Cola kampani i givim wantaim sampela bokis lolliwara long fran. Namba 4 long lephan i go em Sales Menesa bilong Coca Cola kampani, Igo-Eguta.

SIRAK MAIK

EM LAIK GO STOPIM OL, TASOL WANPELA BOTOL KLOSTU ALTIM TIKET BILONG EM...

MAIK I ABRUSIM OL BOTOL IGO, IKAM.. NAU EM BIKMAUS LONG OL LONG STOPIM PAIT...

OLGETA STOPIM PAIT NA SANAP LONGLONG I STAP...



MAIK IKIRAP NA ASKIM HUSAT I KIRAPIM DISPELA PAIT...

NAU TUPELA BLEMIM TUPELA YET...

LAPUN LAIK GIVIM LEFT HUK LONG MAN YA TASOL ABRUS NA T.K.O. LONG MAIK...



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!



REBO

EM PULAMAPIM PINIS NA REBO SIGARAPIM TAI NA TEK-OFF...

HEY!?! EM TEK-OFF NAU!!

ATING EM SAVE PINIS, YA!

SCREEEE!

REBO I NO ISI LONG TEK-OFF... OL RASKOL BIHAINIM EM NAU...

HOI, ISI YA!

HARIAP, DE... EM KATIM KONA IGO "KWIK!"

LONG WAN-WE DRAIN REBO I NO ISI... EM OVA-TEKIM OL KA TASOL NA SUT IGO TASOL...

HEY, MAI PREN! VO' HARIAP IGO WE? YU LES LONG LUKIM KRISMAS, AH?

ASKIM OL RASKOL I KAM LONG BAKSAIT!

VROOM!

REBO I STAP LONG GORDONS TASOL EM I GIAMANIM OL RASKOL NA GO LONG GEREHU... OL RASKOL BIHAINIM EM IGO LONG GEREHU...

HEY, REBO SAVE STAP WE? ATING EM STAP LONG GEREHU?

HE! HE! HE! OL I BIHAINIM MI YET... BAI MI PAULIM OL LONG STET 4!

SSH! YUMI BIHAINIM EM TASOL!

PLANTI LIKLIK HAP ROT LONG GEREHU STET 4... REBO TANIM OL SETA LIKLIK HAP KONA NA PAULIM OL STRET...

HEY, EM I GO WE, YA? GK!?

ATING EM GO STRET? YUMI GO TASOL!

OL I WOK PAINIM REBO LONG LIKLIK HAP KONA IGO LONG PETROL BILONG OL I PINIS...


KAMON, KA I STOP LONG WANEM?

ATING PETROL I PINIS, YA!... BARY-GK!?


PETROL I PINIS? GK!?!?

OL SAVEMAN BILONG BISNIS YUSIM OL!


Lister



LT1 5 K.V.A.
 • TOTALLY PORTABLE ENERGY SOURCE
 • IDEAL UNIT FOR VILLAGE LOCATIONS



TS2 8.5 K.V.A.
 • 3 PHASE OR SINGLE PHASE POWER
 • COMPACT AND EFFICIENT



HR3 26.25 K.V.A.
 • IDEAL COMMERCIAL BACKUP SYSTEM



CS6 58 K.V.A.
 • INDUSTRIAL CAPACITY
 • WILL HANDLE MAXIMUM DEMAND FOR POWER ANYTIME

Brian Bell Stores

- BOROKE — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAU — 92 1966

Phantom

<p>BRATA, YU NO INAP WIN. OL I GAT PAWA. YU MAS RONAWA, LUS PINIS.</p>	<p>BRATA BILONG MI TOK TRU. BABABU I GAT PAWA. BAI MI MEKIM WANEM NAU?</p>	<p>TAIM YU TOK BABABU I HAIT LONG FORT JUJU... MI TINGIM NAU..</p> <p>MI NOGAT. TOKIM MI PUIS.</p>	<p>JUJU I STAPIONG SACTEN BODA... LONG WANPELA LIKLIK AILAN!</p>	<p>.. EM I WANPELA OLPELA AMI BES KEMP.. BAGARAP PINIS..</p>	<p>HAPSAT LONG WARA.. TUPELA DIKTETA.. JENERAL ZAB.. BILONG ZABADABA NA JENERAL TOG TOGANA..</p>
<p>OL GAT TRABOL WANTAIM OL PIPEL BILONG OL.. OL LAIKIM FRIDOM NA SIVAL RAIT BILONG OL..</p> <p>FREEDOM NOW</p> <p>DEMOCRACY</p>	<p>YUMI TASOL I GAT DEMOKRASI LONG HA.. NAM OL I BLAMIM YUMI LONG KIRAPIM DISPELA TRABOL.</p> <p>TALK & BARRY 5-12</p>	<p>YU TING YU KIRAPIM TRABOL?</p> <p>I NO TRU.. TASOL FRIDOM BILONG MIPELA I MEKIM NA OLGETA PIPEL LONG NARAPELA KANTRI I LAIKIM FRIDOM TU.. YU SAVE DEMOKRASI, YA!</p>	<p>.. NAU OL I KIRAPIM DISPELA BIRUA OL I KOLIM DIKT TASIP LONG HA.. JENERAL BABABU TASOL.</p> <p>MI EM LO TASOL!</p> <p>NEXT WEEK: BABABU</p>		

Flash Gordon



FLASH WANTAIM OL WANLAIN I PAINIM BIRUA ANANIT LONG SOLWARA..



MICKEY MOUSE



<p>MI PINISIM BOT BILONG MI PINIS, ANKA MICKEY?</p>	<p>INAP MI TRAIM LONG SINK BILONG WASWAS.</p> <p>NOGAT</p>	<p>MI TING-TING LONG WASWAS INSAIT NAU!</p>	<p>AIVO! EMI REN NAU!</p>	<p>BAI MI GO TRAIM BOT BILONG MI ANTAP LONG GATA!</p>	<p>HOLIM PASTAIM! YU GO NA PUTIM OL BUT NA REN KOT BILONG YU PASTAIM!</p>
<p>ANKO MICKEY, MI NO INAP PAINIM OL KLOS BILONG REN YA! MI PAINIM LONG OLGETA HAP YA!</p>	<p>EM YA, ATING MI BIN PUTIM OLGETA LONG HA TAIM MI KLINIM HAUS BIPO!</p>	<p>© 1991 The Walt Disney Company. All Rights Reserved.</p>	<p>PILAI GUT!</p>	<p>8-11</p>	



LUSHIP

RON BILONG OL SIP LONG NOVEMBA, 1991.

I gat sampela senis ol olupela ron bilong ol sip. Sapos yu laik save moa, toktok wantaim Clement o Ita long telipon 42 2066.

RON BILONG OL SIP: NIUGINI AILAN

VESSEL VOY NO	RITA 098	M. EX 232	M. EX 233	M. EX 234
Departs Lae 10.00 AM	MON 04/11	MON 11/11	MON 18/11	MON 25/11
Arrives Kimbe 12.30 PM	TUE 05/11	TUE 12/11	TUE 19/11	TUE 26/11
Departs Kimbe 1.30 PM	TUE 06/11	TUE 12/11	TUE 19/11	TUE 26/11
Arrives Bialla 7.00 PM	TUE 05/11	TUE 12/11	TUE 19/11	TUE 26/11
Departs Bialla 8.00 PM	TUE 05/11	TUE 12/11	TUE 19/11	TUE 26/11
Arrives Rabaul 8.00 AM	WED 06/11	WED 13/11	WED 20/11	WED 27/11
Departs Rabaul 12.00 NOON	WED 06/11	WED 13/11	WED 20/11	WED 27/11
Arrives Bialla 12.00 Midnite	WED 06/11	WED 13/11	WED 20/11	WED 27/11
Departs Bialla 1.00 AM	THU 07/11	THU 14/11	THU 21/11	THU 28/11
Arrives Kimbe 3.30 AM	THU 07/11	THU 14/11	THU 21/11	THU 28/11
Departs Kimbe 8.00 AM	THU 07/11	THU 14/11	THU 21/11	THU 28/11
Arrives Lae 10.00 AM	FRI 08/11	FRI 15/11	FRI 22/11	FRI 29/11

RON BILONG OL SIP LONG ORO I GO LONG WEWAK

VESSEL VOY. NO.	M. EX 231	RITA 099	RITA 100	RITA 101
Departs Oro Bay 2PM	TUE 05/11	SUN 10/11	SAT 16/11	WED 27/11
Arrives Morobe ** Midnight	N/A	N/A	N/A	WED 27/11
Departs Morobe * 1AM	N/A	N/A	N/A	THU 28/11
Arrives Lae 6AM ** 7AM	WED 06/11	MON 11/11	SUN 17/11	THU 28/11
Departs Lae 9.00 AM	WED 06/11	MON 11/11	SUN 17/11	THU 28/11
Arrives Buki 2PM	WED 06/11	MON 11/11	SUN 17/11	THU 28/11
Departs Buki 3PM	WED 06/11	MON 11/11	SUN 17/11	THU 28/11
Arrives Finsch 4PM	WED 06/11	MON 11/11	SUN 17/11	THU 28/11
Departs Finsch 5.00 PM ##	WED 06/11	MON 11/11	SUN 17/11	THU 28/11
Arrives Wasu Midnight ##	WED 06/11	MON 11/11	SUN 17/11	THU 28/11
Departs Wasu 1.00 AM ##	THU 07/11	TUE 12/11	MON 18/11	FRI 29/11
Arrives Madang 10.00 AM ##	THU 07/11	TUE 12/11	MON 18/11	FRI 29/11
Departs Madang 5.00 PM	FRI 01/11	THU 07/11	TUE 12/11	SAT 23/11
Arrives Wewak 10.00 AM	SAT 02/11	FRI 08/11	WED 13/11	SUN 24/11

RON BILONG OL SIP: LAE - FINSAFEN - SIASSI

VESSEL VOY NO	RITA 098B	RITA 099B	M. EX 233B	M. EX 234B	M. EX 235B
Departs Lae 8.00 AM	SAT 02/11	FRI 08/11	SAT 16/11	SAT 23/11	SAT 30/11
Arrives Finch 1.00 PM	SAT 02/11	FRI 08/11	SAT 16/11	SAT 23/11	SAT 30/11
Departs Finch 12.00 Midnite	SAT 02/11	FRI 08/11	SAT 16/11	SAT 23/11	SAT 30/11
Arrives Lablab 6.00 AM	SUN 03/11	SAT 09/11	SUN 17/11	SUN 24/11	SUN 01/12
Departs Lablab 7.00 AM	SUN 03/11	SAT 09/11	SUN 17/11	SUN 24/11	SUN 01/12
Arrives Buki 2.00 PM	SUN 03/11	SAT 09/11	SUN 17/11	SUN 24/11	SUN 01/12
Departs Buki 3.00 PM	SUN 03/11	SAT 09/11	SUN 17/11	SUN 24/11	SUN 01/12
Arrives Lae 7.30 PM	SUN 03/11	SAT 09/11	SUN 17/11	SUN 24/11	SUN 01/12

RON BILONG OL SIP LONG WEWAK I GO OLSEM LONG ORO

VESSEL VOY. NO.	M. EX 230	M. EX 231	RITA 099	RITA 100	RITA 101
Departs Wewak 12.00 Noon	SAT 02/11	FRI 08/11	WED 13/11	SUN 24/11	SAT 30/11
Arrives Madang 8.00 AM	SUN 03/11	SAT 09/11	THU 14/11	MON 25/11	SUN 01/12
Departs Madang 9.00 AM	SUN 03/11	SAT 09/11	THU 14/11	MON 25/11	SUN 01/12
Arrives Wasu 6.00 PM	SUN 03/11	SAT 09/11	THU 14/11	MON 25/11	SUN 01/12
Departs Wasu 7.00 PM	SUN 03/11	SAT 09/11	THU 14/11	MON 25/11	SUN 01/12
Arrives Finch 1.00 AM	MON 04/11	SUN 10/11	FRI 15/11	TUE 26/11	MON 02/12
Departs Finch 9.00 AM	MON 04/11	SUN 10/11	FRI 15/11	TUE 26/11	MON 02/12
Arrives Buki 10.00 AM	MON 04/11	SUN 10/11	FRI 15/11	TUE 26/11	MON 02/12
Departs Buki 11.00 AM	MON 04/11	SUN 10/11	FRI 15/11	TUE 26/11	MON 02/12
Arrives Lae 4.30 PM	MON 04/11	SUN 10/11	FRI 15/11	TUE 26/11	MON 02/12
Departs Lae 7.00 PM	MON 04/11	SAT (RITA) 09/11	FRI 15/11	TUE 26/11	MON 02/12
Arrives Morobe ** 1.00 AM	N/A	N/A	N/A	WED 27/11	N/A
Departs Morobe ** 2.00 AM	N/A	N/A	N/A	WED 27/11	N/A
Arrives Oro Bay 9 AM ** 11 AM	TUE 05/11	SUN 12/11	SAT 16/11	WED 27/11	TUE 03/12

AGENTS:

Lae	Luship	42 2066
Madang	Luship	82 2577
Finschhafen	Luship	44 7004
Wewak	Sepik Coastal	86 2643
Oro Bay	Century Shipping	29 7268

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.